

UTL AT DOWNSVIEW



D RANGE BAY SHLF POS ITEM C
39 16 17 02 09 012 2



D Salāheddīn, Ahmed
375 Berlīn kōngresiniñ
.3 dīplōmāsī tārīhine bir nāzar
S24

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

1608

10/14

بسم الله الرحمن الرحيم

الحمد لله الذي هدانا لهذا
ما كنا لنهتدي لولا أن هدانا الله

والصلاة والسلام على
سيدنا محمد وآله الطيبين الطاهرين

١١٧٧

PLEASE DO NOT WRITE
ON OR RUPE WITH THE PENCIL
UNIVERSITY OF MICHIGAN LIBRARY

کلیات

Ṣalāheddīn, Ahmed

حقوق و سیاسیات

دن

برنجی کتاب

برلین قونفرانس

Berlīn kōngresiniñ diplōmāsī
دیپلوماسی تاریخچه بر نظر
tāriḥine bir nāẓar.

محرری

مکتب حقوق و دارالمعلمین معلملرندن

احمد صلاح الدین

۱۳۲۷

D
375
.3
S24



(کلیات حقوق و سیاسیات)

(طلبه مه)

بو نام آلتنده نشرینه باشلادیغ سلسله رسالاتی ، آتی مملکتک تمایل امیددی اولان طلبه مه اتحاف ایدیورم . چونکه بن ، اونلره ، اوکرندیگی اوکرتتمکده بولدیغ حظ وجدانی بی باشقه هیچ برشیده بوله مایورم . و اوپله ظن ایدیورم که مملکتک اقطار بعیده و قریبه سنده آنلرک ایفا ایده جگاری خدمات بر کزیده ده بوکونکی تلقینات علمیه نک تأثیرات حسنه سی کوریورسه بونده بزم ده معنوی بر حصه مفخرتمز اوله جقدر .

بونک ایچون شمدیکی حالده مکاتب عالیه مداومینک تنویر افکارینه زیاده جه صرف غیرت ایتمککمز ایجاب ایدیورم . بو اوغورده یابلق لازم کلنه نسبتله یابلق اولانی او قدر آزون کاف ، دائماً ده ای یه دهامکمله دوغری یورومک احتیاجنی او درجه قطعی بولیورم که بو خصوصده عجزیمی خاطریمه بیله کتیرمیورم . فی الحقیقه غربک مآثر مخلده عرفانی قارشیسنده کندیمی نه درجه کوچوک و هیچ کوریورسه م ، ایفاسی متحتم حسن حیت اولان وظائفی ده او قدر بیوک و مبرم تلقی ایدیورم .

ایشته بو سائقه تبعاً عهدمه مودوع وظائف تدریسیه بی حسن ایفایه چالیشیق و قلاسیک بر کتاب یازمقله برابر ملتیه ده باشقه صورته ده مفید اولق چاره سنی آرادم و دوشوندیم که : مکاتب حقوقیه و ملکیه ده

تحصيل ايتمش ويا ايتمكده بولونمش اولانلره خارجدن علوم حقوقيه و سياسيه مطالعه سندن لذت آلانلر، اثنای توغلرلنده جالب دقت برچوق مسائل و مباحثه تصادف ايدرلر . بو مسائل ، بعضاً وطنزه شدت تعلق و بعضاً تكامل انسانيته خدمتي اعتباريله صورت مخصوصه ده يتبعه شايان كوريلور . فقط بو يتبعه اكثريا آنلرك نه وقتلري ، نه ده مشاغل روزمره لري مساعد اولماز .

بو ملاحظه يه مبنی او قییل مسائل مهمه حقوقيه و سياسيه حقنده اوروپا نفایس آثار جدیه و علمیه سندن آرایوب سچدیکنر قسملری برر ایکیشر طویلایوب یوردیمزه کتیرمک . . . عثمانلی عالم عرفانته ائک ائک ازهار فکرت طاشیمق . . . جهان عالمک عمله فکریه سی کبی چالیشمق اشتیاقی حاصل اولدی . لکن بو عجز معترف ایله او اشتیاق ، بربرینه ضد ایدی : فقط بن خولیا سیله مأجور اولق ایستینلردن دکلر . « چالیشیر والمدن کلنی وجوده کتیریرم » دیدم و او یله یاپدم .

بیان ایلدیکم وجهله بو رساله لرده بزم خدمتمیز . دولتمزه و انسانیه تعلق ایدن مسائل حقوقیه و سياسيه حقنده هانکی مؤلفلرک آثارندن اقتباساتده بولنه جعفری تعیین ایتک و اونلری بعض ایجابات محیطیه توفیق ایله لسانمزه نقل ایلکدن عبارتدر .

بناءً علیه مرجع مطالعاتمز اولان فحول متفکرین غربک نفوذ علمیسنه استناداً تأمین ایده بیلیرم : بو یازیلر . عمان حقوق و سیاستدن النقاط ایدلمش برر صدف حقیقتدرکه ایچلری بوش اولماسه کرکدر .

مع مافیه بو یولده کی مباحث مهمه حقنده شو کلیاتی تشکیل ایدن رسائلک ویره چکی معلومات متخصصرله غنا ویره چک مقیاسده واسع وعظیم دکلدر . او قدر اوزون و درین تدقیقاتی احتوا ایدن مفصل نه تودلرک فائده سی . بزده پک عمیم اولاما ز . بالفرض (برلین قونفره سنک دیپلوماسی تاریخی) ، (حرب و صلح) ، (لاهی قونفرانس لری) . . . کبی کنیش موضوعلر اوزینه ایکیشرا وچر جلد تشکیل ایده چک قدر اوزون برر اثر یازمق ممکندر .


آنحقی بویله آغیر وخشین بر اثری قاج کشی اوقومغه تحمل ایدر؟
ایش ، بوراده در . تدقیقات درینشدکجه کتابک مخاطبلری آزالیر .
آزالیر ونهایت بر رادهیه کلیرکه آنی اوقویه بیلهجک اولانلر . ذاتاً
کندی کندیلرینه او تبعاتی یایمش ویا یایه بیلهجک اولانلردن عبارت
قالیر . او حالده او عظیم سعیدن ایدیلجک استفاده یک قاصر ومحدود
اولمازمی ؟ اوندن بشقه (وقت ، نقد) اولدیغندن ممکن اولدیغی قدر
اقتصاد زمانیه رعایت ایتکده لازم دکلیدر ؟

روحسز اولماغله برابر دها بجل بر اثرک مخاطبلری دهها چوق .
فائدهسی دهها شمولی اولور . ایشته بوملاحظه ، کلیاتمزی تشکیل ایدن
آثارک تعیین مقیاسنده رهبر اولمشدر . بونیکله برابر بونلرک حاوی
اولدیغی ایضاحات ، بر قلاسیک کتابک تطمین ایده میهجکی احتیاجات
دماغیهیی ازاله ایدمک قدر واسعدر . آندن بشقه شورساله لر ، یوان
برر ترجمه حرف بحرفدن عبارتده دکلیدر . عین موضوعه دائر مطالعه
ایدیلن آثار سائردهنده علاولر ، نفعی ملاحظه ایدیلن بعض آدابتا -
سیونلرده اجرا ایدلمشدر . برده بی طرف اوله رق حقیقت علمیه دائره سنده
قالق ایچون ممکن مرتبه ملی بر نقطه نظر دن تجردله انسانی بر نقطه نظر
تعقیب ایدیلکجه چالیشلمشدر .

الحاصل یازدقلمک صنف منور عثمانیه فائده بخش اولسنی تأمین
الویریشلی اهتمامدن کیری طورلادی . املده موفق اولورسه هم بونک
شرقی — مساعیمه سائق دائمی اولان — طلبه مک خواهش عرفانه
مدیون اوله جفم .

احمد صلاح الدین

کانون ثانی ۳۲۶



برنجی کتابہ مقدمہ

برلین قونعر دسنگ بر آرمکمل بر دیپلوماسی تاریخی یازمق ایستہین بر محرر ، (آدولف داویرل) ، (بہنووا برونسویک) ، (ماقس شوبلیہ) ، (فرہدریق دومارتنس) ک بالخاصہ بومسئلہ یہ حصر ایتدکری تالیفات معظمہ ایلہ (رولن ژاقن) و (بلونچلی) نک بلجیقا حقوق دول رسالہ سندہ یکرمی اوتوز سنہ اول یازدقلمی مقالاتی ، (دہبی دور) ، (امیل بورژوا) ، (آلبرواندال) ک تاریخ سیاسی خارجیہ متعلق آثار و تقاریرینی ، (فرانچ دہپانیہ) ، (شارل دوپوٹی) ، (دریول) ، (رنہ پینون) ، (سرژ غوریہ نوف) . . ک مسائل شرقیہ حقندہ ایضاحات کافیہ بی جامع اولان کتب سیاسیہ - نی ، قونعرہ وقونفرانس مقررات و پروتوقوللری ایلہ دیپلوماسی مخابراتی ، (آندراشی لایحہ سی) ، (برلین مہمورانومی) ، (صاری کتاب) ، (ماوی کتاب) و حتی عصات بیاننامہلری کبی وثائق ، اووقایعہ قاریشان رجال سیاستک وبالغرض بیقونسفیلد ویسمارکک تراجم احوال وافکار و خاطراتی ، پارلامنتولر مذاکراتی ایلہ مطبوعات مناقشاتی ، رجال عثمانیہ نک آثارینی دہ عریض و عمیق تتبع ایتلمی ؛ خارجیہ نظارتی مخزن اوراقدہ تحریرات و تفحصات اجر ایلہ ملی درہ بوایسہ بتون بر عمر مساعی استیعاب ایدہ جک قدر بیوک برایشدر .

مع مافیه پك عمیق تدقیقات نتیجه سنده یازلمش اولان ولطافت
بیانیاه بر شعر سیاسی دینله بیلن (ده بیدور) ك دیپلوماسی تاریخی
اساس اتخاذا ایدرك اوکا دیگر مطالعه ایدیلنلردن. (مارتنس) دن،
(شارل دوپوئی) دن ده علاوهات اجراسنی تنسیب ایتدم.

تاریخچه نك مبدئیه كلنجه. — عثمانلی — روس محاربه سنك
اسباب عمیقاً ولیه سنی آریالدر، روسیه نك، پترو و قترینه زمانلرینه
مصادف اولان تكامل سیاسی دورهمیاه، شرق مسئله سینه منش
صاییلان صفحات انحطاطیه مزى، بتون اوقرلوفچه. پاساروفچه.
كوچك قاینارجه نره منجر اولان سلسله حادثاتی ده تدقیق
ایتمك لزومنی حس ایدرلر.

فقط بز. بو کتابده مطالعه مزه اوقدر اوزاقدن دكل. حربك
سبب قریب مادیلی بولنان هر سك. رومایلی قیاملرندن باشلايه جغز.
آنجق، اونلری احضار ایدن حادثات، ۱۸۵۶ پارس معاهده سیمیه
آنی متعاقب روسیه ده وجود بولان انقلاب اجتماعی و امل اتحاد ملی
و ۱۸۶۶ ده آوستریانك و ۱۸۷۰ ده فرانسه نك پروسیایه مغلوبیتی
ایله اوروپا موازنه سنده متحصل تقلباتدن عبارت اولدیغندن اول
امرده اوشونه بر نظر سریع عطف ایده جکز :

قریم محاربه سندن صوکره

۱۸۵۴ ده مقامات مبارکه مسئله سی و مملکتین اشغالی اوزرینه روسیه ایله دولت عثمانیه آرمسندده ظهور ایدن حرب انکلتره ، فرانسه ، پیه مون حکومتلرینک دولتمزله اتفاقی نتیجه سی اوله رق روسلرک علیه نتیجه لغش ایدی .

۱۸۵۵ سنه سی ایلولی ایچنده دول متفقہ نك مقاومت شکن یومباردمانلری آلتنده سیواستپولک سقوطی ، روسلره آمان دیدیرتمدیه بیله تکلیفات صلحه حواله سمع ایله ملرینی موجب اولدی . ایکنجی آلکساندر ، باباسندن قالان بومیراث غوائلدن ممنون دکلدی . او بارگرانی اوزرندن آتمق جاننه منت ایدی . فقط عزت نفس . بو آرزونک بدایه کندی طرفندن نشرایدلمسنه مانع اولیوردی . لکن باشقه بر طرفدن واقع اوله جق تکلیفات صلحه یه حواله سمع ایتسنه حائل یوق ایدی .

او وقت ویانه سفیری بولنان غورچاقوف ، « جریان وقوعات . بزی دلسر اولمغه مجبور ایتدی . فقط صاغر اولمغه دکل » دییور و بونکله صلح ایچون واقع تکلیفات عدم اصغاده اصرار ایدلمیه جکنی ایما ایلوردی .

اوچنجی ناپولیون . محاربه نك ختامی تمی ایدیور و روسیه ، بحر سیاهک بی طرفلغنی قبول ایتدیکی تقدیرده انکلتره نك مطالباتی تعدیله مهیا کورونیوردی .

اوسرده آوستریا ، بعدازین ، جسارتی تهلکه‌سز کورده رک جنرال (له‌تانغ) لك بك ظریفانه سویل‌دیکی : کی — « غالبك امدادینه قوشمغه حاضر لاندی »

۱۴ تشرین‌نانی ۱۸۵۵ تاریخنده آوستریا حکومتی ، فرانسه ایله برمه‌موران‌دوم امضا ایدهرک بونده مصالحه آتیه اساسلرینی روسیه‌یه اولتیماتوم شکلنده تکلیف ایتکی وچار ردایدرسه آنکه قطع مناسبت ایله‌مکی تعهد ایتدی . آوستریانك بویولده‌کی تبلیغاتی اوزرینه روسیه بعض مرتبه محاوله‌یه قیام ایلدی ایسه‌ده خشین وقطی بر اصرار قارشیدسنده آوستریانك بالجه تکلیفاتی بلا تقييد و تشریط قبول ایتکده اولدیغنی بیلدیردی .

۱ شباط ۱۸۵۶ ده مقدمات صلحیه ویانه‌ده امضا اولوندی . معاهده صلحیه‌نك احکام قطعیه‌سنی تقرر ایتدیرمك ایچون پارسده برقونفره اجتماع ایده‌جکدی . قونفره‌یه پروسیا دخی تشریک اولوندی واجتماعات ، ۲۵ شباط ۱۸۵۶ ده باشلایه‌رق ۳۰ مارت‌ده معاهده صلحیه امضا ایدلدی .

معاهده‌نك باشلوجه احکامی شو صورتله خلاصه ایدیله‌بیلیر :

« ۱ » (قره‌دکز) . — بحر سیاه ، بی‌طرف حاله وضع اولونمشدر . لیمانلری سفائن تجاریه‌یه آچیق ، سفائن حربیه‌یه قاپالیدر . دوات عثمانیه وروسیه ، قره‌دکز سواحلنده هیچ بر حرب ترسانه‌سی بولوندرمامغی تعهد ایله‌مشلردر . یالکز سواحل خدمت محافظه‌سنه مقتضی سفائن خفیه بواندیرایلیرلر . بناءً علیه قلعه سلطانیه وبحر سیاه بوغازلرینه دخولی بالجه سفائن حربیه‌ایچون ممنوعیت تحتنده بولوندیران قاعده قدیمه ایفا ایدلمشدر .

یا لکز دول متحابه سفارتلری خدمت لرندہ قوللانیله حق سفائی خفیفه ایله معاهده موجبنجه دونه منصب لرینه استاسیونر — کوندره بیله جک اولان حکمدارانه عائد سفائی ایچون بو خصوصه بر استثنای قبول ایدلشدیر (ماده ۱۱ — ۱۴) .

« ۲ » (طبع نه) . — دونه، تجارتہ آجیت واوراده سیر سفائی انہار بین المللہ تدبیر اولنان قواعدہ تابعدر . نہرده سیر سفائی تأمینہ چایشمفلہ مکلف بر قومیسون تشکیل ایدلشدیر . وظیفه سنی اکمال ونتیجہ مساعیسنی دولترہ عرض ایچون بو قومیسونہ ایبی سنه لک بر مہلت ویرلشدیر . بومدت مرورندہ دولتر طرفندن مصدق ونہرایله منصب لرندہ سربستی سیر سفائی ادامہ یه مخصوص قواعدک اجراسنہ نظارتلہ مکلف دائمی بر قومیسون تشکیل اولنہ جنی تقریر اتمشدیر . (۱۶ — ۱۸) .

« ۳ » (حدود) . — بسارایا حدودی ، روسیہ نک طونہ مدخلنہ حاکم اولہ بیاسنہ مانع اولہ حق صورتدہ تعدیل ایدلشدیر . روسیہ طرفندن ترک ایدیلن قطعہ اراضی ، بغدادہ علاوہ و حرب اٹناسندہ روسیہ دن آلتان محللار روسیہ یه اعادہ ایدلشدیر (ماده ۲۰ — ۲۶) .

« ۴ » (مملکتین) . — حکومت عثمانیہ نک تحت تابعیتندہ بولور . نان افلاق وبغدانک بعدازین دول عاقده طرفندن تکفل ایدیلن امتیازاتی تأیید ایدلشدیر . عاقلردن هیچ بری ، بو پرنسلکار اوزرندہ برحمایہ خصوصیه اجرا ایدہ میہ جکدر . . .

افلاق وبغدان ، برادارہ مستقلہ ملیہ دن مستفید اولہ جقدر . بونلرہ سربستی آیین وتجارت ومختاریت تشریعیہ بخش اولونمشدیر . بر قوۂ منتظمہ ملیہ تربیتی واونلرک تشکیلاتی عاقلرک مرخصلرندن متشکل بر قومیسونہ عرض اولنہ جقدر .

باب عالی ، امارتیندہ مرعی قوانین ونظاماتک یکیدن تدقیقی تعہد ایدیور . مضیلر طرفندن بر عثمانلی قومیسرینک اشتراکیلہ بکرشدہ مخصوص بر قومیسون تشکیل اولونہ رق بونک مملکتینک حال حاضرینی تحقیق ونظامات آبیہ سنک اساسنی مرض ایله مسی تقرر ایلور .

« ۵ » (صربستان) . — صربستانه دخی عین تأمینات بخش اولونمیش و امتیازاتی تأیید ایدلمشدر . پادشاه ، اوراده عسکر اقامه ایتک حقن محافظه ایتکدهدر .

« ۶ » (دولت عثمانیه) . — حکومت عثمانیه نك ، اوروپا حقوق عمومیه نی منافعتدن حصه مند اولمشی تقرر ایتمشدر . استقلال و تمامیت ملکیه نی تحت تکفله آلمشدر .

دول عیسویّه عاقده ، خرسیتیانی ، شخص و مال و مذهبلیك جایه نی نقطه نظریدن مسلمانلره تمیل ایدن ۱۸ شباط ۱۸۵۶ فرمانك مندرجاتی تلی ایدیورلر . ونه پادشاه ، تبعه نك مناسبته ونه ده دوات عثمانیه نك اداره ملکیه سنه هیچ بر صورتله مداخله ایتمه کی تعیدایله مشلدر . دول مشارالیه مدن هر بری ، دوات عثمانیه نك استقلال و تمامیت ملکیه سنه رعایتی وعد ایدیور و بو وعده تماماً صادق قالمی مشترکاً تأمین و آنك اخلاقی تضمین ایدن هر معاملیه نی منافع عمومیه یه عد بر مسئله عد ایده جکری نی اعلان ایدیورلردی . عقایدن بر ویا بر قبحی ایله دوات عثمانیه آرمسنده بر اختلاف ظهورنده دول سائر نك وسعتی تأمین ایدیوردی (ماده ۷ ، ۸ ، ۹) .



مغلوب روسیه . بو معاهده یه — بر موافقت اضطراریه ایله امضا قویمیش ایدی . چونکه بو معاهده و آتی انتاج ایدن انهرام . موسقفو فایمراضور اعلنك پترو ووقتیرینه دورلرندن بری اوروپا سیاست عمومیه سنده حائر اولدینی نقه ذمغوی و قدرت عظیمه نی قیرمیش ایدی . روسیه . بالخاصه قره دکزك بی طرفلغنه متعلق احکامی ، سرستی تکلمانه منافی بولیوردی . مع سفیه روس رجال حکومتی . بو عهدك روسیه علمبنده وضع ایتدیکی قیوددن تخلص اینجون ابلک

ظهور اید و جت فرصتک صاحبندن قاورامق امید و عزمنی بر اقادینر .
 بو ، اوزلر ایچون حیات مسئلهسی ایدی .

بتون اوروپا و آسیای، بویدن بویه قاپلایان او کشور جسیمک
 شالندهکی بوزلی دکنزدن خیریوقدی . بالطق و شرق اقب
 دکنزلرنده اوفق برر ساحل کفایت ایددمزدی . او بر بی پایانی
 شو هیئتیه پنجره سز بر سرایه بکنزدنلر یا کما یورلردی . اوک
 دکنز لازمدی . قره دکنز دده الی آیانخی باغلانجه نه یاپه جقدی ؛
 بو مغلوبیت روسلره درس اولدی ؛ بالخاصه مدیران امورک
 کوزلرینی اچدی .

بکلدکری فرصت آله کچنجه استفاده ایدم بیلیمک ، روسیه
 سیاست جهانده قدرت وسطوت سابقه سنی ، شرقدهکی نفوذینی
 اعاده ایلمک قولای برایش دکلدی . بونک ایچون ساده جه بر تعمیر
 خسار ، اداری بریاماجیلق دکل ، بیوک برتجدد ، انقلاب ایستردی .
 ایکنجی آلساندر ، پارس معاهده سنی امضا ایدر ایتمز .
 خیلی زماندن بری برنجی نیقولاً طرفندن تعقیب ایدیلن حکومت
 استبدادییه عطش اولنان هزیمت ایله تذلیل ایدماش اولان
 روس قومنک تمنیاتی اصغا ایتدی .

بر آردلق بر اوروپا هیئت متفقهنی طرفندن تقسیم اولونمق
 تهلکهنه معروض قلمش اولان روسیه ، عرقک بتون مقدرت
 روحیه سنی (énergie) اویانديره رق ، جانلاندیره رق عموم ملتی .
 بیوک اسلاو اتحادی غایه خیالیهنه تشریک ایتک ایسته مش ایدی .

ایشته بو سبيله ايکنجی آلكساندرک مبادیء سلطنتی، ادارهء سابقه یه قارشى بر عكس العمل احرارانه ايله تمیز ایتدی .
خارجہ قارشى قوتلى بولونمق ایچون داخلدی کوجود ویک امل اولمق لازم ایدی . حالبوکه ایچریده مهم . درین بر جریحه اجتماعیه واردی . روس ملتک اکثریتی تشکیل ایدن میلونلرجه نفوسک مقدراتی محتاج صلاح ایدی . اوکا چاره بولمادقجه سطوتلى بر ایمراطورلق شکلنده قالمق ممکن اولمازدی . ایشه چار ، صنوف منورەنک تلقیناتنه وافکار عمومیهنک معنوی ابراماتنه تبعاً بو جریحه چاره ساز اولدی و ۱۹ شباط ۱۸۶۱ تاریخنده اطلاق اسرای ارضیه émancipation des serfs یه دائر مشهور امرنامه یی امضا و اصدار ایتدی .

ایمراطورلغک قابل زرع اراضیسک اونده طموزینی مقام حکمداری یه ویا زادگاهه عائد بیوک مالکانهلر تشکیل ایدیوردی . بو اراضی اوزرنده تام ۴۷,۰۰۰,۰۰۰ اسیر (Serfs) یاشایوردی . املاک حکمداریده بولانلر درحال آزاد ایدیلر و چارک تمامیه کندیلرینه ترک ایتدیکی اراضینک صاحبی اولدیلر .

املاک سائره . ایکی قسمه آیرلدى و بر قسمی مـ . صرف اصلیه قسم دیگرى بر تضمینات نقدیه اعطای صـ و زیلہ آنی اشترا حقنه مالک اولان کویلیلره براقلدى . دولت ، بونلرک ویره جکلری تضمیناتک بشده دردینی کندیلرینه اقراض ایتدی و بورجلرینک قرق طموز سـ نده اودنمسنه مساعدہ ایدی . بونک ایچون

باقىلر تأسیس و لازم کلن تسهیلات تأمین اولوندى .
 بومهم انقلاب اجتماعیدن صکره ، اون طقوزنجی عصرک
 نصف اخیرنده آلمان و ایتالیان وحدت ملیه لرینک حصولیه رواج
 بولان ملیت اساساتنک اسلاو عرقله تطبیقی ایله بر (پانسلاویزم)
 وجوده کتیرمکه صرف مساعی اولوندى . بر آرهلق (۱۸۶۳)
 لهستانده ظهور ایدن عصیان ملی بیوک بر شدتله باصدیرلدى .
 ۱۸۶۷ ده مشهور پانسلاویستلردن (قاتقوف) و (آساقوف)ک
 وسائرهنک تشویقاتیه و (تاریخ طبیعی مراقلیلری جمعیتی) نامیه
 موسقوووده جمع ایدیلن قونفره ، پانسلاویزمک تظاهر عمومیهسی
 اولمش و تورکیا و اوستریا اسلاولرینی ، مطالبات عرقله ولسانیه
 وملیه لرینی افادهیه حاضرلامش ایدی .

بونى متعاقب، بالقان مملکتلرنده حرارتلی بر پروپاگاندا باشلادی
 موسقوووده بر مرکز قومیتهسی ، بکرشده ایکنجی درجهده
 بر قومیته شکل ایتدی . بلغارستان ، صرب مکاتب ابتدائیهسنه
 کتابلر، فقرایه اعانهلر ویریلیور وبتون بونلرک آرقهسنده اسلاو
 اخوت عرقلهسی استتار ایدیوردی .

۱۸۶۶ ده اوستریانک ، ۱۷۸۱ ده فرانسهنک آلمانیايه
 مغلوبیتی ، بتون اوروپا دولتلرینک وضعیت متقابله لرینی دکشدردی
 وپارس معاهدهسنک قیودمز عجهسندن قورتلوق ایچون کمین فرصتهده
 کشاده چشم انتباه اوله رق بکلین روس دیپلوماتلرینه مساعد بر حال
 ووضیعت عرض ایتدی. (میچ)ک تسلیمی، بتون اوروپانک انظار

دقتی فرانسز — آلمان هائله سنه جذب ایتدیکی صروده (تشرین اول ۱۸۷۰) غورچاقوف اوروپایه بیلدیردی که روسیه بعدازین کندوسنی، پارس معاهده سنک قره دکزه متعلق احکامی ایله مقید طانیماوردی. هر درلو عقود و عهدود بین الدول ایچون امنیتی سالب اولان بومعامله بتون اوروپاده بادی لوم و تقبیح اولدی.

واقع اولان تشبث اوزرینه روسیه نکه ده موافقت ضرور. ریه سیله لوندرده طویلانان قونفرانس، روسیه نکه حرکتیه قارشى پروتستو ایدرک «دول عاقده نکه انضمام رایى اولمقسزین بر معاهده نکه یالکیز بر دولت طرفندن اخلال ایدیلهمه می حقوق دول قواعد اساسیه سندن اولدیغنی» اعلان ایله مکله برابر روسیه نکه تکلیفی وجهله ۱۸۵۶ معاهده سنه مربوط دولت علیه روس مقاوله سنک مفسوخیتنی و روسیه نکه بحریه سواحلنده ترسانه واستحکامات انشا و دوناتما تجهیزا یتیمی امکاتنی قبول ایتدی و روسیه اخذناره حاضرلاندی.

تورکیا ایسه بتون اجرا آت سقیمه سیله قریم سفرنده کی پارلاق موقع بین الدولندن سقوط ایله مکده ایدی.



دولت عثمانیه و پانسلاویزم تحریکاتی

دولت عثمانیه نك مبتلا اولدینی مرض مزمن ، كوندن كونه كسب شدت و وخامت ایدیور و دیپلوماسینك وقت وقت صرف ایندیكى مساعی تسکینیه او علت قدیمه نك هر اون بش ، یکر می سنه ده بر کره بتون اورویانی صار صان بر بحران شدیدایله تظاهرینه مانع اولامایوردی.

(یسمارق) ، تنی ایتدیكى اختلاطات وخیمه یی چوق بکله مدی . فی الحقیقه اوسیا می آهنین سر ، فنا نك او کنى آتقندن ساده جه قصر همت ایدیور بکله بالا اختیار تولید فترت ایده . بیلیردی . یسمارقك اواتنده کی حالت فکریه سنه نظرأ ، باتقان شبه جزیر مدنی یکی بر بحران آتشدن صیانت ایچون هیچ بر غیرت صرف اتمه دیكى ادعا اولونابیلیر .

۱۸۵۶ ده دولت عثمانیه نك تمامیت و استقلال نك ضمان و تکافل دولی آلمنه آلمنی فرانسه — انگلتره اتفاق نك و اوستریا نك آلمانیا ده رجحان نفوذینك نتیجه سی ایدی . بو اتفاق و بورجیحان دوام ایتدیكى مدتجه شرقك روسیه طرفندن امتیلا ایدلسنه ممانعتدن عبارت اولان مقصد تکافله هیچ بر سکه کتمش ایدی . لکن اوستریا ، پروسیا یه مغلوب اوله رق المان هیئت دولیه سندن اخراج ایدلیدی و فرانسه ، انگلیز سیاستی

طرفندن کندی حالنه بر اقیلوب دوچار انهمزام اولدینی وقت اوروپا حکومتلک وضعیت متقابله سیاسیه لری دیکشمش و آلمانیا ایمپراطورلغناک بوکونکی شکلینه تولد و تگون ایله مسی نتیجه سنده یکی بر اجتماع قوا وقوع بولش ایدی .

بویکی موازنه ناک ترازینسی آئنده طوتان رجل سیاست ایسه یسمارق ایدی . مشارالیه فکر نجه یکی ایمپراطورلغناک منفعتی ، شرقده تغدیلالت مختلفه اجراسنه مساعده کار بولمقده ایدی . اونک پولیتقه سی ، آوستریایی شرقه طوغری (Drang nach osten) سورمک و روسیه ایله آنی بر برینه دوشوره رک (هو هنزولرن) لرك اتفاقنی آوستریایه الزم قیلمق ایدی . روم ایلی احوالی ایسه بو امنیه یه مساعد بر فرصت عرض ایتدیکندن یسمارق آرزوی تسکیندن زیاده دوام تشوشاتدن بر حظ خفی طویبوردی . اوزمان ، شرق . هر زماندن زیاده خسته ایدی .

بدایت جلوسنده پک ساده دل ویا پک مسلکسز بعض غزته جیلر طرفندن مجدد ، طرفدار اصلاحات و افکار احرارانه صاحبی بر حکمدار صفتیه آلفیشلانان سلطان عبدالعزیز مرحوم ، بتون رماننی و خزینة دولتک وارداتی بر لاقیدی تام ایله اوغورینه هباوهدر ایتدیکی حظوظات عادیه ایله کوندن کونه آغیرلاشمش ، قبا و خام ، ناعجروث (inculte) بر ذکایه مالکدی .

پاره ایچون خدیو مصر ، ۱۸۶۷ و ۱۸۷۲ تاریخلرنده

همان همان مطلق دینه جک بر مختاریت احراز ایتش ایدی .
ولایاتک قسم اعظمنده والیر . عادت حکمدار کی حرکت
ایدیورلرایدی . ویرگولر ، خزینیه کیر میورایدی . خزائن دولت ،
— ممالک اجنبیهده عقد ایدیلن فاحش فاضلی بر قاچ میلیارلق
استقراضاته رغماً — دئما طام طاقیر ایدی . مأمورلرک معاشاتی
وعسکرلرک مخصصات ومعیناتی بر چوق سنه لر تداخلده قالیوردی .
اداره ملکیه وعدلیه مشوش ، مهمل ، کیفی ایدی .

۱۸۵۶ شباط خط شریفی وسائر بر چوق فرمانلرله
صورت مظنطنده وعد اولونان معهود اصلاحات ، موقع فعله
چیقمامش ایدی . بویوک رشید پاشانک جهد رها کارندن
حقیقه استفاده ایدمهین بر قوم ، اوروپا نظرند پک بالا ومستثنا
یرقابلیت مدنییه مالک صاییلمازدی . اصلاحاتک اساسلرندن
بریده مساوات حقوق دکی ایدی ؟ حال بوکه اغیار اوילה
دوشونیوردی که : « غروری ناقابل تشفی اولان تورک ،
گاووره ، مساوی و اقران کی معامله ایتکه قاتلانماز .

ایشته اصلاحات موعودنک فعلیاتی کوریلهمه می یوزندزدرکه
دوات عثمانیه تابعیتنده بولنان وروم ایلیده مسلمانلردن چوق
اولان خرسکیانلرک احوالی ، عصرک ابتداسنده کی قدر سفیل
وشایان ترحم ایدی . اولر ، امنیت ومصونیت شخصیهدن محروم
بولونور ومحکمه لرک موجودیتندن استفاده ایدمهزلرایدی .

وکلای عثمانیه نک بیانات بلیغه کاذبه می ، اولری اوروپایه

بر حکومت منتظران قوا این محاکمات می آلتند و هر و مسعود
کوستر مکه چالشیر یکن اوزوالدیرک نصیب حیاتی آنغاریه لر ،
جریمه لر ، اشکنجه لر و هر درلوم معاملات حتشکنده او یوردی [۱۰] .
روسیه ، استانبول دن کلن پارلاق سوزلره قاتما یوردی .
دولت مذکور . پت این بیلیوردی که حکومت عربیه تابع
اهالی خرسیتیانیه نک حالنده اماره صلاح یک جزئی ، یک
اهمیت میزایدی . اولرک ناله اضطرانی موسستوفه و ترسبور غده
هر زمان دن زیاده دویولیوردی .

وقتیه چارنیقوالانک دوشوندیکی کی چار ایکنجی آلکساندر
دخی کندیسنی بر حامی طیمی طانیهرق استمداد ایدن مبلولر چه
(اورتودوکس) ی بر صحابت مؤثر دیه . مظهر قیامی بروطنه
مقدسه تلقی ایدیوردی .

اون دن باشته اسلافی کی مقدس روسیه نک لوی شاتی
اعلا ایتک لازم دگی ایدی ؛ اوندر معاهده سنک آنجی ناقم
بر صورتده سیدیکی بر ذلک التقدی آلق الحجاب ایدیوردی ؛
پارس معاهده سنک بر ماده بی باقی اولرجه خشنود طور مق
ممکنی ایدی ؛ ایشته چارک اسکی مسافوری (غور جاقوف)
بویله دوشونیوردی .

[۱۰] شهر سزکه اوئانده عثمانلی مسلمانلرک حاکمه ده غبطه بخشا
دکدی . اداره ملکیه نک سبتاتی عمومه شاملدی . فقط اوروپالیر
یا لکیز خرسیتیانلری دوشونه یلیورلر ، یا خود ایتلرینه اوبه کایوردی .
چونکه مذهبداشلق و منافع مخصوصه سیاسیه و ممالکده مخرج تعهدات
آنجی بوکا مساعد ایدی .

بورجنی دولت ، مسکینه پرلاق بر موغنیته ختام ویرمک
ایستوردی . بیسمارقک موققیاتی ، اونی او یوتیموردی .
اندن باشقه ، موسقوف ایمر طورلغنک براوجندن دیگر اوجنه
قدر افکار عمومیه ، بوامنییه مساعد ایدی .

کرك غرور ملی وکرك میل مذهبی ایله روس قومی اوکا
معین اولور . دهاطوغریسی آنی سوق وتشویق ایدیوردی .
بقوم ، آلمانیایی سومیور . آوستریادن نفرت ایدیور وبالقان
شبه جزیره سنده کی اقوام خرس تیانیه نك استحصاال استقلالنی
شدتله تمنی ایلیموردی .

(پانسلاویزم) . بو قطعه ده هر کون ده از یاده بر جرأت
ومتانت و دعا فضله بر موققیته دینی و سیاسی (پروپاگاندا) لر
ایموردی . اسلاو مملکتلری اولق حسیله صورت مخصوصه ده
اهمیت ویریلن بوسنه — هر سگ و بلغارستانی تحریک ایچون رومانیای
صربستان ، وقره طاغ ، پانسلاویزم ایچون اس الحركات اتخاذایدلمش
ایدی . روسیه . یونانستان جهتلرینه چوق اهمیت ویریموردی .
زیرا بیوک بر دولت یونانیه تشکلی آرزو ایتیمور واونک کندی
نفوذندن شبه منز پک چابوق قورتیله جغنه قانع بولونیوردی .
پترسبورغ سیاسیونی . ویانه قاینه سنک بلغراد و بکرش
حکومتلری نزدنده کندی نفوذینی روسیه نفوذینک مقامنه
اقامه ایتمکه چالیشمسنه پک بیوک بر اندیشه و ناخشنودی ایله
باقیمورلردی .

۱۸۷۴ سنه می نهیتنه طوغری آوستریا — مجارستان
حکومتی ، صربستان و رومانیایله مقاولات تجاریه عقد ایتمش
ایدی . بوندن غورچاقوف ایله حکمدارینک قوشقولانماسی
قابل دکلدی .

بناءً علیه ۱۸۷۵ سنه می ابتداسندن اعتباراً موسقوف
محرر کلری ، طونهک جنوبنده تحریکات خصوصنده اولکندن
زیاده جسارت کوستریورلر ایدی .

دهانسان و مایسده خرسیتیانلر ایله مسلمانلر آرهسنده
الذیاده منافرت وضدیه آماجگاه اولان عثمانلی (ایلدیریا) سنک
جنکاوراھالیسی آرهسنده اختلال مقدماتی حس اولونیورایدی .
(بیسمارق) ، روس پونتیقهسنه ابدال ایتدیکی آثار تصویب
ایله آتسه زیتون یاغی آتمش (jeter de l'huile au feu) ،
— تعبیر ترکیسیله — یانغینه کوروکله کیتمش اولدی .

هرسك عصيانك صورت واسباب ظهوری

بیسمارق ، ۱۸۷۵ سنه می تموز نده هرسكده ظهور ایدن
وبر قاچ هفته ایچنده بر باروت سرینتمسی کبی بتون بوسننه
یایلان اختلالی خبر آلدیغی زمان، متعجب دکل. محظوظ اولمش
ایدی . بوايکی ولایتك اهالیسی ، دولت عثمانیهك تعهدات
مطنطنه سنه رغماً ، برچوق سنه لردن بری دوچار اولدقلری
جبر وشده ومعاملات کیفیه قارشى ۲۹ تموز ۱۸۷۵ تاریخلی
بلیغ بر بیاننامه ایله پروتستو ایدهرك سلاحه صارملشلردی .

بو عصیانك مبدأ ووسيله ظهوری شووقعه اولمش ایدی :
(نوووسین) قضایى خرسیتیان اهالیسندن یوز آلتمش کشى
اغنام رسمنك آغیرلغندن وضبطیه نفراتنك مظالمندن طولایى
قره طاغه کچهرك شکایت ایتدیلمر . قره طاغ برنسی نيقولا ،
اوزمان روسیهنك استانبول سفیری (ایغنائیف) ه مراجعتله
بوملتجیلری قره طاغك بسلیه میه جکنى بیان ودوات علیه
طرفندن تأمینات ارائه سیله مملکتلرینه عودتلى اسبابانك
استکمالی رجا ایتدی . سفیرك بوبولده کی مراجعتی باب عالیجه
قبول وملتجیلرك مملکتلرینه عودتلى نه مساعدله اولوندی .

مشکیلر (نوووسین) ه برطور مظفرانه ایله کیردیلمر . ملتزملىرك

مظالمی ، املاک سنداتك تبدیلندن طولانی محدث سندات
جدیده رسومی و علی العموم تکالیفك استطاعت فوقه چیتهمسی
حسبيله اظهار ناخشنودی ایدن و حقیقت حالد مدید برسی
افسادی نتیجه سنده قاننه ، (پانسلاویزم) آمال فترت جویانه سی
تلقیح ایدلمش اولان اهالی اوزرنده قره طاغدن دونلرك
مشئوم بر نفوذی اولمش و جمله سی بر لکده رفع لوائ عصیان
ایله ضبطیه لرك و اهل اسلامك قتلنه تصدی ایله مشدر . ایشته
بوصورتله چیبان باشی قوبارلمش ایدی .

بو عصیانك تأثیراتی محل ظهورینه منحصر براقق ایچون
وقت فوت ایتمدن بر قوه جسیمه عسکریه ایله احساس شوکت
وسطوت و آتی متعاقب دقیق براعتنا یله تنفیذ عدالت و اجرای
نصفت ایله مک لازم کلیرکن ، والی دوریش پاشانك عزم و قراردن
محرومیتی ، بی جا استیذانلری ، صدر اعظم اسعد پاشانك
(نصیحت پولتیقه سی) ، ایشی ، کشمکشه دوشوردی . عصات
ایسه بوسیاست لینه بی دولتك براماره ضعیفی کبی تلقی ایتدیلر .
و آتش صاچاغه صاردی .

ایشته درت سنه بلا انقطاع بتون بالقانلری قان و آتش
طوفانه غرق ایدن سلسله بلیاتك ، دولتمزك انفکاک اقسامی مصدق
بر معاهده ایله نتیجه لنن وقوعاتك صورت ظاهرده باشلانغیچی
بو هر سك عصیان ایلشدیر .

فقط حقیقت حالد بو حادثاتك منشأ یکانه سی ، سبب

اصلیسی یانکز بوعادی وقعیمیدر ؟ یوقسه دها درین کولگری
 وارده هرسک کورولتوسی بر وسیله دن عبارت میدر ؟
 آرای مؤلفینه نظر اولوسیه کوریلورکه بعضلری وبالحاصه
 روسلر ، بوعصیانک ونتایجناک منحصراً سیئات اداره عثمانیه دن
 تولد ایشدیکنی ادعا ایدرلر . دیگر بعضلری وعثمانلی محرورلر
 ایسه بتون بونلره سبب اومق اوزره (پانسلاویزم) تحریکاتی
 ایلری سوررلر .

متبحرین علم حقوقدن پترسبورغ دارالفنونی حقوق
 دول معر شپیری اولوب علمیه جهان معرفتده بیوک برنام
 براقان متوفی (فرمدریق دومارتنس) ، (حرب و صلح)
 عنوانلی اثرنده — الک دوغری دوشونمک لازم کلنلرک دیدۀ
 بصیرتنه اغراض واحترامات ملیه ناک ، نه کشف بر ردای
 غفلت اورتدیکنه نمونه کوسترمک ایسته مش کی — موضوع
 بخمنز اولان مسئله حقننده شوزهرلری قوصیور :

« ۱۸۷۵ سنهسی یازنده هرسکده برقیام وقوعی خبری
 اوروپاده ییلدینی وقت ، حکومتلره افکار عمومیه بو حرکت
 براهیت مخصوصه عطف ایتدیکه لزوم کورمه دیلر . تورکلرک
 اوروپاده درت عصر دن بری امتداد ایدن سلطنتلری ، قانلی
 اغتشاشات وتنکیلات ایله بی انصافنه قتاللرک بر تسلسل متمادیسمندن
 باشقه بر شی دکلدیر . »

« عصریمز ، بالخاصه تورکیاده ، کی اهالی خرسیتیانیه ناک کندیلرینی

عصر لر دن بری ازن ، تضییق ای دن قوته قارشى علی الدوام
قیاملریله تمیز ایتشدرد . بو کیفیت ، بک طبیعی در . تورکیانک
عضویت سیاسی سی انفساخه یوز طوتدجه ، خون بشرله
ایصلانمش اولان تورک طوپراغی اوزرنده کوک طوتامیان
ویاستبداد اسلامیتک سمای مظلومی آلتنده کی اقلیمه الفت ایدمه یین
هنوز صاف وسالم عناصرک آندن انفکاکى ضروری ایدی .
تورکلرک اوروپاده کی سلطنتلرینک غایه سی ، عناصر مغلوبه
خرستیانیه دن علی الاطلاق جرمنفعددن عبارت اولدینی ظاهر
وباهر (؟) اولدجه مذکور عرقلرک بالضروره وبرقانون لایتغیر
تاریخی ایجاباتندن اوله رق — بر استقلال و آرادى تامه ویادها
ای بر حیات وموجودیتیه میل وخواهنش کوسستملى لازم
کلیوردی .

« تاریخ ، سیلنمز خطوط ایله برقانون اراؤه ایتشدرد :
اوقانون ده شودرکه : دیگر ملتلى قوت وقدرتنه رام ومنقاد
ایله یین برقوم ، آنر اوزرنده کی حاکمیتى — آنجق کندیسی
طریق ترقیده حال توقفده قلامق شرطیه — محافظه ایده بیلیر .
دائما ، آنک مغلوبلر اوزرنده کی حاکمیت ونقوذ سلطنتنک بقا
وامتدادینی تعین ایدن شی ، غالبک ساحة مدنیت وسیاستده
درجه تکاملی در . »

« رومالیرک سلطنت جهانگیرانه لرینک . بر حیات وشباب
باربار اقوامک صدمات وصولاتیه سقوط ایله می ، طریق

تکامل اجتماعی و سیاسیده توقف ایتمش اولمردن ایلری کلدی.»
 « بر قومك دیگر بر قوم اوزرنده کی حاکمیت سیاسیه سی .
 منحصرأ قوت مادیه و عنیفه اوزرینه استناد ایدرسه بونک احتمال
 امتدادی اولاماز. بونفوذ و حاکمیتک حقیقی و متمدن اولسی ایچون
 بر رجحان فکری و تکامل سیاسی و اجتماعی طریقده برمش
 ارتقائی لازمدر .»

« تورکار ، اقوام مغلوبه خریستیانیه اوزرنده علماً و فکرأ
 محافظه رجحانه چالیشمق ، تکمل ایتک شویله طورسون .
 بالعکس ، وقتیه کندیلرینی یزانس ایمپراطورلغنک صاحب
 و حاکمی قیلان بعض عناصر حیات وزندکی بی ده تدریجاً غائب
 ایدرک براضمحل و انحلاله دوغری یورویورلردی . ایشته
 بوسببله درکه تورکیا اغتشاشاتنک منشائی بعض دسایس اجنبیه ده
 و برماهر دیپلوماتک ، (ماکیاوئل) ه رحمت او قوده جق تصورات
 خدعه کارانه سننده آرامق عبشر . بتون بواغتشاشاتک سببی
 تورکیانک کن دیسه نده در . بواغتشاشات ، آنجق مسلمانلرک
 خریستیانلر اوزرنده منافی حق و طبیعت اولان حاکمیتلرینک
 انقطاعیله ختام بولابیلیر . » [*]

بوکا قارشی بر مطالعه شخصیه اوله رق دیمک ایسترم که :
 حادثات اجتماعیه ده تشوشات اسباب ابله تخلفات نایجک ، بو درجه
 نظمی قانونلر وضعنه مساعد اولوب اولمادیغنک ندیقنی علم اجتماعی اربینه

برافه رقی بحث اولمان قانون تاریخی بی استثنا قبول ایتمز بر حقیقت محضه
اوله رقی قبول ایتمهك بيله بالادهكي وجهه بزه تطبیقی خطادن سام
بولاماز. چونكه (مارتس) كه من ایتمیكي كي عثمانلی هیئت اجتماعی سی
ایچنده، اكامل سیاسی واجتماعی ضربقمده توركارك، دیگر اقوام عثمانیه دن
يك دون بر سویه فكريه و روحیه ده اولدقلری ادعایی تأیید ایدهك
دلائل و وقایع كوره میورز . بزه قایره . سكود و طومانچ جوارنده
برطون دقلرندن اعتباراً هیچ برافه آرام بولمق سزین حریص استیلا اعدای
خارجیهك هجمات بی نهایت سنی آهنین كوكلرله قارشلامش، اك دونكون
زماننده خارجی قوتلری، داخلی قوتلری ثبات و منابتله مفتور برافه رقی آلتی
عصرك اوزرندن آتلامش و اك نهایت . هر يك ، قره طاغ ، صربستان ،
بغارستان اختلالريك تسكینی ایچون یورولمش ، خیرالانمش عسكركله
روسیه كي بدولت معظمهك هیچ یورولماش و كیه فائق قوته قارش
ضغوز آی مقاومت و پلونه مدافعه سی كي خوارق ابراز ایتش اولان
بر قومك عناصر زندگی نی چورولمش ، بیتش فرض ایتمكه .
انسانیت نامنه ، عمو اولونماز . برحق ناشناسلی واردر . ایکی سنه اول
تقسیمنه قرار ویریلركن اك خیالپرسترك مستبعد كوردكلی بر انقلاب
احرارانه وجوده كتیره رك تورکیانك ایك جی بر ایستان اوله مایه جفتی
كوستن تركر دكلی ایدی ؟

مع مانیه بز اداره عثمانیهك او زمانکی سیئات و شمذکی نوافصی
انكار ایتمیز . بونكه برابر ذكر اولمان اختلالرك سائق یكانه سی
منحصراً اداره عثمانیهك مظاهر دیه میز . فكریمزجه بو خصوصده
متعدد عوامل واردر . بونلردن بری ، سوء اداره ایسه ، دیگر و بلكه ده
اك باشلیجه سی ، اون طقوزنجی عصرده آلمان و ایالتیان اتحادلرندن صوكره
سیاستمه كرمی آلان ملیت افكاری نتیجندن اوله رقی اسلاورك وحدت
سیاسیه تشکیل ایتلری ایچون مصروف اولان تحریكات در . حاجوكه
مارتس بوندن هیچ بوندن بحث ایتمور . ۱۸۶۷ موسقووه قونفره منده
تعالی ایدیلن افكارك ، قومیه لوظرفندن مصروف مساعینك تورکیاده كي

اسلاول اوزرنده هيچ بر تأثيرى اوستامشى در ؟ ممالك عثمانيه نك باشقه جه تارنده خريستيانلر يوقى ايدى ؟ دنياده حامى حق وعدالت ، يالكن روسيه مى قلش ايدى ؟ مسلمانلر خريستيانلر اوزرنده كى حاكميتلرى منافى حق و طبيعت ايلورده روسيه ده اولديغى طرزده خريستيانلر مسلمانلر اوزرنده كى حاكميتى پك مى طبعى و محق ايلور ؟

وز (شوون) دينان مفرط ملتپرستلردن اولسه يدك ، بر آزدها دروقا قلى برسانه : اكر مظلوملره پوزلر ك صحابتندين باشقه برتلى قلماديسه بىريتك صلاحندن ده اخلى بر زمان ايجون اميدكسك ايجاب ايدم جكدرد ، ديردك و برروس تحريكاتيله وقوعه كن بو عصيان ايجون مارناسك صرف ايندبكى آجى حكملره قارشى انكتره عوام قارده سنده موسيو (ريچورد) ك انكتره ايجون سويلديكى كشمزه تطبيق اينه ديه بيلردك كه « بر روس آغزنده بويله برادعا ، انسانه ، نوع بشر ك فساد اخلاقه قارشى شيطانك پروتستو ايتسسه بكنر بر تاثير حاصل ايديور . »

و معلم محترمه سوراردق :

روسيه نك قفقاسيه ، اهلستان و فلانده ده كى تيمه سى ، توركيانك تبعه عيسويه سنندن دهامى بختيار ايدى ؟ بو سؤلك جوابنى بز و برميه اوده يكره منجى عصر ك فجر پر نورى آلتنده پترسبورغ سوق قارنده ديبچكارلر قفقاسى قيريلان ، جيزمه لرله بىنى ازلمن قدين ، چوجنى و اختيارلر سويلسونلر . ياخود علويت املارينه قربان اولان روس متفكرلر ك سيبيريانك صمت زباني ايجنده غائب اولان نوحات مئوسانه سنى ديكله لم ، حتى ايستلورسه باشدن باشه روس تاريخنى اوقويام اكن اولر ك سيئاتى بز ميكلرى معذور كوسترمزكه كوستردجى برشى وارسه اوده باشقه دواتلره قارشى انسانيت پرورلك ادعائريك روسيه دن صدورنده كى غرابتر

صدده كله لم :

هرسكندك عاصيلر نه ايستيورلردى ؟ نه ايستدكلرينى اولنردم پاك'نى بيلميورلردى . (ليوي بيراتيچ) كى بعضلرى بيوك بر صرب دولتى تشكىلى تصور ايديور . (په قوپاولوويچ) كى بر

طاعنری ده ده از یاده قره طاغهمیل وارتباط کوستریورلرایدی. لکن
بر پروغرام تنظیم و قبول ایدنجهیه ندر جمله سی شدتله چارپیشیوردی.
بونلره بلغراد وچتینه دن هر نوع تشویقات و اعانات کلیوردی.
آوستریا حکومتی دخی، بوسنه لیلرک قومشو وهم عرقلری اولان
دالماسیالیلری اونلره الکلبی معاونتلیخی ایفادن منع ایده مزدی.
دول معظمه ، — ایچلرندن بعضلرینک حسیات خفیه سی
نه اولورسه اولسون — بدایتده بوعصیانی متحداً تقییح
ایتدیلر وهنوز اشتعال ایدن حریقک توسعنه میدان ویره میسی
ایچون دولت عثمانیه یی تضییق ایتدیلر. برقچ هفته کچدی.
تورکار ، موفقیتسزلکده بر دوام ایدی .

امور شرقیه ده مشترکاً حرکت ایتدکی ۱۸۷۲ ده یکریکرینه
وعد ایدن برلین ، ویانه ، وپترسبورغ حکومتلری ، سرعتله
براشدیلر و ۱۸ اغستوس ۱۸۷۵ تاریخنده پادشاهه بوجه
آتی تکلیفلرینی تبایغ ایتدیلر :

بودوانلرک قونولوسلری ، رؤسای اختلال ایله قونوشه جقلر
واونلرک اصلاحات طلبلرینی باتملقی ذات شاهانه طرفندن صورت
مخصوصه ده تعیین ایدیلن بر قومیسره تبلیغ ایده جکلردی .

سلطان عبدالعزیز مرحوم ، بونی قبول ایتدی . و ۲۳
اغستوس ۱۸۷۵ ده سرور پاشا ، قومیسر تعیین ایدلدی .
لکن قونولوسلر. ساحه حرکات اغشاشیه عزیمتده کجیکدیلر.
اختلالک سائقلری ، برمدت بوملاقته میدان ویره مکه

چانشير کي کورونديلو آنجق ايلول نهايتنده ايجلرندن بعضلري،
ديگر بعضلري طرفندن ردايديلن مطالباتنك حد اصغريسي
تبليغ ايتديلر .

اونلر آتيده كي مطلابي سرد ايديورلردي :

۱ — بوسنه وهرسك خرستيانلرينك حریت تامه مذهبیه لری
تأمين اولنوب محاکم حضورنده مسلمانلرله سیاناً ایفای شهادته
قبول اولونملری .

۲ — کندی امنیتلری ایچون محلی ریمیلیس تشکیل
ایتملرینه مساعده ایدلمسی .

۳ — ویرگولر تعیین وتبیت ایدیلوب کیفی صورتده تزید
ایدیله مامسی .

پادشاهك بویولده مطالبادن مغیر کورونه جکی ظن
اولونیوردی . حال بوکه ذات شاهانه درحال کنديسندن
ایسته نیلندن فضله سنی بخش ایتدی .

۴ تشرین اول ۱۸۷۵ تاریخنده نشر اولنان براراده :
بالکیز بوسنه وهرسک کلیرك دکل ، بتون ممالك عثمانیه اهالی
خرستیانیه سمک مهم برتنزیل تکالیفه نائل اولمسی وتکالیف
ایچون قونطراول وتحصیل مأمورلری تعیین اولونمسی واهالی
مذکورەنك حریت محلیه لرینك برنسبت مهمه دائره سنده
تزیدی ودرسعادتده حقوقلرینك محافظه سیله مکلف وکیلر

انتخاب ایتلری اساسلری حوی بر صلاحات ایلانک نظر
تدقیقه آلدیغنی بیایدیریوردی .

اوروپالیر نظرندہ اساس اعتباریہ بوارادہ . قسم اعظمی
انکلتزہ حکومتک اثری اولان برہضحکہ ایدی . تورکر ایلندہ
بولنان فقط انکلتزہده (ویغ) ترک تحریکی نتیجہ سی اولهرق
افکار عمومیہنک ترکار علیہنہ دوئمی حسینیہ آجیتدن آجیفہ
تورکیا جہتی التزامہ جسارت ایدمہین (دیزرائیلی) بالآخرہ
اجراسز قالہجق فقط یالکز برمدت صبر ایتدیرمچک مہف
پروغراملرلہ اوروپائی اولیلامق فکرینی باب عاریہ تالقیر
ایتمش ایدی .

آندراشی نرطه سی (۳۰ کانون ثانی ۱۸۷۶)

پادشاهك مواءينه ناصل اينانيله بيليردى ؟ بونلرى نشر
ايدىلى آنجق بش كون كچمش ايدى كه حكومت ، ديون
عثمانيه نك تاديه سنى تعطيل وبلا حجاب يوزده اللى اوزرينه اعلان
افلاس ايدىوردى .

بوحال ، اصلاحت اجرا ايدى جك بر حكومت ايچون پك
غريب بر باش - لانغيج ايدى . بتون اوروپا ، توركي حقتده
شديد حكملر ويرىوردى .

روسيه ، كندى پاينه حكومت عثمانيه نك كوزل سوزلرينه
هيچ بوضورتله اعتماد يتمه مش ايدوكنى و آنى تعهداتى اجرايه
مجبور ايتمك ايچون دول معظمه نك مدخله ايتمى ايحباب ايله مكده
بولونديغنى بيان واءلان ايتدى . آلمانيا دخى بو فكرده بولوندى .

لكن آوستريا - مجارستان ، انديشه سنى كتم ايتدى . قونت
(آندراشى) ، نه بالقان شبه جزيره سنده روسلر ك رجحان
نفوذى ونده — آوستريا مجارستانه تابع اسلاو اقوامى
اوزرنده كى تاثير ايتيله ايمپراطورلغى داغيتمغه ، ضعيفلا تمغه
منجر اوله جق — بيوك بر صرب دولتى تشكلى ايسته ميوردى .
حال بوكه مداخله ، يالكز ديپلوماسى طريقه دخى اولسه

آوستریانك ایسته‌مدیکی بوایکی احتمالدن برینی منتیج اولابیلیردی .
 بناءً علیه قونت آندراشینك یکانه تمندی ، اختلاک ختام
 بولمسی ایدی . لکن بواختلاک تسکین اولونمسی ایچون ، بوسنه
 وهرسک حقیقه و بالفعل اصلاحاته ، اصلاحات جدیدیه نائل
 اولمسی ایجاب ایدیوردی .

آلمانیا باش وکیلنك مظهر تصویری اولان ویاخود احتمالکه
 آنک تلقیناتیله حرکت ایدن (آندراشی) ، اجرا اولنه‌جق
 پروغرامی حاوی برنوطه تنظیمی ایله آنی آوروپانك تصدیقنه
 اقتران ایتدیردکن دولت عثمانیه‌یه تبلیغ ایتك تکلیفی عرض ایلدی .
 بوفکر ، برلین و پترسبورغده تنسیب اولوندی . لکن انکلتزه ،
 بومذا کره ائناسنده بویولده براخطار قطعی‌یه کیریشمزدن اول
 دولت عثمانیه‌یه ، مواعد اخیره‌سنی (تشرین اول و ثانی ده‌کی)
 ایفا ایده‌جک قدر زمان براقق لازم کله‌جکی فکرنده بولوندی .
 انکلتزه‌نک تورکیا لهنده طلب ایتدیکی مهلت ویرلدی .

بوندن نه نتیجه حاصل اولدی ؟

اول امرده ، هرشیدن اقدام شرقدیه کی منافعی محافظه‌املنده
 بولونان انکلتزه حکومتی ، کیزلیجه پک کارلی بر بازاراق ،
 بر آلیش ویریش یاقق ایچون بومهلندن استفاده ایتدی .
 ۲۶ تشرین ثانی ۱۸۷۵ ده‌بردن بره آکلاشیلدی که انکلتزه ،
 سویش قانالمک مقدمات خدیوه صریدنده بولنان ۱۷۷۰۰۰ آقسیونتی
 (۱۰۰) میلیون مقابلنده اکتساب ایتمسی ایدی .

فی مابعد ، حکومت مذکورہ سویش قائلانہ نوعاً صاحب
عد اولونہ بیلیدی . برآز اول بو مبايعه یی کندی حسابنه
اجرا ایتک ایستدیکی زمان انکلازمنک ممانعتنه تصادف ایتش
اولان فرانسه حکومتی ، بو خبردن دلگیر کورونمکده تماماً حقلی
ایدی . لیکن بو خصوصده انکلازیه ناخشنودی کوسترن دولت ،
بو آیش ویریشدن طوغریدن طوغری به متضرر اولماسه دخی .
روسیه حکومتی ایدی .

احوال مسروده به مبنی چار وغورچاقوف ، (دیز ائله) نک
تشویقیله سلطان عبدالعزیز مرحومک سعادت تبعه سنی حصوله
کتیره جکی ادعاسنده بولوندیغی ۱۲ کانون اول ۱۸۷۵ تاریخلی
یکی اراده سنی پک فنا تلقی ایتدیلر .

مع مافیه پادشاه ، بو اراده سننده ۲ تشرین اول ۱۸۷۵
اراده سنندن ده اعلی جناب ، ده احریت پرور و منور ایدی .
فی الحقیقه ذات شاهانه ، تحت تابعیتنده بولونان اقوامک جمله سنه
اداری ، عدلی ، مالی بر اصول انتخاب بخش ایدیور ، ولایتلر
محلی ژاندارمه لر تأسیس ، آنغاریه لری الغا . حریت مذهبیه یی
ومساوات کامله آیین و مذاهبی اعلان ایلوردی .


لکن روسلرک روایتنه نظراً ، بونلر ، قوری لاقیر دیدن ،
تأییدسنر تعهداتدن باشقه برشی دکلدی . ممالک عثمانیه یی باشند
باشه تبدیل واد - لاح ایدنجه به قدر بوسنه وهرسک ایچون بر
شی یامق لازم ایدی . بویکی ایالت ایسه - اوروپا طرفندن

کندیسی ایچون طلب مجبر وقوع بولمادقجه — هیچ بر شیئه نائل اولمایه جقدی . ارباب قیامک فکری ده بوایدی . بو سببله اختلاجیلر ، آلدن سلاحی آتمادیلر و صوگ ارادهیه هیچ بر اعتمادلری اولمادیغنی اعلان ایلدیلر .

بونى کورن آندراشی ، خیلی زماندن بری تنظیم ایله مش اولدیغی نوطه سنی آمانیا و روسیه نك تصویبه عرض ایتدی . بوایکی دولت ، ۳۰ کانون اول سنه ۱۸۷۵ تاریخنده مذکور نوطه یی قبول ایله دیگر دول معظمه نك الحاق رأی ایتسنی طلب ایتدیلر . (ده قاز Decazes) ك خارجیه نظارتی مدتجه (۱۸۷۳ — ۱۸۷۷) ، پترسبورغ قایینه سنه مماشاته دائما خواهشکر بولنان فرانسه دخی نوطه یه هیچ بر مخالفتده بولونمادی .

انکلتريه کلنجه ، او دخی امضادن امتناع ایتدی . لکن هیچ بروجهله بر سیاست اجرا آته کیریش — میه جکنی تقید وتیمین ایلدی . هر نه اولورسه اولسون ، اوروپا دیرکتواری ، متحدالرأی کورونی — وردی . بناءً علیه آندراشی نوطه سی ۳۰ کانون ثانی ۱۸۷۶ تاریخنده حکومت عثمانیه یه تبلیغ اولوندی . بونوطه ده دول معظمه ، بوسنه وهرسکی ، موجب ومنتج قیام اولان شرائط مادیه ومعنویه داخلنده براقق ایسته میسی اوروپا مساعت عمومیه سنی تهلکویه الفایده جکی بیانیله باب عالی یه ، حال اختلالده بولنان اهالی حقنده بلاتأخیر اصلاحات آتیه نك اصدار واجرامی ایچون صوگ اختطاری ایفا ایلورلردی :

- ۱ — حریت تامہ مذہبیہ و مساوات حقوق آیین
- ۲ — تکالیفده اصول التزامك الغاسی
- ۳ — بوسنه وهرسكلی کویلیلرک قانونی و سہل بر صورتله تصرف اراضی ایدہ بیلیمسنہ مساعد اولہ جق صورتده صنف زراعتک اصلاح شرائط واحوالی .
- ۴ — بوسنه وهرسكلی بلاواسطہ تکالیفندن متحصل وارداتک، ۱۲ کانون اول ۱۸۷۵ تاریخلی ارادہئسنہ دائرہسندہ متشکل هیئاتک قوانطرول آلتندہ او ولایتلر احتیاجات محلہسنہ صرف و تخصیصی
- ۵ — اروپا طرفندن تکلیفایدیلن تداییرایله ۲ تشرین اول، ۱۲ کانون ول ۱۸۷۵ تاریخلی ارادہلرک تطبیق واجراسنی مراقبہ آلتندہ بولوندورمق وظیفہسیلہ مکلف ونصفی مسلمان، نصفی خرستیان اولمق اوزره اهالی طرفندن منتخب بر مجلس محلی تشکیلی .



اختلافك توسع ودرای، بر این مه‌موران‌دومی

(۱۱ مایس ۱۸۷۶)

دون‌سته ، دوات عثمانیه‌نك بویله براخطار قطعی‌یه جواب ویرمسنی یعنی تحریراً وعلناً صاغلام برتعهدده بولونمسنی ایستورلردی . لکن نه آوستریا — مجارستان ، نه‌ده انکلتره ، طلبلرینی دها ایلری کوتورمك نیتنده دکل ایدیلر . بناءً علیه نوطه ، حقیقت حالده بر قوؤ تأییدیه‌دن عاری ایدی .

حکومت عثمانیه حیرتبخش برسه‌ولتله مواعدهده بولونور ، فقط آنی اجرا ایتزدی . بناءً علیه ۳۰ کانون ثانی ۱۸۷۶ نوطه‌سنی قبول و آکا موافقت ایتمکده اولدیغنی ۱۱ شباطده اعلان ایتمکده وایکی کون صوکره یکی براراده‌سنیه ایله آندراشی پروغرامنی تأیید ایتمکده هیچ برکوجلک کوس‌ترمدی . لکن بوفراغت ظاهریه‌یه ، آنجق صاف‌درونلر اینانه بیلیردی .

اختلاف‌الجیلر ، اصلاحاتک اجراسنه آوروپا طرفندن نظارت ایدلمدکجه‌هیچ براصلاحات اجرا اولونه‌مایه‌جنی اعتقادنده ایدیلر . ۲۸ شباطده (قوسییه‌رووو) ده اجتماع ایدن رئیس‌لری ، پای‌تختک طاتلی مواعیدینی، اراده و اصداراتنی نظردقنه آلمایه‌رق مصادمه‌یه دوامه قرار ویردیلر . وشدت شتا حسیله طاوسامش اولان حرب ، شدتی آرتیرمقده کجیکمه‌دی .

آوستریا — مجارستان حکومتی ، نائره اختلالی ، تحدید واطفایه بر آرز صرف مساعی ایلدی ایسه ده بیهوده اولدی . حکومت مذکوره ، دالماسیا حدودینی شدتله تحت محافظه ده بولونیدردی ورؤسادن (لیوبیراتیچ) ، یقیندن وقوع بولان تضییقات اوزرینه ۱۸۷۶ سنه سی مارتنده دالماسیایه النجا ایتمکه آنی بولندینی یرده قاپامش ایسه ده بوندن ده بر فائده حاصل اولمامشدر . چونکه عاصیلرک اونک کبی دها یکر می دانه رئیسلی واردی .

اوندن باشقه صرب وقره طاغ اقوامی ، بوسنه وهرسکلیر اوغورینه خط حربه کیرمکه وعلناً اونلرک طرفنی التزام ایله مکه مهیا حقیقی دوستلر ایدی . بر طرفدن ویانه قاینه سی طرفندن طور دیریلان فقط دیکر طرفدن روسیه طرفندن سوق و تحریک اولونان پرنس (میلان) ، صرب قومنک میل شدید و مقاومت شکننه اتباعه مجبور اولمش ایدی .

اوسنه نک نیساننده میلان ، (اسقوپچینا) طرفندن ویا دائماً مترصد فرصت اولان (قره یورکویچ) خاندانی طرفندن حکمدارلقدن اسقاط ایدلمک قورقومی التنده بر قاینه تشکیل ایتک مجبور یشده بولونمش ایدی که بوقاینه نک حربدن باشقه مقصدی ، سبی یوق ایدی . او وقتدن اعتباراً صربستانک تسلیحات و تجهیزاتی ، پک آچیقدن آچیغه وقوع بولمغه باشلادی .

بوکوچك دولت، بی پروا، قره طاغ ایله براتفاق پروژہ سی تذکر
ایتدی. قره طاغ حکومتی دخی، حریص پرنس (نیکیتا) نك اداره سی
آلتمده تورکلره قارشى قریباً شدید برتجاوزہ حاضر لانیوردی.
مع مافیه حربی تحدید ایتک وحتى آذربمدت ایچنده آکا ختام
ویرمک ایچون هنوز هرامید غائب اولمش دکلدی .

آوستریانک مأمور سیاسیسی (رودیچ Rodich) ایله
روسیه نك مأمور سیاسیسی (ودهسلیچکی Vesselitzky) ،
حال اختلافده بولناز ولایتلری کنزیورلر و حکومتلرینه و باب عالی یه
عرض اولونمق اوزره رؤسای عصاتک تکلیفات جدیده سنی
استمزاج ایدیورلردی .

فقط بویکی ذاتک ایکسی ده متحد الرأی دکلدیلر . از جمله
بریسی عاصیلرک کسر غیرتنه چالیشیورسه دیکری اونلرک
امیدلرینی و بناء علیه مدعیاتی تزئیده صرف مساعی ایدیوردی .
هر نه صورتله ایسه بونلر نیسان ابتداسنده بوسنه لیلرله
هرسکیلرک آرزولرینی آکلادیلر و بوتمنیاتی بر پروغرام حالنده تنظیم
ایتدیلر . اوروپا دخی بو پروغرام اوزرینه بیان رایه دعوت اولوندی .
مذکور پروغرام ، اساس اعتباریله نقاط سته آتییه
احتوا ایدیوردی :

۱ — آغلر طرفندن تصرف ایدیلن اراضینک ثلثک
خرستیانلره ترکی .

۲ — کافه مصارفی ، حکومت سنییه عائد اولمق اوزره ،

حرکات عسکریه اثناسنده تخریب ایدیلان خانهلرک تعمیرى ايله خسارزده کيليله، ارزاق ، اوکوز، وآلات زراعيه تدارکى.

۳ — اوچ سنه عشردن معافيت

۴ — اراضينک عساكر نظاميه دن تخليه سى، عساكر عثمانيه نك نقشه سى، ستولاژ ، فوقا ، ترمين ، پيوغلى وموستاردن باشقه محللارى اشغال ايتمىنک معنى ومحال مذکورده شرائط مقررده نك اجرا سىنه نظارت ايتىک اوزره اوستريا وروسىه مأمورلرى اقامه سى .

۵ — مسلمان اهلينک سلاحرينک طوپلانمى .

۶ — اصلاحات مطلوبه نك آوروپا دول معظمه سى طرفندن تحت تکفله آلمنى (که بتون شرائطک اک جدى ماده سى بوايدى) .

آندراشى نوطه سى پروغرامندن چوقايلرى کيدن بو تکليفات ، آوستريا — مجارستان حکومتى طرفندن تصويب ايدله دى ، بالعکس ، آلمانينک ، کيندى ايشه وتهلىکيه پک صوقايدىرق تشويق ايتدىکى روسيه حکومتى ، شرائط مذکورده نى پک محق بوله رق آنى فعلاً ترويج والزامه مهيا کوروندى .

روسىه حکومتى ، کوندن کونه ، دهها زياده شديد وعنيف ودها آز ائتلاف جو بر طور آلبوردى . حتى او صره لرده يعنى نيسانده حکومت عثمانيه کندى امنيتى ايچون صربستان وقره طاغ حدودى اوزرنده عسکر تحشيد ايتديکندن پترزبورغ

قاینه سی ، بوایکی پرنسلکه تجاوزدن دولت علیه بی پک صریح بر صورتده منع ایلیوردی .

دیگر طرفدن غورچاقوف ، تورکیایه تهدیدی متضمن بر نوطه تبلیغی و بو حکومتک اوروپانک آرزولرینه متابعتی تأمین ایچون تدابیر مؤثره اتخاذینی تکلیف اییدیوردی .

آوستریا حکومتی ، روسیه نك کندینی ده برلکده سوروکله دیکی طریقه ده آنی تعقیب ایتمکده حسن نیت کوسترمیه ورایدی . لکن وقوعات ، آوستریایی هیچ اولمازسه برخطوه ده آتغه اجبار ایتدی .

بلغراد وچتینه ده غلیان ، او درجه ده ایدی که صربستان ایله قره طاغک اعلان حرب ایتمکده کجیکیمه جککری استدلال اولونیوردی . بر سنه دن بری صبرسزقله تیره یین بلغارستان دخی نهایت قیام ایتمش ایدی (نیسان و مایس) .

نهایت ۷ مایس ۱۸۷۶ ده — الانیکده ظهور ایدن بر وقعۀ مؤله ، روسیه حکومتنه یکی وقطعی بر دلیل ده اعداد و عرض ایتمش اولدی . شویله که : عورت حصاری اهاالیسندن بر بلغار قیزی یاشماقلی اوله رق اهتدا ایچون سالانیکه کلیر کلز او صرده آمریقا قونسولوسی بولنان روسیه لی (بریقلی لازار) طرفندن یوز اللی قدر آدم واسطه سیله جبراً قاچیرلمش اولدیغندن اهالی مسلمه دن برچوق کیمسeler ، حکومت اداره سی جوارنده ساعتلی جامعده اجتماع ایله قیزی طلبده اصرار

واواننده جمعیتلرینه کان فرانسه قونسولوسی (لابوت) و آلمانیا قونسولوسی (چرنیه) بی قتل و اعدام ایتملری اوزرینه سلانیک لیماننه فیلولر کلدی . دولتلرک طلبلری اوزرینه وقعه بی منع ایدمه مین والی محمد رأفت پاشا ووظائف مأموریتلرینی اجرا ایتمیان ضابطان عسکری تحت توقیف واستنطاقه آلدی وقو . نسولوسلرک قاتللری بالحا که اعدام اولوندی .

مع مافیه مسئله ، اهل اسلامک خرسیتیانلر علیه بر تعصب دینی ایله قیاملری صورتنده تفسیر وفضله جه اعظام ایدلدیکندن دغدغه آرتدی . آرتق شرقده تأمین انتظام ، پک مبرم اولمش ایدی . نهو ، هر طرفدن آتش آلیوردی . بناءً علیه ویانه قایینه سی، غورچاقوفک تکلیفی نظر اعتباره آلمغه راضی اولدی . اوچ باش وکیل برلینده قونفرانس حالنده اجتماع ایتدیله . موسیو دویسمارق ، مذاکراتی سوق واداره ایتدی . او ، شرق مسئله سنه عائد خصوصصاته پروسیانک نه رأیی ، ونده بر میل راجحی اولمادیغنی لاینتقطع تکرار ایدیوردی .

اونک آرزوسی ، آوستریا ایله روسیه آره سنده خط اتصال خدمتنی کورمک ، بویکی دولتی اوزلاشدیرمه رق اوچ ایمپراطور آره سندکی ائتلاف مسعودی ادامه ایله مک ایدی .

حقیقته بیسمارق ، اوزمان ایچون غورچاقوفک مطالعاتنه (آندراشی) تکیکندن دهها زیاده میل و مساعد بولونیوردی . بنابرین قونفرانس ، روس باش وکیلی طرفندن احضار ایدیلن

و مندرجات صریحه سی ۳۰ کانون ثانی ۱۸۷۶ لایحه سندن
باشقه درلوتهدیدکار اولان (مه موراندوم) ك قبولیه ۱۱ مایس
۱۸۷۶ تاریخنده ختام بولدی .

فی الحقیقه دولت علیه وقوع بولان بو یکی اخطار قطعیده
دول ثلثه شمالیه ، آندرائی طرفندن مقدا درمیان ایدیلن
تکلیفات خمسینی استنساخ ایتمکله اکتفا ایتیموردی . به دولتر ،
(رودیج) و (و سه لیچکی) نك ارباب قیام نامنه کندیلرینه
عرض ایتدیکی تکلیفاتی ، جزئی تعدیل ایه نقل و بوجله
مطالبات آتیه بی درمیان ایدیورلردی :

۱ — تخریب اولونان خانه'رك یکیدن انشاسی . خسارزده
کویلورله وطنلرینه اعاده ایدیله جك فراریلره حیوان
ذخیره ، آلات تدارکی و اوچ سنه مدته دوغریدن دوغریه
تکالیفدن معافیت .

۲ — اعانه توزیعی ایله مکلف اولمق اوزره خرسه تیان
بوشناق و هر سکلیلرک معتبرانندن هر کب ۲ قومیسون تشکیلی .

۳ — تعیین اولونه جق اون قلعه بی اشغال ایچون مملکتده
بولوندریله جق عسا کردن ماعدا عسا کر بولوندرلما سی .

۴ — اصلاحاتک تمامی اجرا سنه قدر خرسه تیانلرک
مسلح قالمیسنه مساعدده اولونمسی .

۵ — دول معظمه قونسولوسلری ایله دلیگه لرینك اجرا
اولونه جق اصلاحاته نظارت ایتک حقنه مالکیتی .

لكن هېښې بوقدر دكډې . دول ثلثه ، عصيان ايدن
ولايتلره درحاک برمتارکه (armistice) بخش اولونمسي
تورکيادن طلب ايدييورلردی .

واکر ايکي آي ختامنده دولتر ، « مقصدلرينه وصوله
موفق اوله مازلرسه حکومت ثلثه (آلمانيا ، آوستريا ، روسيه) ،
فمالني توقيف وانتشاريني منع ايچون صلح عمومي منفعتنه
مقتضي کورونه جک تدابير مؤثره بخشنده برائتلافک قوه تأييديه سني
تأثيرات ديپلوماتيکه لرينه علاوه ايتمکه لزوم حاصل اوله جني
فکر نده درلر . » .. ديه تهديدی متضمن تبليغات اجرايله ديتر .

انگلتره قابینه سی واستانبول انقلابی

اوستریانک اساساً یک شدتله ترویج والتزامنه قرار قطعی ویرمیدیکی مه موراندوم ، همان فرانسه وایتالیا حکومتلرینه عرض واونلر طرفندن بلااعتراض قبول ایدلدی . فقط انگلتره ایچون بویله اولمادی . دولت مشارالیه ، اک اوفقی برترده بیه دوچار اولقمیزین آنی ، (دیزرائلی) معرفتیه رد ایدلدی .

(غلادستون) ی ، مملکتک تذلیل ایدلمسینه مساعد بولوندیغندن ویا اوله دکلسه بیه مملکتی اونوتدیغندن دولایی خیلی زماندن بری تقبیح و تنقید ایتمکده اولان خلفی ، بر قاج آیدن بری برسیاست استیلاجویانه وستیزکارانه آجش ایدی که بوسیاستک ایلک موافقیات ، کندیسنی روسیهک مدعیاتی قارشیسنده ضعیف و حین کورونمکدن منع ایدیوردی .

(دیزرائلی) ، ترانسوال دولتنک آفریقای جنوبی انگلیز مستملککسینه برآز حیلله بر صورتده الحاقی اجرا ایتمش (که بوچوق سورمه دی) ایدی . اوندن باشقه مصرک انگلتره یه ارتباط اقتصادی و مالیسی اسیانکی استکمال ایچون قاهره یه بر مأمور مخصوص کوندریوردی . آسیاده روسلر ، ناقابل مقاومت برسوق طبیعی فتوحات ایله هندستان استقامتده ایلری حرکتلرینه دوام و خرقه خانانی مملک وسیع بلرینه علاوه ایتدکلرندن

دیزرائلی دخی هندستانده انکلز سلطنتک موجودیت وقوتنی
کورولتولی تظاهرات ایله تزییده چالیشیوردی . ایشته بوسبيله درکه
مشارالیه ، بیوک برطنطنه ایله (برنس دوغال) ی ، هندستانی
زیارته کوندرمش واوراده قرالیچهک نفوذینی تأیید واعلا
ایچون ۱۸۷۶ سنه سی نیسانده هندستانه کل دبديه ایله ایمپراطورلق
عنوائی ویرمشد .

بورجل دولت ، هرجهتله روسیه پولتیقه سنه قارشى طورمغه ،
مخالفت ایتمکک متایل ایدی . اوسبيله دولت عثمانیه یه وقوعبوله جق
تبلیغات مسئله سنده ۱۹ مایس ۱۸۷۶ ده خارجیه ناظرى
واسطه سبيله وبك صریح برصورتله جواب ویردیدی که انکلتره
حکومتی ، مه موراندومی تصویب ایتمیوردی .

مع مافیه دیگر دول معظمه مه موراندومی باب عالی یه تبلیغه
قرار ویردیله . لکن انکلتره کبی برنجی درجه ده بردولت
طرفندن مسلك مقاومتده تشویق واشجیع ایدیلان دولت
عثمانیه ک ، مه موراندومه پك فضاله براهمیت ویرمیه جکفی
آکلا یورلرایدی .

بو وثیقه ک تبلیغی ایچون ۳۰ مایس ۱۸۷۶ تاریخی
تقرر ایتمش ایدی . حال بوکه تبلیغ ، واقع اولامادی . چونکه
دها اول استانبولده برانقلاب وجوده کلدی که اونی اونوتدوردی .
بوانقلابده انکلتره ک پارماغی اولدینی سویلنیرردی .

سلطان عبدالعزیزک تبعه مسلمان سی آره سنده برمدتدن بری

شدید بر غلبان و هیجان افکار حکمفرما ایدی . بوسنه عصیانك امتدادی وقوص قوجه آل عثمان دولتنك ایکی بحق اشقیا قارشیسنده عاجز قالسی وبلغار اختلالنك علامات متقدمه سی حسینیه پر حدت اولان تورکلر ، پادشاهك ضعف عسکرینسی ، تردد سیاسی بحق تخطئه و مؤاخذه ایدیورلردی .

دول معظمه نك مداخله سی وروسیه نك مدعیاتی ایله روحاً جریحه دار اولان تورك ماتى ، سلطان محمودك اوغلنى — پدريك ۱۸۳۳ ده یاپدیغی کبی چارله اویوشمغه حاضر بولونمقله اتهام ایدیورلردی . تورکیده احکام شریعتك مفسری صفتیه بعض کره حکمداردن ده اذی نفوذ و رئیس هیئت علما اولان شیخ الاسلام ، اسلامیتی اضمحلاله سور وکلدیکی بهانه سیه پادشاهدن آریلیوردی . طلبه علوم ، شکایات و تهدیدلریله استانبول سوقاقلرینی دولدوریورلردی .

بعض وللرک تورکیا اوزرنده ادعا ایتدکلری هکمونیه یی ، تفوق نفوذی قطعیا ردایدن ترك ملیتپورانك (parti national) رئیس سیاسیی مدحت پاشا ایدی . بعض مؤلفین غربك تقدیرینه نظراً مدحت پاشا پك حریص و تدبیر شناس اولوب فوق العاده حریتپرور ظواهر و بر آوروپا مدنیتی جلاسی آلتنده عثمانلیك اجنبی به قارشى بتون حس استحقارینی اخفا خصوصنده بیوک برمهارت صاحبی ایدی .

ایشته ۱۸۷۶ سنه سی مایس نهایتده طولمه بانجه سراینك

صحنه اولدیغی هائله نك باشلیجه مرتبی ، انكاتر نك تشویقنه
وحتی بلكدده معاونته مظهر اولان مدحت پاشا اولمش ایدی .
مذكور مایسك اونرنده طلبه علومك برنمایش متحکمانه سی
نتیجه سنده بر چوق نظار دكیشمش ومدحت پاشا مجلس وکلايه
داخل و آنك یتشدیرمه لرندن خیرالله افندی شیخ الاسلام
اولمش ایدی .

۲۹ مایس ده انقلابچیلر آرتق وقت غائب ایتك جائز
اولمادیغنه حکم ایتدیلر . چونكه مه موراندوم ، ابرتسی کونی
تبلیغ اولونه جقدی .

سلطان عزیز مرحوم ، لاقیدیسنی ترك ایتمه مش کورونیوردی .
هنوز نیسانده اعلان افلاس ایتمش ایدی . کندی خزینه خاصه نك
موجودندن بر قسیمی احتیاجات دولت ایچون اعطادن امتناع
ایدیوردی .

مدحت پاشا ویارانی تردد ایتدیلر . ۲۹ — ۳۰ مایس
سنه ۱۸۷۶ کیجه سنده بتون سرایی عسکرله قوشا تیدیلر .
سلطانك خاهی جائز اولدیغنه دائر خیرالله افندی طرفندن
برفتوا امضالاندی و عبدالعزیزك یرینه یکنملرندن برتی ، سلطان
مراد خامس نامیه سریر سلطنته اقعداد ایلدیلر . سلطان عزیز
دخی ، صورت فجیعته معلومه ترك حیات ایلدی .

صربستان و قره طاغ طرفندن اعلان حرب ایدلمسی (حزران ۱۸۷۶)

(دیزرائلی) پولتیقه سنه پک ای یارایان بوانقلاب ،
دولت لک باب عالی دن خرسیتیانلر لهنه مساعدات جدیده استحصا
ایتمک ایچون مصروف مساعیسنی ثمره سنر براقه جقدی .
مه موراندوم ، مخاطبنه تودیع اولونمادی .

تورکلر ، حربه لزوم و ضرورت حس ایدیورلردی .
۹ حزران ۱۸۷۶ ده حکومت جدیده ، تسلیحات و مقاصدی
حقنده صرب حکومتدن — متعظمانه برلسان ایله — ایضاحات
طلب ایتدی . صرب حکومتی ده ، انقیاده مهیا دکلدی . صبر -
سنزقله پرغلیان اولان اردوسی ، بدأ مخاصماته حاضر ایدی .
چار ، مایس اواخرنده کنديسنک الک کزیده امرای عسکریه -
سندن (چرنایف) ی ، قوماندا ایتمک اوزره صرب اردوسنه
ویرمش ایدی . برقاچ کوندن بری قره طاغ ایله اتفاق معاهده سی
عقد ایدلمش ایدی .

بناءً علیه بلغراد قابنه سی تهدیده قولاق آصمق شوایله
طورسون . باب عالی یه شرط آتی بی تبلیغ ایتمک جراتنده

بولوندى : بوسنه نك ، صرب ؛ وهرسكك قره طاغ عساكرى
طرفندن اشغال ايدملك اوزره توركار طرفندن بوسنه وهرسك
قطعه سنك كاملاً تخليه سى (۲۳ حزيران) .

مستغنى بياندركه حكومت عثمانيه بويله مطالباتى قطعياً قبول
ايدمزدى . رد ايتدى . چونكه كستاخلق تحمل اولونماز درجه يه
كلش ايدى . آرتق بر حربه انتظار اولونمق ضرورى ايدى .

فى الحقيقه ۳۰ حزيران ۱۸۷۶ تاريخنده صرب پرئسى (میلان) ،
۲ تموز تاريخنده قره طاغ پرئسى (نيكيما) ، حكومت عثمانيه يه
اعلان حرب ايتديلر وپك آز صوكره بوسنه وهرسك عصاتى
بوقطعه نك صربستان وقره طاغه التحاقنى اعلان ايتديلر .

آوستريا — مجارستان حكومتى ، بالقان شبه جزيره سنده
معاهدات ايله تعيين وتأييد ايديلن حالت ووضعت ملكيه نك
بوصورتله تعديل واخلال ايدلمسـنه هيچ بروجهله رضا
كوسـتره مزدى . روسيه ، بونى بيليوردى . روسيه ايچون ،
هرنه صورتله اولورسه اولسون آوستريانك توركيا طرفنى التزام
ايتـسـنه مانع اولمق ايجاب ايدييوردى .

بوسـبيله حـزيران ايتـراسـنده چار ، عمومجه سى بولنان آلمانيا
ايمپراطورينه (نئمس) ده ملاقى اولدى . رفاقـنده باش وكيلى ده
حاضر اولدينى حالده ، ايمپراطور ، چاره فرانسوا ژوزفى ده
زيارت ايتـسنى واولدـجـه جاذب برهـديه ايله آنى ده كـنديـنه جلب
ايله مسنى نصيحت ايتدى .

آوستریا ایمپراطوری ، نه ایالتیاده ، نده آوستریاده ایضا
ایدیله جک بر رولی قالمادیغندن بری سلطنت ونفوذینی شرقه
دوغرو توسیع تصورنده بولونیور وبوخولیدان اوقدر خوشالاد
نیوردی که اونی موقع فعله چیقارمق اوزره بیسار ق ، خیلی
زماندن بری آوستریایه عرض معاونت ایلیوردی .

واقعا ، بو پروغرام فرانسوا ژوزفک سیاست شخصییه سی
ایدی ، وکلاسنه خوش کیوردی . آوستریانک آلمان تبعه سی
وعلی الخصوص مجار تبعه ، یکی اسلاو ولایتانک آوستریایه
التحاقنی کورمکه آرزو کش دکدیلر . هر نه اولورسه اولسون ،
ایکنجی آلساندر ، بیلیوردی که بوسنه وهرسکی اشغال ایتدی
حقننده بر تکلیف وقوعی ، فرانسوا ژوزفک خوشه کیتمز دکدی .
اوزمان صراحتاً بر تکلیف وقوعبولدیمی ؟ بونی بیلمیوروز .
شوراسی معلومدر که چار ، تموز آینده بوهمیاده کائن (ریدینگ)ده
آوستریا ایمپراطورینی کورمکه کیتمز وبوحکمدارنه ملاقاتمندن
صوکره آوستریا شرقده ظهور ایدن حربه بر مدت ، لاقید
وعلاقه منز کوروندی . احتمال ، که چار ، اوقت ایمپراطوره
بوسنه وهرسکاک قره طاغ و صربستان طرفندن ضبط ایدلمسته
میدان ویرمه جکنی وزمانی حلولنده اوراسنک آوستریانک
حصه سنه دوشه جکنی احساس ایدی . بونک اوزرینه نه (میلان) ،
ونه (نیکیتا) ، تورکلره قارش حركات تجلویده لرنده و بانه
حکومتندن براندیشه ایتدیلر .

صربلیلرله قره طاغلیلرله روسیه نك ، متبادیاً ابدال ایتدیکی معاونت و دولت عثمانیه نك برسنه دن بری بوسنه هر سك عصاتی قارشیسینده کوستردیکی عجز وضعیت حسیبله صربلرله قره طاغلیلرک مظفریتی محقق کورونیوردی . حال بوکه مسئله ، معکوس بر نتیجه آلدی و اورویانك دخی حیرتنی موجب اولدی . قره طاغلیلر ، آزلق اولق حسیبله پكده اهمیتی حاز اولمایان اوافق تفك بعض موفقیتلرله نائل اولدیلسه ده صربلیلر ، ابتدادن هزیمتله دوچار اولدیلر . محاربه ، اونلرا چون بر سلسله مصائب اولدی . اونلر امید ایلدکلی کی ولایات عثمانیه یی استیلا ایدمه دکن باشقه کندی اراضیلرنده شدتله پوسکور دولدیلر و (زایچار) ده مدهش برهزیمته اوغراته رق حدود جنوبیه - لرینك باشلیجه کلیدی ، محافظی اولان (آلكسیناچ) ك دولت عثمانیه نك قوای فائقه عسکریه سی طرفدن محاصره ایدلیکنی کوردیلر .

حکومت عثمانیه ، بتون ممالك دولت علیه خلقی جهاده دعوت ایدیوردی . آسیادن باشی بوزوقلر شتاب ایلور ، طونه بوینده چرکسلر جنوبه توجه ایدیور و بونلرک پك انصاف سزجه سنه جبر و شدتلی خرسیتیان اهاالییه دهشت رس اولیوردی . آرتق بوسنه — هر سك آتش وقان ایچنده ایدی . بولغارستانده ده حال بو مرکزده ایدی . اوراده سرزده ظهور اولان بعض حرکات اختلالیه تموز و آغستوس آیلیری

ایچنده اولیه . معاملات تخریبکارانه و اشخاصه قارشی اولیه قتلله
 حز الاندیرلمش ایدی که بوندن بتون آروپا، برحس انفعال و مرحتیه
 لرزان اولدی . مع مافیه دولت عثمانیه باشقه درلو یا پامازدی چونکه
 موجودیتی تهلیکهده ایدی . بوسنه، هر سگ، صرب، قره طاغ،
 بولغارستان هپسی بردن وحدت عثمانیه یی پارچالامغه چالیشیوردی
 نصیحت، وعد دوره سی بکشمش ایدی .

کرك بلغارلرك پانسلاویست تحریکاتیه اهل اسلامه قارشی
 ایقاع ایتدکاری مظالم و کرك بونلرك مفراط برر عکس العملی
 اولان (اوتلق کوی) (باطاق) . . . الخ فاجعه نرنده بلغارلره
 قارشی تورک لر طرفندن اختیار ایدیلن معاملات انتقامیه جداً
 مدهش ایدی . حتی انکلتزده بیله افکار عمومیه ، تورکیایی
 التزام ایدنلر علیه نه اماله ایدلمک ایستنیلیوردی . غلادستونک
 شهرتکیر عالم اولان Bulgarian horrors and the question
 of the East عنوانلی رساله سنده پادشاهک عضالتنی یمک و مقاومتی
 قیرمق ایچون قره دن روسیه و دکزدن انکلتزه طرفندن تشریک
 تاثیرات ایدلمسی لزومندن بحث ولونیوردی . بیقوانسفیلد ،
 کندی مخالفی اولان غلادستونک بو افکارینی رد و سیاست
 خارجیه یی بوافکارک تأثیراتندن مصون طوتمق ایچون خیلی
 چالیشدی . ویک زحمتله موفق اولدی . مشارالیه ۱۸۷۶ ایلوانده

(آبله سبورغ) ده ایراد ایتدیکی بر نطقده جربزد معتاده مستهزیانه سیله
دیوردی که :

«اگر غلادستون، پارلامنتو اعضاسنه (غری نیچ) ک ذروه سنه
چیه رق اورادن کندیلرینی قویو یروب آشانغی یو وار لاملرینی
تکلیف ایتش اولسهیدی بوتکلیف تورکلرک روم ایلیدن اخراجی
تکلیفندن ده اعبث ده مناسبتسنز اولمازدی»

انگلیز و روس مبارزه سیاسیه سی

بیقونسفیلد و غورچاقوف

عثمانلیلر طرفندن اجرا ایدیلن معاملات شدیدنه نك آوروپایه پك مبالغه لی صورتده اشاعه ایدلمسندن متولد حس نفرت ودهشت اودرجهده ایدی که هیچ بر حکومت وحتی انکلاتره بیله ، صوک درجه مایوسیه کلن صربستانك ۲۸ آگستوس ۱۸۷۶ تاریخنده آوروپا دول معظمه سنه وقوع بولان توسط تکلیفی رده جسارت ایده مدی .

حکومت عثمانیه ، در حال ، شرائطی در میان ایتمه اجبار ایدلی . فقط حکومت مذکورہ اصول دائرہ منده بر متارکیه راضی اولمقسزین فعلاً حرکات عسکریه بی تعطیل ایتدی . و :

اولاً — صربستانك ۱۸۶۷ دن اولکی حال ووضعی

اعاده ؛

ثانیا — او وقتدن بری انشا اولونان قلاع واستحکامات

هدم ؛

ثالثاً -- اولجه عساکر عثمانیه طرفندن اشغال ایدیلن

بعض استحکامات یکیدن اولنله تسلیم اولنور ،

رابعاً . - بلغراد حکومتی ، بر تضمینات حربیه اعطاسنه
ویا جزیه سنک تزییدینه موافقت .

خامساً . - قوهٔ عسکریه سنک موجودینی تنقیص .

سادساً . - پرنس ، متبوعی اولان پادشاه طرفندن
توجیه امارت ایدلمک اوزره در سعادته عزیمت .

ایدرسه پرنس میلان ایله مذاکره کیریشه جگنی بیان
ایلدی .

بتون قاینه لر ، بوشرائطک صربلور طرفندن قبول
ایدیله میه جک درجه ده آغیر اولدیغنه حکم ایتدیلر واستانبولده
حائز نفوذ و اعتبار اولان انکلتزه حکومتک ، باب عالی یه باشقه
شرائط تکلیف ایتسنی مناسب کوردیلر . برمدتن بری قونت
دو (بیقونس-فیلد) عنوانی آلان (دیزرائلی) ، مشکلات
ایچنیده قالدی . کندیسکی ورفقاسی ، تورکیایه ظهیر اولمق فکرنده
ایدیلر . لکن بونی آچیقدن آچیغه یایامیورلردی .

زیرا اونلره خلافیکر اولان موسیو (غلادستون) ایله
رفقاسی ، بلغارستان قتال لرینی اوقدر شدتلی برانفعال و نفرت
ایله اعلان ایتمشلریدی که اودقیقه ده انکلتزه ده هیچ کیمسه ،
عثمانلیرک مدافعه سنی علناً درعهده ایله مک جسارتنه ملاک
اولامادی .

(سن جیمس) قاینه سی ، مشکلاتی بر آرتیهوین ایتک

ووقت قازانق ایستدی . ایلول نهایتنه طوغری باب عالییه
بر پروغرام عرض ایتدی که مواد آتییه یی محتوی ایدی :
مذاکرانه مساعد اولق اوزره آلتی هفته لق برمتارکه ؛

صربستانده حال سابق من الحربك statu quo ante bellum
محافظه سی ؛

بوسنه وهرسکه وحتی بلسکده بلغارستانه بر مختاریت اداره
بخش اولونمی . .

لکن نه عصات ، ونده صربلور ، اوروپانك بر تصدیق
وتأییدی فکرینی متضمن اولماق حسیله منافعلرینه جدی
تأمینات عرض ایتیمور کبی تلقی ایتدکلری بوبلانی حسن
قبول ایتدیله .

(چرنایف) ، در حال سالاچه صارلدی . و آلکسیناج
اطرافنده حرکات عسکریه یکیدن باشلادی . مومی الیه بر آره لق
پرنس میلانه قرال عنوانی ده توجیه بیوردی (؟) ایسه ده دول
معظمه بونی قبول ایتدیله .

صرب اردومی قوماندانی ، امر و تعلیماتی ، شبهه سزروسیده دن
آلیوردی . ایکجی آلکساندر ، کندیسنی سوروکلین جریان
ملییه انقیاداً ، قیلیجنی چکمه که تماماً مهیا ایدی . اونک و بر دیکی
امر لر اوزرینه روسیه ایمپراطور لفق حدود جنوبیه سنده
تحشیدات کلیه عسکریه وقوع بولیوردی . کندیسنی ده ایوادیاه

کیتمش، اورادن تدارکات حربیه نظارت ایدیوردی . حربه کیریشمک ایچون بر خطوه قلمش ایدی .

چار ، ایوادیدان ۱ تشرین اول ۱۸۷۶ تاریخنده ایمپراطور فرانسوا ژوزفه محرمانه بر خبر کوندردک روسیه ایله آوستریانک مشترک باقان شبه جزیره سنده کی اراضی عثمانیه یی اشغال ایتلرینی تکلیف ایله دی . کوریلوردی . چار، صربلورله قارشى پک دوغرو وخالصانه اش کورموردی . بلکده ویانه قاینه سنک بو تکلیفی قبوله جرأت ایدمیه جگنی وبو وجهله یالکز باشنه ممالک عثمانیه یی استیلا ایچون کنديسنه بر وسیله احضار ایدم جگنی حس و تفرس ایلموردی .

فی الحقیقه فرانسوا ژوزف ، چارک کنديسنی اشتراکه دعوت ایتدیکی بووخیم یثبت قارشیدنده کیروله دی . وچاردخی کندی حرص و منفعتندن باشقه برشی دوشونمه مکده زیاده میال کوروندی . انکاتره حکومتی ، چوق اندیشناک ایدی . تورکیا ، کنديسنی تخلص ایچون انکاتره نک صرف ایتدیکی مساعیه لایق اولدیغی اهتمامه اشتراک ایدموردی .

استانبولده یکی برسرای انقلابی ده وجوده کلش ایدی . پادشاه نوجاه سلطان مراد خامس ، معلولیت دماغیه سنه مبنی خلع ایدیلهرک یرینه جاهل و متعصب عبدالحمید ثانی ، جالس سریر سلطنت اولمش ایدی (۳۱/۱۹ اغستوس ۱۸۷۶) .

حکومت عثمانیه . بالاده بحث اولونان انگلیز تکلیفاننده جواب

ویرمیدی. فقط اساسی و مطمئن بر اصلاحات پروغرامی قبول
ایتدی. اوصرمده دولت عثمانیه نك حسن نیتمه عدم اعتماد اودرجه ده
ایدی که حکومت اجنبیه، احتیاجات حقیقیه ملیه مزه توافق ایدن
بو اصلاحت تصوراتی، اورویایی آلتامق ایچون تصنیع ایدلمش،
مطمئن اولدینی قدر کولونج مواعید کاذبه دن عد ایدیورلردی.
اك بی غرض، اك حق کو مؤلفردن اولان (ده بی دور)
بیله مسئله نك بو صفحه سنده دییورکه :

« تورکیا ایمپراطورلغنه ۱۷۸۹ انقلاب کیری اساساتنه
مستند بر قانون اساسی بخش ایدلمی. مجلس مبعوتان واعیان،
مسئول بر قاینه — تشکیل و تأسیس اولونمی موضوع بحث
اولیوردی. (۱ تشرین اول ۱۸۷۶) »

« تورکیاده پارلمان تاریزم ! بوشاقا، بتون قاینه لره پك
ناخوش کوروندی. بیقونسفیلد بیله جدیدتی پك کوچ محافظه
ایده بیلدی. روسیه نك صبر و سکونی توکنمسندن قورقولد.
یغندن انکلتزه باش وکیلی، همان باب عالی یه یکی بر تکلیفده
بولوندی. (۵ تشرین اول ۱۸۷۶) »

انکلتزه حکومتی، بو دفعه، ساده جه آلتی هفته لق بر
متارکه ایله پارس ولوندره معاهده لرینه واضع امضا دولتلر
طرفندن شرق مسئله سنك یکیدن تدقیق ایچون بر قونفرانس
عقدینی طلب ایدیوردی. آلمانیا، اوستریا، فرانسه، ایتالیا،
روسیه دولتلری بو پروغرامه همان موافقت ایتدیله.

لكن حكومت عثمانیه ، او وقت اوروپا دولتمرينه آنلرك
« خام تكليف » عد ايشدكلى بر طلب فضولیده بولوندى . او ،
متارككك آلتى آى امتداد ايتسنى وبو مدت ظرفنده صربستان
وقره طاغ ايله ولايات عاصيهك خارجدن بر امداد ومعاونت
كورمدمسنى ايسيتوردى . بوضورتله يورغون عسكرينه اوزون
بر استراحت تامين ايدمرك ، آنلرى تنظيم وتقويه ايجون زمان
قزانهرق مخاصمته يكمدن باشلانير باشلانماز خصامسنه قطعى
ضربه ار اينديره جكندن قورقولدى .

روسيه حكومتى ، بوجوانى پك ناخوش تلقى ايتدى ووقوعانى
تسريمه وتوسل جبر وشده عازم كوروندى . او زمان چار
اوزونده اجرائى تاتيريدن نفوذ ، پانسلاويزم سياستنى بر آز
تدير واحتمياط ايله تعديل ايدن غورچاقوفك دكى ، آچيقدن
آچيغه حربه تشويق ايدن وبونك وقوعنى ايستمين جنرال
(ايغناتييف) ك نفوذى ايدى .

بوزات ، سلطان عزيز نردنمه سفير صفتيله طول مدت
روسيهك وكيل وممثلى بولونمش وخاقان مشاراليهك امنيت
واعتمادنى جاب ايله مش ايدى . فقط بو حاكمدارك خلغنى متعاقب
كبرى چاغيراشيدى .

۸۵ شمسين اول ۱۸۷۶ ده چار ايكنجى آلکساندر ،
اولتباتومه پك بگزمن بر پروغرامى حكومت عثمانيه تبليغ
ايتك الوزره (ايغناتييف) ى تكرار استانبوله كوندردى .

بو پروگرام بروجہ آتی اوج مادہ دہ خلاصہ ایدیلہ بیلیر :

(۱) بلا قید و شرط آلتی هفته متارکہ

(۲) بوسنہ ہرسک و بلغارستانک مختاریتی

(۳) بونلرک حقوقک آوروپا طرفندن حقیقی و فعلی صورتدہ تأمین .

بوندن باشقہ ایغنائیہ ف ، متعظمانہ و محقرانہ ادارہ
لسانہ و برانقطاع مناسبت احتمالندن قورقمامغہ مأذون ایدی .
فی الحقیقہ ایغنائیہ ف ، دول معظمہ سفرا سیلہ کوروشدکن ،
آکلاشدقندن برقاچ کون صوکرہ صربستاندن تلاش آور
خبرلر آلدیغی زمان بومأذونیتک اثرینی کوستردی .

(چرنایہ ف) ، انہ سلاح آلدیغندن بری تورکلر قارشیسندہ
ہزیمتدن باشقہ برشی کورمہ مشیدی . (دایغرادی) و (آلیکسیناچ)
تورکلر انہ کچمش و بلغراد طریق مدافعہ سز قالمش ایدی .

تشرین اولک اوتوزی ایدی . صلاحیت کاملہ بی حزاو لان
ایغنائیہ ف ، یارم کون بیلہ بکلہ مکمزین ، قرق سگزر ساعت
ظرفندہ متارکہ عقد ایتمی وجوبی حکومت عثمانیہ قطعاً
اخطار و عکس تقدیردہ استانبولدن کیدہ جکئی و بوحالہ نتیجہ نک
نہ اولہ جغنی تورکیانک بیلیمسی لازم کلہ جکئی اشعار ایدی .

بولسان متعظمانہ دن تدهش ایدن ہیئت و کلامز ، مقاومت
رایندہ بولونمامغی مناسب کوردیلر . ۲ تشرین ثانی ۱۸۷۶
تاریخندہ متارکہ اجرا ایدلدی . فقط صوکرہ نہ اولاجقدی ؟

باب عالی . آنجق وقت قازانق تصورنده بولونمش ایدی .
روسلر ایسه بسارایاده هرزماندن زیاده تهدیدکارانه بوضع
آلمش ایدی .

ایغنائیه ف ، استانبولده ، وقتیله مچنیقوفك اداره لسان
ایتدیکی طرزده استعمال سان اایله مش و آندن ده از یاده موفق اولمش
ایدی . بتون آوروپاده شدید برهیجان حکمفرما ایدی . هله
انکلتزده غلادستون فرقه سی اووقتدن اعتباراً دوشمکه ، غائب
ایتمکه باشلادی .

شدتلی برهیجان ایچنده بولونان بیقونسفیلد ، همان بحر سفید
انکلتز فیلوسنه ، (بشیمکه) صولرینه یعنی قلعه سلطانیه بوغازی
مدخلنه عزیمت ایچون امر ویردی . صوکره ، لوندره شهر امینک
lord - Maire محتشم برضیافتنده غایت حربجویانه اداره کلام
ایتدی وشو سوزلری سویلدی :

« براواتیمانوم اقر دیسی اولدی . بونی بر چوق دفعه ایشتم
بر تسویه مسالمتکارانه ایرمکه چالیشدیغمز صروده بولکه ، پک
قیمیح vilain کلدی . . .

« حرب ظهور ایده بیلیر . دنیاده هیج بر مات یوقدرکه بر حرب
دایانغه بوملاکت (انکلتزه) قدر حاضر لاش اولسون . حقنی مدافعه
ایچون بر کره حرب باشلادیمی ، ایجاب ایدرسه بربری آرقه سی
صره ایکی ، اوچ محاربه یه کیریشمکه تردد ایتمز . »

انکلیز مینستری ، بوسوزلری ۹ تشرین ثانی ۱۸۷۶ ده
سویلیوردی .

پرتسی کونی ، تلغرافله بونطقدن خبردار اولان چار ،
موسقووا وجوه واعیانله ایراد ایتدیکی نطقده :

« روسیه نك ، تورکیان ایسته مکده حقلی اولدیغی تأمیناتی ،
آوروپانك معاوتیله استیصال ایده مزسه منفرداً حرکت ایتمک
حازم اولدیغی وبویله برمنازعهده بتون مملکتك کمندیسیله
برابر اوله جفته مطمئن بولوندیغی » اعلان ایله مک صورتیله
عین وجهله تهدیدکارانه سوزلر سویلیدی .

واقعاً برقاچ کون سوکره چار ، بوايشده منفعت ذاتیه تعقیب
ایتمدیکنی ومقصد یکانه سی ، حامیسی بولوندیغی اهالی خرسیتیه
نیه نك مقدراتنی اصلاحدن عبارت اولدیغی و آله سلاح آلمی ،
فتوحات واستیلا مقصدینه مستند اولمایوب محربه فکرنده
بولونمادیغی بیان ایله انکلیزمنی تطمیننه بذل جهد ایله دی .
فقط بیقونسفیلد ، بو تطمیناتده بوش لافدن باشقه برشی
نولماوردی .

بیقونسفیلد ، کمندی نقطه نظرینه آلمانیا ده حاب ایله
آنک روسیه اوزرنده ، حربه مانع اوله جق برتأثیر ونفوذ
اجرا ایله مسنی ایستیوردی .

بیقونسفیلدک رفقاسندن اولوب دول معظمه نك درسعادتم
عقدینه قرار ویردکاری قونفرانسه اشتراك ایتمک اوزره تعیین
اولونان مارکی (دوسالیسبوری) ، ممالک عثمانیه به عزیمت ایتمزدن
اول برلیندن کچمک اوزره امر آلدی .

مشارالیه ، اصلاحاتی اجرا ایچون باب عالی به بر مهلت
ویرلمسی . موافق تدبیر وحکمت اولدیغنی واکر بالآخره
حکومت عثمانیه حقنده بعض تداییر تخویفیه استعمالنه لزوم
کوریلورسه بووظیفه نك منحصرأ روسیه طرفندن دکل ، بتون
آروپا طرفندن مشترکاً ایفاسی اقتضا ایده جکفی بیسمارقه بتون
غیرتيله آکلادی .

لکن آلمان باش وکیلی ، کندی فکرنبه ، بلغارستانک
روسیه طرفندن اشغالی کندیسنه مشروع کوروندیکنی بیان
واوندن باشقه ایکنیجی آلكساندرک معقول ومعتدل طاورانہ جفنی
وآنک حرصندن قورقغه محل اولمادیغنی علاوه اتیان ایلدی .
برقاج کون صوکره ایمپراطور (گیوم) ایراد ایتدیکی نطق
عمومیده : شرق بحرآنده تماماً غرض وعوضدن عاری اولان
آلمانیا نك ایکی قومشوسی اولان آوستریا ومجارستان ایله روسیه نك
دوستلغنی ادامه ایله کی امل یکانه ایدندیکنی اعلان وبو صورتله
روسیه به جمیله ابراز ایدیوردی (۳۰ تشرین ثانی ۱۸۷۶) .

نهایت موسیو دووینسمارق ، پک مشهور قالان برنطقنده
 ویانه وپترسبورغ آره سنده حسن امتزاجی ادامه دن باشقه هیچ
 برشیئه قاریشمایه جغنی وکندی نظرنده شرق مسئله سنک
 « پومه رانیالی برخمبره جی نفرینک کیمکیرینه دکیه جگنی ne vaut
 pas les os d'un grenadier poméranien یکدن بیان ایتدی.



استانبول قونفرانسی

لوردسالیسیوری ، پک اندیشناک بر حالد ، استانبوله کلدی .
 اوراده کانون اولک ایلک کونلرنده قونفرانس اجتماعه مهیا
 اولدی . اول امرده بر مسئلهء مستأخره question préjudicielle
 موضوع بحث اولدی : تورکیا ، قبول ایدیله جکمی ایدی ؟

بو سؤاله انکلتراه ، (نهوت) ؛ روسیه (خایر) جوابی
 ویریوردی . کسر مناسباته دائماً مهیا طوران (ایغنائیهف) ک
 بر فورانندن احترازاً ایکیمی اورتهمی بر قرار ویرلدی .

دول سته معظمه ، اولاً ، باب عالییه اعطا ایدیله جک
 پروغرام حقنده ائتلاف حصوله کتیرمکه وبعده عثمانلی وکیللرینک
 مرخصلرله مذاکرهیه قبول ایلمسینه قرار ویردیله .

روسیه ایله انکلتراه آرمه سنده همان دائمی اولان مخالفت
 وضدیه مبنی بو پروغرامک تنظیمی ایچون بر قاچ هفته کچدی .
 پروغرام ، آنجق ۲۴ کانون اول ۱۸۷۶ ده خارجیه ناظری
 ادهم پاشایه تبلیغ ایلدی . وقونفرانس هیئت تمام اولدی .

دولتله ، قره طاغ و صربستان ایچون بعض مرتبه توسیع

اراضی تکلیف ایدیورلر ، بوسنه وهرسکک مختاریت اداره
ملکیه و دول معظمه ایله بالاتفاق پادشاه طرفندن بش سنه
ایچون تعین ایدیله جک بروالییه، بریرلی میلیسه، وارداتلرینک
نصفی دیلدکلری کبی استعمال صلاحیتنه مالک اولسنی
ایستیورلردی .

اوندن باشقه، بوایکی مملکتده (بوسنه وهرسکک) ، یالکز
لسان مملکتک رسماً قوللانسی تمیزی ده بیان ایدیورلردی .
دول مشارالیهک پلانلرینه نظراً بلغارستانک بالقانلرک شمانده
کائن اولان بتون قسمی ، تماماً بوسنه وهرسکک عینی حقوقی
حائز اوله جق و متباقی قسمی، اهالی بی هر درلو معاملات کیفیه
و خودسرانه دن مصون بولوندیراجق بر ماهیتی حائز تشکیلات
بلدییه ، اداریه ، مالیه ، عدلیه و حتی عسکریه مالک
بولنه جق ایدی .

ایالات مذکوره، بین الملل بر قومیسون طرفندن قونطورول
ایدیله جک اولان اصلاحاتک اجراسنه قدر بلجیقا عساکری
طرفندن اشغال ایدیله جک ایدی .

باب عالی بر چوق نقطه لردن نواقص عرض ایدن فقط
عمومیتی اعتباریه اولدجه واضح اولان بوتکلیفه قارشی اول
امرده ملحوظ اولدینی اوزره قطعی جواب ویرمکدن احتراز
ایله مک ایستدی . بر معناد ، کندیسندن ایستماندن چوق
فضله سی بخش ایدیورکی کورونیوردی .

بعض ولایات ایچون کندیسنه بحث اولونان مساعدات
عملیه نك نه اهمیتی واردی ؟ او ، بـتون عثمانلی ایمپراطورلغنی
مظهر آزادی وباشدن باشه اصلاح ایتك ایستیوردی .

دولت علیه ، باربار بر دولت اوله رق قالمق ایسته مكله اتهام
ایدیورمی ایدی ؟ ایسته شمدی بونك خلافتی اثبات ایچون
پادشاه ، تورکیانك اوروپایی اك زیاده طانیان وسون ومملكتنه
غرب مدیت وقوانیننی ادخال ایله مکی شدتله آرزو ایدن
ایدن بر آدمی . صدراعظم تعیین ایتش ایدی . بو آدم ، مدحت
پاشا ایدی .

بو بویوك انسان ، تشرین اولده موعود (پارلمانتیر)
قانون اساسی بی تنظیم ایتش وبوقانون اساسی ، ۲۳ كانون اول
۱۸۷۶ تاریخندن اعتباراً نشر و اعلان اولونمش ایدی . بوقانون ،
موقع تطبیقه وضع اولونه جقدی . دهانه ایستیورلردی ؟

قونفرانسك ایلك تبلیغاتنه قارشى ، ادهم پاشا ، ۳۰
كانون اول تاریخنده بوصورتله جواب ویریوردی .

انكلتره دن باشقه هیچ بر حكومت ، بوانقلابك جدیدنه
احتمال ویره میوردی . اولر نظرنده اوصرمده تورکیاده پارلمانتیر
بر حكومت تأسیسی ، بر صنیعه دن ، بر كوز بویامقدن باشقه
برشی دكلدی . بوتلقی الجاسیله دركه قونفرانسده عثمانلی
مرخصلرینك بوبیاناتی تأثیر شافیء مأمولی حصوله کتیره مدی .

واجبى مرخصلر ، عثمانلى وکلای مرخصه سنى صده ، اصل مسئله ارجاع ایچون اصرار ایتدیلر .

روسیه حکومتی ، دولت عثمانیه نك بویله قاچماقلر ، جواب رد لرله کندی کندینه فنالق ایتمکده اولدیغنی اعتقاد ایدهرک بر آز اعتدال کوسترمکی موافق حکمت و سیاست بولدی و ظاهراً حَقْک کندی طرفنده اولدیغنی ظن ایتدیرمک ایچون هیج بر غیرتدن کیری طورمادی . ایغنائیف ، بالنسبه یوموشادی . ومطالباتنی تعدیل ایلدی .

الحاصل عثمانلى مرخصلریله ، عریض و عمیق مذاکره دن سوکره برنجینک مقامنه قائم اولمق اوزره تنظیم ایدیلن ایکنجی بر پروگرامده قونفرانس ، اسکی مطالب و مدعیاتی جزئی تخفیف ایتمش ایدی .

یکى پروگرام ، قره طاغ ایله صربستان ایچون مطلوب توسیع اراضی مسئله سنک تذکرینی آتی به تعلیق ایدیور ، بوسنه هر سکه تعیین اولنه جق والیدرک اتخابى ایچون آنحق بش سنه ظرفنده دول معظمه یه دانیشلمسنى قبول ایلوردی . برده بلغارستانک ایکی به تقسیمندن فراغته ایالات مختاره ده میلیدلرک منحصرأ خریستان اولماسنه واسلاو لسانی کبی تورکجه نك ده استعمال ایدلمسنه راضی اولویوردی .

قونفرانس ، تکلیف ایدیلن اصلاحاتی ، اجرا ایتک
اوزره اوچ آی مهلت ویریور وینالملل مراقبه قومیسوینده
تورکیانکده بروکیلی بولونمشی قبول ایلوردی .

بو مطالب ، ۱۵ کانون ثانی ۱۸۷۷ ده درمیان اولونمش
ایدی . دولت عثمانیه ، بونی قبول ایتسیدی دهافنا نتایجهمحل
قالمایهحق ایدی . انکلتزه دخی ، مادامکه حربک اوکنی آلمق
ایستیوردی ، بو تکلیفاتنه مطاوعت ایلهمسی ایچون بابعالیه
نصیحت ویرمش اولسهیدی فنا ایتمش اولمازدی .

لکن لوندره قابینهسی اولجه بر قاچ دفعه یاپدیغی کبی ،
حکومت عثمانیه ، جواب رددن تولد ایدمک مسؤلیتی
کندیسنه براققده اولدیغنی بیان ایله اکتفا ایتدی . دیگر
طرفدن ، حکومت عثمانیه قارشى هیچ بر تدبیر تضییقییه
اشتراک ایتیمهچکی حقندهکی قرارینی بیلدیرمش اولدیغندن
تورکیانک وصایت دولیه آلتنه آلتسنه مساعد بولنمقدن احتراز
اوزره بولنان ارکان حکومت عثمانیه ، قونفرانسک صوک
تکلیفاتنه قطعی بر رد ایله جواب ویرمکه قرار ویردیلر .

یوز سکسان رجال حکومتدن مرکب بیوک بر مجلس عقد
اولنهرق بونده طمططاقلی وفقط عامیانه وخاییده بعض مطالعات سرد
ایدلکدن صوکره مقاومتیه قرار ویرلمکله صفوت پاشا ، ۲۰ کانون
ثانی ۱۸۷۷ ده دول اجنبیه مرخصلرینه ، طلبلرینک اسمعافی
مناسب کوریلهمدیکنی تبلیغ ایلدی .

مرخصلرك جملہ سی ، در حال استانبولدن مفارقت ایلدیلر .
اونلردن بری ، ایغنائیه ف آچیقدن آچیغه تهدیدانده بولوندی .
مع مافیه حکومتتمز قرارنده ثبات ایتدی و ۲۵ کانون ثانی ۱۸۷۷
تاریخی برتحریرات عمومیه ایله فکرینی اوروپایه بیلدیردی .
برقاج کون صوکره عبدالحمید . « مدحت پاشانك خیال
مشروطیتنی هیچه صایدیغنی کوسترمك ایچون » مشارالیه
ناکمان اوروپایه تبعید ایتدی (۵ شباط ۱۸۷۷) .
مع مافیه ۲۳ کانون اول ۱۸۷۶ قانون اساسیسنی فی الحال
لغو ایتمکدن احتراز ایله دی . بالعکس مقصدی اونی محافظه
وادامه ایتك اولدیغنی بیان ایلدی .

ویانه ائتلاف خفیسى — ایغنائیفك مأموریت

مخصوصهسى — لوندره قونفرانسى

آوروپا ، روسیهك وخیم بر قرار اتخاذا ایتسنه منتظر اولویوردی . فی الحقیقه ۳۱ کانون ثانی ۱۸۷۷ ده غورچاقوف ، بك واضح المال بر تحریرات عمومیه ده . دولت علیهك سوء نیتی حسیله نتیجه سز قالان مذاکراتی نقل و تکرار ایتدکدن صوکره دولترک حکومت عثمانیه بی تعدیل حرکتیه مجبور ایتك وطریق معقوله صووق ایچون اتخاذاینی مناسب کوردکاری تدابیری کندیسنه بیلدیرمکه دعوت ایدیور و چارک هر حاله ایتدیکنی یاپه جغنی و کندیسنی تعقیب و حرکتیه اشتراك ایدن اولماسه بيله یلکیز باشنه حرکت ایده جکنی احساس ایلدوردی . روس دیپلوماتی . تهاک سزجه بومتعظمانه لسانی قوللانه بيله جکنی بك اینی بیلوردی .

فی الواقع بودقیقه ده حالا خارجیه نظارتنده موسیو (دوقاز) بولونان فرانسه حکومتی ، روسیهك املنه مخالفته هیچ میال دکلدی . بیسهارق ، تورکیانك انقسام وفك اجزاسندن ایتالیا یه ده

پای چقبايله جکني مههم بر طرزده اميد ايتديرمک صورتيله ايتاليایي دخي کندينه جلب ايتمش ایدی .

آوستريا — مجارستانه کلنجه ، آلمانیا باش وکیلی ، کندی مظلم سیاستک ، خيلي زماندن بری چاری سوق ايتديکی محاربه یی ناقابل اجتناب قيلمق ایچون آوستریایيله روسیه آراسنده کانون ثانی ده پک محرمانه برائتلاف حصولنی احضار و ترتیب ايله مش ایدی . بوائتلاف ، بوناموسکارانه بازارلق ، ایکنجی آلکساندره صورت مخصوصهده جسارت بخش اولدی .

آنجق اون سنه صوکره ۱۸۸۷ ده ، پشته پارلامنتوسنده بر مناقشه ائناسنده افشا ایدلمش اولان بوائتلاف خفی موجبنه فرانسوا ژوزف ، چار ايله پادشاه آرسنده ظهور ایده جک محاربه ائناسنده بی طرف طور منی تعهد ایدیور فقط « شاید بعض احتمالات ، فعله چیقه جق اولورسه Si certaines even-tualités venaient à se produire » بالقان شبه جزیره سنک ایالات غریبه سنی اشغال حقنی کندیمی ایچون محفوظ بولونديریوردی .

آوستریانک بی طرفانی ایچون وضع ايتديکی شرائط شونلر در :
۱ — دولت عثمانیه نك تبعه خريستيانیه سنی اوزرنده هيچ بر دولت ، بر حمايه انحصاریه ادعا ایدمه جک وپارس ولوندره معاهده لرینه اشتراك ایدن بالجمله دولتلر حربك نتایجی حقنده اعطای رایه دعوت اولونه جق .

۲ — روسیه ، طونه نك ساحل یمینده هر نه صورتله اولورسه اولسون اکتساب اراضیدن توقی ورومانیانك تمامیت ملكیه سنه رعایت ایده جك واستانبوله طوقونمایه جق .

۳ — اكر روسیه حكومتی بر اسلاو پرنسلكی تشكیل ایدرسه بونك اسلاو اولمایان اقوام ویا دولتلرك ضررینه اولماسی وبلغارستان اوزرنده حقوق مخصوصه ادعا ایتمه سی وبلغارستانك نه بر روس ونه ده بر آوستریا پرنسی طرفندن اداره اولونماسی خصوصالرینه اعتنا ایدیله جك .

۴ — روسیه دولتی ، حرکات عسکریه نی صربستان جهتنه تشمیل وعسکرینی صرب اراضیسندن امرار ایله میه جك . هر نه قدر بو کی تعهداته کیریشمك ، پترسبورغ قایینه سنه بر آز کوچ کلدی ایسه ده بونی اختیارده تردد ایتدی . بو تعهداتی طوته جقمی ایدی ؟ بو جهت ، طالع حربه باغلی بر مسئله ایدی .

آرتق روسیه ایچون انکله رده دن باشقه هیچ بر طرفك مخالفتندن اندیشه یه محل یوقدی . (سن جیمس) قایینه سی ایسه ، روس حكومتك منویاتنه جدی صورتده مانع اوله میه جق قدر غائله ایچنده ایدی .

بیقونسفیلد ورفقاسی ، تورکیانك قونفرانسده نه درجه نامعقول وتدی رسنر حرکت ایتدی کنی بیان ایدن واونی مقاومه تشویق ایده جك یره مقاومتن فارغ اولسی ایچون کندی سنه آحقیقجه

تبلیغات اجرا ایدلمسنى طلب ایتمکه اولان غلادستون فرقه سنه
قارشى ، پارلامنتوده بىك مشكلات ايله اوغراشيورلردى .
(شباط ۱۸۷۷)

انكلتره زمامداران امورينك باب عاليه معاونت ايچون يكانه
ياپاييله جكى بر شى وارسه اوده صربستان ايله حكومت عثمانيه
آره سنده عقد صلحى تسريع ايچون توسط ایتمكدى .

فى الحقيقه ۱ مارت ۱۸۷۷ تاريخنده امضايديلن و صربستان
پر نسلكنه حال سابق من الحربى تامين ايدن بر معاهده ايله بو
نتيجه يه ايريشيلدى لكن بونكله فورطنه نك اوكى آلتش اولمادى .
قره طاغ پر نسلكى ، توركي ايله ائتلاف ايدمه ديكي جهته
سلاح بدست قاليوردي . صوكره ۳۱ كابون ثانى تاريخلى تحريرات
عموميه سييله طلب ايلديكى جوابلرى آلامايان روسيه ، صبر سز لانتغه
باشلايور و كيتدكجه ده مصر و عجل اوليوردي .

اك زياده مروج حرب اولان جنرال ايغنائيف ، مارت
ابتداسنده ماموريت مخصوصه ايله دول معظمه نرينه اعزام ايلدى .
جنرال ايغنائيف ، اوروپانك ايفاسنه ميا و خواهشكر
كورونمديكى بر معاونت فعليه نك فقدانى حالنده روسيه يه بالذات
احقاق حق ايتمى و باب عالينك رد ايتديكى پروغرامى قوه
عسكريه ايله *Manu militari* اجرا ايتدير مى ايچون ماذونيت
و ملاحيت كامله و يرلمسنى طلب ايتك اوزره اوروپايه كيديوردى .
او . خلاصه شونى اخطار ايدمه جكدى كه شايد ۱۸۵۶

معاهده‌سی ، حالا مرعی الاجرا ایسه آنک خرسیانلره تعلق
ایدن جهتلرینی اجرا ایتسی ایچون روسیه‌نک دولت‌علیه پی تضیق
ایتمسی سوء تلقی ایتهمک و شاید او معاهده آرتق کان لم یکن
حکمنده ایسه اوروپانک حکومت عثمانیه پی تصاحب ایتسنه هیچ
برسبب حقوقی قالمادیغنی بیلیمک ایجاب ایدر .

ایغنائیف ، بربرینی متعاقب برلین ، ویانه ، روما و پارس دن
چکدی . و هریرده مظهر حسن قبول اولدی . لوندرده ایسه
بویله اولمادی .

لکن ، هیچ اولمازسه ، انکلتزه پای تختنده یکی برقونفرانس
آچیلیمی خصوصنه استحصال موافقت ایلدی . اوراده مرخص
بولوندریره جق آلتی دولت معظمه ایچنده کندی سیاستنی قبول
ایتمه ین یالکز بر دولت قالدیغندن اونی تهدیده چوق کوچک
چکلمیه جک ایدی .

بناءً علیه اوروپانک پروغرامنی اجرایه تورکیایی صوک
دفعه اوله رق مجبور ایدن ۳۱ مارت ۱۸۷۷ پروتوقولنی روسیه
کندیسی ایچون بر موفقیت کبی تلقی ایده بیلیمشدر .
دول معظمه بو پروتوقول ایله :

اولاً - باب عالی پی ، قره طاغک طلب ایتمکده اولدیغنی
اراضی حقننده کی منازعه دن فراغتله در حال امارت مذکور ایله
عقد صلحه و مکرراً طلب اولونان اصلاحاتی حقیقی صورتده
اجرایه دعوت ایدیورلردی .

نانياً — حکومت عثمانیه نك بر قاچ زماندن بری روسیه یه قارشی قویق ایچون کلیتله تزید و تقویه ایتدیکی اردوسنی حال حضری نسبتنه ارجاع ایتسنی تکلیف ایلورلردی .


ثالثاً — دول مشارالیه، در سعادتده کی سفیرلری و محلنده کی مأمورلری واسطه لرله حکومت عثمانیه نك و عدايتدیکی اصلاحاتك نه صورتله اجرالیدله جكنه كمال دقت و اعتنايله نظارت اجرا ایتك نیتنده بولون دقلرینی اخبار ایدیورلردی .

نهایت شونی ده اعلان ایدیورلردی که : شاید حکومت عثمانیه نك خطامی نتیجه سی اوله رق شرق بحرانی ، دها امتداد ایده جك اولورساق « بویه بر حال ، کندی منفعلری و بتون اوروپانك منافعه مغایر اوله حق » در و علاوه ایدیورلردی که : « بوتقدیرده اهالی خرسیتانیه نك سلامت و استراحتنی و مسالمت عمومیه نك منافعی تأمینه اك الویریشلی عدايتکلری و سائطه مشترکاً توسل حقنی محفوظ طوتارلر »

مع مافیه خارجیه نظری لورد (ده ربی) نك . پروتوقولی امضا ایتمکله برابر کندی پایه بونك هر درلو معناسنی ، اهمیتنی ازاله و اسقاط ایتك ایتدیکی آکلاشیلوردی . چونکه عین کون (۳۱ مارت) تاریخلی بر بیاننامه خصوصیده ، دولترك مقصدی حاصل اولمادینی و باخصوص تورکیايله روسیه آره سنده ترك سلاح و عقد صلح وقوع بولمادینی تقدیرده انکله ره حکومتك ، بو پروتوقولی کآن لم یکن عدايده جکنی بیلدیر یوردی .

دیگر طرفدن قونفرانسه روسیه یی تمثیل ایتش اولان قونت (شووالوف)، دخی عین تاریخده امضا ایتدیکی برنوطه ایله حربی ناقابل اجتناب قیلیوردی . مشارالیه ، کندی حکومتک باب عالییه تبلیغ ایله مک نیتنده اولدیفی خصوصی اولتیماتومی شوصورتله بیان ایدیورایدی :

« اکر قره طاغ ایله صلح عقد اولونور وباب عالی، اوروپانک نصایحی قبول ایله حال سفر بریدن حال حضرییه عودته و پروتوقوله ذکر اولونان اصلاحاته جدی صورتله تشبث ایتمکه مهیا بولونورسه ، ایمپراطور حضرتلرینکده موافقت ایده جکی ترک سلاح مسئلهسی مذاکره ایچون همان پترسبورغه برما مور مخصوص کوندرمسی ایجاب ایدر . اکر بلغارستانده کی کبی قتال وقوع بولورسه بو حال بالضروره ، تعطیل ایدیلن تحشیداته وسفر برلکه یکیدن باشلانمسی موجب اولور . »



اعلان حرب

بودرجه متعظمانه مطالبات وبوقدر محقرانه بر لسان ،
شبهه سزکه بر انقطاع مناسباتی موجب اولمق اوزره ترتيب
ایدلمش ایدی .

پروتوقول ایله روسیه نوطه سی ، ۳ نیسان ۱۸۷۷ تاریخنده
باب عالی یه تبلیغ اولوندی . پادشاه بونلری بر قاچ وقتدن بری
استانبولده طوپلانان پارلامنتویه تودیع ایتدی . اوده ۹ نیسان
تاریخنده قونفرانس تکلیفاتنک وبالخاصه چارک تکلیفترینک
ناقابل قبول اولدیغنی بیانده قصور ایتدی . ایکی کون صوکره
باب عالی ، جواب رد ویردی . وروسیه حکومتی ، همان بدأ
مخاصماته آماده اولدی .

روسیه ، کنديسنه مقاومت ایدمه یین رومانیانک استقلال
تامنی تصدیق ایتدیره جکنی وعد ایدهرک آنکله بر معاهده
امضالادی . بومعاهده موجبنجه روس عساکرینک بوامارت
اراضیسندن مرور ایتسی تأمین ایدلمش اولدی .
حکومت مذکورده . ۲۴ نیسان ۱۸۷۷ ده اعلان حرب

ایدیوردی . ایکنجی علسکساندر ، نشر ایتدیکی بیاننامه سنده
هیچ بر حرص شخصی و خود کامانه اولقمیزین اعتسافدیده
خرستیانلرک مدافعه حقوقی درعهده ایتمش اولدیغنی بیان
ایدیور ، غورچاقوف دخی ، مادام که اوروپا ، روسیه نك
حرکته امتثال ایتدی ، روسیه نك سربستهجه ویا لکز باشنه
یورومسی محق اوله جغنی اثباته چالیشیورایدی .

باب عالی . دیگر بر دولت ایله کندی آره سنده اختلاف
ظهور ایتدیکی حالد ، کندیسنه بی طرف دول معظمه نك
توسط دوستانه سنی وعد ایتمکده اولان ۱۸۵۶ معاهده سندن
استفاده یه تشبث ایتدی ایسه ده مئمر اولمادی . ۱۸۵۶ سنه سنك
کوزل کونلری چوق اوزاق ایدی و بوتعهده ، دیگر بر چوقلری
کی اونودولمش ایدی !

روسیه حکومتنك اعلان حرب ایتسنه قارشى یالکز بر
حکومت پروتستو ایتدی . اوده لوندره قایینه سی ایدی . لورد
(دهر بی) ، مایس ایتداسنده یازدیغنی پك شدید بر تحریرات
عمومیه ده روسیه دولتنك ، آوروپانك صوك زمانلره قدر محافظه
ایتدیکی پك حقیقی صلح امیدلرینی نظر اعتباره آلمق ایستمدیکنی
وعنف و شدت ابراز ایتمکله کندیسنی آوروپا جمعیت دولیه سی
خارجنه hors du concert européen وضع ایتمش اولدیغنی
اخطار ایدیوردی .

لكن بوسوزلر، كوزل واملنواز كملردن باشقه برشى
 دكلدى. انكلتره، حركت ايدى جكمى ايدى؟ بو، بيقونسفيلدك
 جاننه منت ايدى. لكن (دهربى)، اوقدر جسور دكلدى.
 غلادستون فرقه سنك مخالفت دائمه سى، قاينه پى صيقوردى.
 اوندن باشقه يالكر باشنه، انكلتره دولتى روسيه يه قارشى توركيانك
 امدادينه قوشا بيليرمى ايدى؟

آوستريا، ايشلى جريان طبيعيسنه براقغه مهيا
 كورونيوردى. فرانسه ايسه ۱۸۵۴ دهكى كې شرقه
 سوروكلنه مزدى. فرانسه ديپلوماسيىنى اداره ايدن دوق
 دو (قاز)، چارك موفقيتى تىنى ايدىوردى. فرانسه باشقه
 برنيتده بولونمش اولسه دخى بى طرف قالمى ايچون پك معقول
 برسبب واردى.

اوده موسيو (دوبروغلى) ايله (فورتو) نك مارشال (ماق.م.
 هون) ۱۶ مائس تاريخنده پايدىرديغى بر تحول جبرى نتيجه سنده
 بتون تاسيساتنك استحاله سى موضوع بحث اولان فرانسه نك
 بر چوق آيلر. كندى امور داخله سندن باشقه بر شيله
 مشغول اولماغه محكوم بولونمى ايدى.

بنا، عليه انكلتره قاينه سى، مسئله نك هرجه تى ايجه
 درپش و حساب ايدىرك بر آز صوكره دها ائتلاف جواولمى
 مناسب كوردى وهىچ اولمازسه محاربه متحده ده روسيه نك
 انكلتره منافعى سكتهدار ايمه سنى طلب ايتكله اكتفا ايدى.

او ، بالخاصه چارك مصره دوقونامسنى ، سويش قناله
رعايت ايتمى ، استانبول و نوغازلى استيلايله مامسنى ايستيووردى .
لورد (دهرى) ، ۶ مایس ۱۸۷۷ ده روسيه حكومتنه تبليغ
ايدمك اوزره يازدينى تحريراتده ، انكلتره نك بى طرفلغنى نه كې
شرائطه تعلق ايتديكنى كوستريوردى :

« حرب حاضر ، مع التأسف توسع ايدرسه انكلتره نك
مدافعه ايتمكه مجبور وعازم اولدينى بعض منافعى اخلاص
ايديله چكى دركار اولديغندن بومنافعك اك مهملى هانكلىرى
اولدينى واضحاً تعيين ايتمك آرزو اولنور . برنجى درجه
آوروپايله شرق آرمسند سويش قنالى واسطه سيله وقوعبولان
مناسبات واختلاطاتى على حاله بردوام وكشاده براقق لزومى
كوستريلور . قنال وجوارنده بر آبلوقه تشبثى ويا ديكر هر هانكى
برمداخله ، انكلتره طرفندن ، هند ايچون بر تهديد وتجاره
عالمه بر ضربه عدايديله جكدرد . « ديور وبوندن باشقه استانبولى
تركدر لندن باشقه اللره كچيره جك هر حركتك ، انكلتره بى
بى طرفلقدن چيقاره جفنى علاوه ايليوردى .

پترسبورغ قاينه سى ، بو مختلف نقطه لر حقنده انكلتره نك
مطالبنه قارشى هبىچ بر مشكلات چيقارمادى (۸ حزيان) ،
اوكوندن اعتباراً ايلريله مسنه بر مانع قالماش ايدى .
روس عساكرى . اعلان حربدن بر ايكى كون صوكره
مخاصماته باشلامش ايدى .

روسلر، قریم و بحر سیاهده وضعیت تدافیه دن آیرلماپورلردی .
او سببله کندیلری ایچون باشلوجه ایکی اس الحركات واردی :
قافقاسیه ، طونه ،

آسیاده ، جنرال (لوریس مدلیقوف) ، مایس ۱۸۷۷
ابتداسندن اعتباراً تورکیانک ولایات شرقیه سی استقامتنه توجه
ایتمش ایدی . شهر مذکورک اون طقوزنده کندیسنه سد راه
اولان (اردهان) موقع مستحکمنی ضبط ایتدی . حزیران
آینک نصف اولنده ارضرومه دوغری یوله دوزلدی .

اوروپا جهتنده ایسه صولرک یوکسلمسی و بعض نواقص
اداریه وعسکریه حسینه موسقوف عساکری ، حزیران
غایه سندن اول طونه بی کجهمدی . لکن تموزدن اعتباراً وبرقاج
هفته ایچنده موفقیات سریعه احراز ایتدیلر . روس عساکری .
بر طرفدن ساحله استناد ایدیوردی . دیگر طرفده ایسه نه
آرقه دن ، ندهه جناحدن قورقه جق برشی یوقدی . چونکه
رومانیا حکومتی ، طوعاً و یا جبراً نیسانده یاپدیغندن فضایه
کندیخی ایسه صوقش و ۱۴ مایس ۱۸۷۷ ده چار ایله تجاوزی
وتدافعی بر اتفاق معاهدسی عقد ایتمش ایدی .

بو شرائط داخلنده روسلر ، عادتاً قوشه قوشه . شمالی
بلغارستانی کچهرک بالفانلرک کچیدلرینی تضیق ایتکه باشلادیلر
واو درجه ایلر ایلدیلرکه تموز اواسطنده ادرنه ایله استانبولک
طرق مواصله سنی تهدید ایدیورلردی .

بو حوادث ، اوروپا نك بيوك بر قسمند شديلى تلاش
وانديشه لرى موجب اولدى . بالخاصه انكلتره قاينه سى متلاشى
كوروندى . مقدا (بشيكة) دن مفارقت ايتش اولان انگليز
فيلوسى ، بيقونسفيلدك امرى ايله تكرر بشيكة يه كلدى ، دميرله دى .
(برلين) دهده كيমে دهها زياده امين دكلدى . بيسمارق
فرانسده حكومت سلطانيه monarchie طرفدارى اولان
فرقه لرك بر تهاجم متهوران ايله جمهوريت طرفدارانيله اوغرا .
شدقلىر ينه باقورق ۱۶ مائس ۱۸۷۷ بحرانك بر روستوراسيونه
منجر اولمسندن و (روواياليست) و (قله ريقال) لرك احراز
ظفر ايله مسندن ودوق (دوقاز)ك اوتهدن برى بسليكي روسيه
ايله اتفاق پروژه سنى حسن نتيجه يه اصال ايله مسندن قورقيوردى .
بو اسبابه مبنى بيسمارق ، روسيه نك ايلر يله مسندن چوق
تلاشه دوشن وبونك بر حدى تجاوز ائتمه مسنده منفعتدار
اولان آوستريا حكومتك اتخاذايتديكي تدابير عسكريه يه او
دقيقه ده ايقات موانع ائتمه مك لازم كله چكى فكرنده ايدى .
(پانسلاويزم) علمه نه ديش بيله ين مجارلر ، دولت عثمانيه يه
كورولتولى بر مخالفت اظهارندن كبرى طور ماديلر . بوبابده اك
شديلى حركت وتهيج ، بشته ده وقوع بولمش ايدى . اوراده
مطنطن صورتده توركلر لهنده نمايشلر ياپيليوردى .
آلمان باش وكيلى . پترسبورغ قاينه سنه قارشى ، كندىنى
خطرله القا ائتمه مكله برابر ايتاليانى اوقشايور وناظر اوله جنى .

صره ده مملکتک مطامع ملکیه سندن بحث ایدن موسیو (قیریسی) یی ، جاذب بر خیر خواهلر ایله قبول ایدیوردی . بر آرزو کره بردن بره دکیشمش کبی کورینن طالع حرب . دونکلکده بودرجه ماهر اولان بوسیاسی یی یعنی یسمارقی تعدیل مسلکه سوق ایتدی .

تموز نهایتنده خبر آلدی که آسیا طرفنده ملیقوف قوما نداسنده کی روسلر ، ۲۱ و ۲۵ حزیران ده غازی مختار پاشا اردوسنک قارشیسنده یکدیگری نی متعاقب دوچار هزیمت و مجبور رجعت اولشلر و قارص محاصره سنی ده رفعه مضطر قالمشلرایدی . اوروپا طرفنده ایسه آغستوس وایلول آیلرنده حمیتلی وجسور عثمانلی قوماندانی غازی عثمان پاشا . روسلری پلونه اوکنده متمادیا قانلی هزیمتلره اوغراتمش ایدی . روسلرک ضایعاتی عظیم ایدی .

— استطراد —

اودرجه ده که ۵ ، ۸ ، ۱۱ ، ۱۸ ایلول ۱۸۷۷ تاریخلرنده روس مهاجمات شدید سنک عثمانلیرک ارواح اجدادی شاد ایدن مدافعات حمتکارانه سیه عقیم قالدیغنی ذکر ایدن مؤرخلر ، او آنده اردومزک سائر اقسامنده فعالیت لازمه کوسترله ایدی . نتیجه قطعیه نکل بلکده بزم لهمزده قاله جنق ایدوکنی درمیان

ایدیورلر . عثمان پاشا بر طرفندن ده قحط قورقوسی آلتنده بولدیغی حالده سیواستپول مدافع شهری جنرال (توتله بن) ك بیوک چاپده طوپلرینه صحراطوپلریله جواب ویریور و عسکرینك كمیت اعتباریله تقضاتی کیفیت اعتباریله تلافی به بذل مقدرت ایدیوردی . عثمان پاشانك طرق مواصله سی منقطع اولمش روسلر ایسته ممدایا امداد آلمقد بولونمش ایدی . بو شرائط داخلنده موفقیت ، بر معجزه مه توقف ایدردی . او یله ایکن پلونه غزاة و شهداسی ، مافوق البشر اقدامات خدا پسندانه ایله ایلولدن كانون اوله قدر چارپشیدیلر ، اولدیلر ، تسلیم اولمادیلر . وبتون عناصر حیات وزندگیسی چورومش ، بیتمش ظن اولونان ملت عثمانیه نك یاشادیغنی ، یاشایه جغنی و یاشامغه حق اولدیغنی بتون جهانیه اوکرتیدیلر . ونهایت هیچ بر چاره وامید قلمایچه ۱۰ كانون اول ۱۸۷۷ ده ینه تسلیم اولمایوب بر صولت شیرانه ایله آتدیلر و دشمن صفترینی یارارکن تفوق کمی به مغلوب اولدیلر و انساجه اوروشوب انساجه اولدیلر .

عثمان پاشا مجروح واسیر اولدی . فقط عثمانلی بایراغنك ناموسنی قور تارمش ایدی . غالبلر بو اثر شجاعته تقدیر خوان اولدیلر . و عثمان پاشا « شان عسکری » سنه موافق صورتده معامله کوردی و غران دوق نیقولا وبالذات چار طرفندن بیوک بر احترامله قبول ایدلدی . تفوق عددی و وسائط مکمله ایله استحصال موفقیت ایدن غالبك شرفی . عثمان پاشانککنه نسبتله

پك دونوق ایدی . بویله بر هزیمت ، مغلوب قوماندان ایچون
شان آورا اولمقده بیوک بر مظفریت دگر نده اولدیغنه شبهه یوقدر .

روم ایلی و آناطولیده روسلرک موفقیتی سکتهدار اولدیغی
وطالع حربك عثمانیلره دوندیکنه ذهاب حصوله کلدیکی صره لرده
اوروپا دولترلر نده دوشونجه لر دیکشمکه باشلادی .

چارک ده خیلی آدم لری واردی . او ، بر غیرت محومانه ایله
پکی ومهم ترتیبات واستحضارات یاییوردی . لکن استطاعت
مالیه جهتیله مضایقه ده ایدی . بر آره لق ، آرتق روسلرک بستیون
غائب ایتدکاری ظنی حاصل اولدی .

برلین حکومتی ، روسیه نك پك غالب اولماسنی تمنی ایتدیکی کبی
پك ده مغلوب اولماسنی ایسته میوردی . بیسمارق آلمانیا نك ،
آوستریا نك رأینه تابع قالسنی ایسته مدیکندن روسیه نك دائما ،
هیچ اولمازسه آوستریایه مقابل کله جك قدر قوتلی قالماسنی
آرزو ایدیوردی .

اوندن باشقه فرانسه احوالندن لایقیله خبردار اولان
مشارالیه ، ۱۶ مایس ۱۸۷۷ رجالی طرفندن تجربه ایدیلن
اعاده حکومت سلطانیه تشبثك تام و قریب بر موفقیتسزك
تهلمکسه معروض اولدیغنی کورییوردی .

(تیه ر) ك مجاهدات علویه سی ، (غامبه تا) نك نفوذ
شخصیسی سایه سنده انتخابنده ، مجلس مبعوثانده (بروغلی)

قايىنه سنك دوشورمك ايتىدىكى جمهوريت طرفدارانى احراز
اكثريت ايتدى . بو انتخابات ، ۱۴ و ۲۸ تشرين اول ۸۷۷ده
مختلف عكس العمل طرفدارى فرقه لر ينك مزجنى موجب اولدى .
موسيو دويسمارق ، بوكا شهبه ايتيوردى . او ، فرانسه ده
ظهوره كله جك بو تبدلات نتيجه سنده دوق (دوقاز) ك
سركارده قالمايه جغنى وفرانسه ديپلوماسيى سنك وجهه استقامتى
ديكشه جگنى تأمل ايدييوردى .

بناءً عليه روسيه نك املنى استحسان ايتكى موافق عقل
وحكمت كورييوردى . كذلك او دورده ايناليا ايله مناسباتنده
دها زياده احتياطكار بولونديغى استدلال ايديليوردى .

آوستريا — مجارستانه كلنجه ، اونی روسيه يه قارشى
تداركات عسكريه سنده تشويق وتشجيع ايتك شويله طورسون ،
روسيه يي دارلتماغه موافقتنى استحصال ايچون بتون نفوذى
استعمال ايدييوردى .

يسمارق ، قونت آندراشى يي ملاقاته دعوت ايده رك ۲۰
ايلول ۸۷۷ده (سالزبورغ) ده كوروشدى . اوكانه وعد
ايتدى ؟ شهبه سركه ايمپراطور فرانسوا ژوزفك شدتله آرزو
ايتدىكى بوسنه وهرسك اشغالى تسهيل ايتك وعدنده بولوندى .
مجارلر ، بواشغال كيفيتنى صربستان وقره طاغك بو اراضى يه
تصرفنى منع ايده جك بر چاره كى تلقى ايده جكلردى .
هر نه حال ايسه : يسمارق ، پرنده بازلى ييتيره مشايدى .

بو ۱۸۷۷ سنه سنده ديپلوماتلرک هر درلو حساباتی زیر وزیر
ایدن طالع حرب ، بر آز صوکره بر کره دها تبدل ایتدی .
خیلی زمان ایچون منهزم عد اولونان روسیه ، بردن ، شدید
بر جهد ایله بلنی دوغرولندی .

تکرار قارصی محاصره ایدن (لوریس ملیقوف) ، مدھش
محاربه لردن صوکره تشرین ثانی ده بو موقعی ضبط ایتدی
ویکیدن ارضروم اوزرینه یورودی .

اوروپاده سیواستپول قهرمانی (طوتله بن) ، اردونک باشنده
اولدینی حالدہ — یوقاریده بیان اولوندیغی وجهله — ۱۰ کانون
اول ۸۷۷ ده پلونه یی آلدی . عین زمانده ، برقاچ آیدن بری
کوجلکله کندینی ضبط ایدن صربستان حکومتی ، صلحی
اخلال ایله حربہ کیریشدی . بالقانلر یکیدن تضییق اولوندی .
ادرنه یولی ، غالبله آچلدی . آرتق روسلرک استانبوله کیرمسنه
هیچ بر مانع قالماش کی کورینیوردی .



قوانین مسئله سی و آیاستفانوس معاهده سی

سلاح قوتنه استناد ایدیه بیه جک بر حاله کلن تورکیا حکومتی، آنجق آوروپانک مداخله سیله قورتولا بیلیردی . بناءً علیه حکومت مذکورہ دول معظمه نك توسط مشترکینی رجا ایتدی . لکن بونک ایچون اتفاق وائتلاف لازم کلیوردی . دولترایسه ائتلافه موفق اولامادیلر .

آلمانیا حکومتنک موافقتی اولمادقجه توسطک وقوعی قابل دکلدی . حکومت مذکورہ ایسه هرشیدن اول اوزمان کنیدیسی ایله تورکیا آره سنه گیرلمه مسنی آرزو ایتمکده اولدینی تخمین ایدیلن روسیه یه بو مظفریتلری ایچنده جبهه دن چارپمنی موافق حکمت و سیاست بولماوردی .

مغلوبه صلحی دیلدیکی شرائطله قبول ایتدیرمک خوشنودیسنی روسیه یه براقق لازم کله جکی و بومصالحه یی تکرار تدقیق ایتمک هر زمان ممکن اولدینی ونه آلمانیا نك ونه ده آوروپانک بکله مکله برشی غائب ایتیه جکی تأمل اولونیوردی . بناءً علیه آلمانیا حکومتی ، پترسبورغ قاینه سنه جمیله ابراز ایتمک مسلکینی التزام

ایدر کبی کورونیور واول باول طرفین محاربین آرہ سندہ
طوغریدن طوغری بہ مذاکرات جریان ایتک لازم کلہ جکی
فکرینی نشر وترویج ایلور ایدی .

باب عالی ، سوء طالعه قاتلانندی وروسیہ ایلہ بلا واسطہ
مذاکراتہ کیریشمکہ حاضر اولدیغنی ۳ کانون ثانی ۱۸۷۸ تاریخندہ
تبلیغ ایتدی .

بوحوادث ، انکلتزہ قاینہ سنی پک زیادہ تلاشہ دوشوردی .
انکلتزہ دہ عزت نفس ملی مدہش صورتدہ اویانیور وغلادستون
طرفدارانک مساعیسنہ رغماً افکار عمومیه ، روسیہ حقندہ
اسکی اعتمادسنزلقلرینک یکیدن ظہورینی حس ایدہ رک تورکیا
لہنہ دونیوردی .

(دہبیدور) دیورکہ : « بقونسفیلدک تورکیاہ قارشی
برضعف مجلویت وترحمی یوق ایدی . او ، حسبیاتہ قابیلیر
برسیاسی Politique sentimental دکلدی . آتیدہ دلیلی
کوریلہ جکی وجہلہ دولت عثمانیہ نک پارچالانمسنہ ، فک اجزاسنہ
اشتراک ایتک ، کندیسنہ پک فنا کلیموردی . ایستدیکی برشی
وارسہ اودہ بو معاملہ نک منحصرآ روسلرک منفعتنہ اجرا
ایدلہ مسی ایدی . »

بزبوسوزی تصدیق ویاردہ لزوم کورمیز . سیاسیونک
منسوب اولدقلری دولتک منافعنی رهبر حرکت اتخاذا ایتسی
پک طبیعی در . آنجق لوندرہ قاینہ سنک اواننادہ کی سائق

حرکتی ، روسیه نك بعد الغلبه شرقده احراز ایتدیکی وضعیتك
انكلیزلر ایچون تهلكه لی اولمسنده آرامق لازمدر . مادامكه
روسیه نك غلبه سی یعنی بزم فلاکتیز ، انكلتره ایچونده اندیشه
آزاولمشدر . انكلیزلر ك بزه دست مظاهرت اوزاتمسنده مذموم
برجهت کوره مه مکلکمز ایجاب ایدر .

ایشته بویله براشتر اك منافع سوقیاه (بیقونسفیلد) ، اول
امرده ۱۸۵۶ و ۱۸۷۱ معاهده لرینی اورتیه سورمه كه باشلادی .
واونلری امضا ایدن دولتلر ك الیوم معلق اولان مسائل شرقیه یی
حل و تسویه ده دعوت اولونمسی لازم كله جكنی ادعا ایلدی
(۲۵/۱۳ كانون ثانی ۱۸۷۸) .

عین زمانده انكلیز فیلوسنی قلعه سلطانیه بوغازندن ایجری
صوقق یتندن ده بحث ایدیور ودها آز ستیزجو اولان رفیق
(دهر بی) ، اونی بو تصور دن واز کچیرمکده مشکلات چکیوردی .
روس دیپلوماسیسی . وقت قازانمغه چالیشیوردی . انكلتره نك
مطالباتنه آنجق مبهم جوابلر ویریوردی . هر طرفدن کندیسنه
وقوع بولان سؤاللره رغماً ، باب عالی یه قبول ایتدیرمك ادعاسنده
بولوندیغی شرائط حقنده التزام سکوت و مکتومیت ایدیوردی .
وکلای عثمانیه ایله مذاکراتی ، أدنی سببلرله اوزاتیور
وبوئانده چار ك عساکری ، ایلریله مکده دوام ایدیوری .

کانون ثانی نهایتنده روس عساکری ، استانبول قبولرینه
کلشیدی . روسیه حکومتی [الحکم لمن غلب] قاعده سنی عنف

ایله تطبیق ایدرک مغلوبله برمتارکه ویرمک ایچون مقدمات
صلحیه نك امضا ایدلسنی طلب ایدیوردی .

بو آرزویه متابعت ضروری ایدی . ایشته بوضورتله
۳ کانون ثانی ۱۸۷۸ تاریخنده ادرنده طرفین آرسنده مخاصمات
تعطیل وعقد اولنه حق ماهده اساسلرینی افهام ایدن بر مقاوله
عقد اولوندی .

اعاده صلح ، شرائط آتیه ایله وقوع بوله جقدی .

— صربستان و رومانیانك توسیماً استقلالی .

— قره طاغك توسیع ممالکی .

— بلغارستانك امارت مختاره حالته وضعی .

— بوسنیه ، هر سکه وسائر خرستان و لایانه مختاریت

اداره تامینی .

— روسیه یه تضمینات حربیه اعطاسی . . . الخ

بودرجه مهم صورتده درمیان ایدیلن بوا حکامك ، بر معاهده یه
درج ایله تصریح اولونمسی زمانی کلهجه تورکیا ایچون پك آغیر
برشکله کیره جکی پك قولای استدلال اولونا بیلیردی .

چارك ، مظفریت حربیه سندن نه کی نتایج استحصال
ایتمک نیتنده اولدینی ویانه ولوندرده شایع اولدینی زمان
فوق الماده حدت وهیجانی موجب اولدی و روسیه نك ایلرله مسنی
توقیف ایتمک آرزوسی اظهار ایدلدی .

آوستریا — مجارستان حکومتی ، چارایکنجی آلکساندرک ،

۱۸۷۷ کانون تانیسندہ کنڈیسیلہ عقد ایڈیکی ائتلاف خفی بی
 خاطر لامغہ پک آز میال اولدیغی کوریوردی . بوصورتله
 آوستریا ، اغفال ایدلمش اولیور وشبه سز بالقان شبه جزیره سی
 ایله طونه بی منحصرأ روسیه نك حکم ونفوذی آلتنه وضع
 ایدہ جك اولان بر معاهدہ نك قریبأ عقداولونسی احتمالی دهشت
 وانڈیشه ایله تلقی ایلوردی .

بناءً علیہ آوستریا حکومتی ، محارب لر آرسندہ آتیأ
 عقد اولنه جق مقاوله وائتلاف لردہ معاهدات موجودہ نك بر تعدیلنی
 تضمن ایدن و آوروپا منافعه ویا بالخاصه آوستریانك منافع
 مخصوصه سنہ دوقونان هر نه اولور سه اولسون کآن لم یکن عد
 ایدہ جکنی اعلامه مسارعت ایلدی . حکومت مذکورہ ، منازع
 فیہ اولان هر درلو مسائلک حل وتسوویه سی ایچون ویانده
 برقونفرانس انعقادینی تکلیف ایدیور . (۳ شباط ۱۸۷۸
 تاریخی نوطه) وعین زمانده عساکرینی سفر بر حاله وضع ایله
 آشاغی طونه وایلیرییا جهتندہ تحشید ایلوردی .

انکلتريه کلنجه ؛ او ، دها ایلری کیدیوردی . عنداللزوم
 قره یه اخراج اولتمق اوزره اولدجه کلیملی انکلیر عساکرینی
 حامل اولان انکلیر فیلوسی ، ۱۴ شباط ۱۸۷۸ ده چناق قلعه
 بوغازینی کچهرک آطه لر اوکنده یعنی استانبولک تام قارشیسندہ
 طوردی . اول صورتله که روسلر ، انکلتريه نك قره یه عسکر

اخراجندن و نتایجندن احتراز آ مذ کور پای تخته کیرمه مکی تعهدده
مجبور اولدی .

حکومت عثمانیه ایله تحت تذکرده بولنان معاهده نك عقدی
ایچون مقتضی زمانی قازانمق ایستین سن پترسبورغ قایینه سی ،
آوستریا — مجارستان نوطه سنه خیلی واهی مطالعات و تزویرات
ایله جواب ویردی . روسیه ، ایلریده تنظیم ایدیله جك
مصالحه سندنده آوروپایه تعلق ایدن امور ایله — کندی فکر نجه
— روسیه ایله دولت عثمانیه دن باشقه سنه تعلق ایتمین موادی
تفریق ایده جکینی دسیسه کارانه برلسان ایله بیان ایدیور و برده
(باد) قصبه سنك تکلیف اولونان اجتماعه مقرر اولسنی ایستیوردی .
اوندن باشقه برقونفرانس یرینه برقونفره یعنی دول معظمه
نامنه یالکیز مناقشه دکل ، معاهده دخی عقد ایده بیلمك اوزره
صلاحیت کامله یی حائز دیپلوماتیک بر مجلس اجتماعی تکلیف
ایدیوردی .

روسیه حکومتی ، بو تکلیفك حسن نتیجه یه اقتراانی تأمین
ایچون براق کون صوکره آلمان حکومتك و - اطت دوستانه سنه
مراجعت ایتمک و قونفرمك برلینده اجتماعی تمیسنی درمیان
ایله مک قدر واردی .

ذکا و فراستی نه درجه ده اولورسه اولسون غورچاقوف ،
برکره ده ا بیسمارقه آلدانمش ایدی . کندینی مشکلات و تهلکه یه
دوشورمک سزین خیلی زماندن بری روسیه ایله آوستریا آره سندن

وولطه اورمقدمه اولان بیسماق ، بیوک بر مهارت ورسوخ
صنعتله : روسیه نك اعتمادینی قازانق ایچون آنی تشویق
وتصویب ایدرکی کورونیوردی .

بیسماق ، شرق مسئله سنده علاقهدار اولان دولترلر
آرەسندە نه مسلك اتخاذ ایتك نیتندە اولدینی حقندە رایخشتاغده
وقوعبولان استیضاحه ۱۹ شباط ۱۸۷۸ ده جواب ویردیکی
صرده ده :

« آلمانیا نك دئما مشكل وخطرلی اولان حکم وظیفه سنی
اوزرینه آلمایه جغنی ویالکزر عرض دلالت تألیفیه ایلیه رك وساطت
دوستانه سیله اوروپا صلح ومسالمتنك تقویه سنه خدمت ایلیه جکی
والحاصل ، ساده جه آلیجی ایله صاتیجی آرەسندە توسط ایدن
بر « ناموسلی سمسار honnête courtier اولمق ایستدیکنی »
بیان واعلان ایدیور واک بیوک آرزوسی ، ویانه وپترسبورغ
حکومتلرینی حسن امتزاج حالندە یاشاتمقدن عبارت اولدیغنی
بر معتاد علاوه ایلوردی . لکن روسیه یه قارشى بر ضعف
ابرازندن منع نفس ایدە یورکی کورونیوردی . او ، شویولده
محاکمه ایدیوردی :

« نه ایچون بعض دولترلر ، روسیه یه حرب ایتسینلر ؟
غالب ومظفر اولورلر سه قیام ایدن یرلرده حاکمیت عثمانیه یی
یکیدن تأسیس ایدە یه جکلردر . او حالده روسلرک کوستردکلری .

صورت حلیه نك یرینه انتخاب ایدہ جكلری باشقہ بر صورت تسویہ اقامہ ایتلمری ایجاب ایلہ جك . ناصل بر صورت حلیہ قبول ایدیلہ جك ؟ اونك تطبیقی کیم درعہدہ ایدہ جك ؟ احتمال کہ روسیہ . ۱۸۵۶ پارس معاہدہ سنہ واضع امضا دول سائرہ نك موافقتی بوکون استحصالہ موفق اولامازسہ شو فکر ایلہ متسلی اولہ جقدر : المزدہ کی ایلہ اکتفا ایدلم : (Beati Possidentes) [*] .

بوندن آکلاشیلوردی کہ : آلمان باش وکیلی . روسیہ بی حقیقہ غائلہ دن قورتارمق نیتندہ ایدی . ہلہ بر آز صوکرہ غورچاقوفہ جمیلہ اولہرق علاقہ دار دولترہ برلیندہ برقونغرہ عقدینی تکلیف وظیفہ سنی اوزرینہ آلدینی زمان (۳ — ۴ مارت) آرتق خلوصنہ شبہ قلمادی .

لکن بیسمارق ، تام بواجتماع عظیمہ آوروپایی دعوت تشبندہ بولوندیغی صرمدہ روسیہ دولتی ، حکومت عثمانیہ ایلہ ایشنی بیتیرمک و آکا (ایغنائیف) ک قلمیلہ اک آغیر بر صلح قبول ایتدیرمک خصوصندہ استعجال کوستریوردی . فی الحقیقہ ۳ مارت ۱۸۷۸ تاریخندہ ایدی کہ استانبول قبولرندہ آیاستفانوس معاہدہ سی امضا ایدلمش ایدی .

[*] بولاتین دستوری ، (مختیاردر . مالک اولانر) معناسنہ درکہ بیسمارقدن صوکرہ سیاستدہ یکیدن مودہ اولمشدر . « بریر اوزرندہ برحق ادعا ایتک ایچون آنی اول باول فعلاً تصرف ایتش اولمیدر » معناسنہ قوللانیلور .

بومصالحه ناهه ، چارك احراز ايتديكى مظفرياتك بر تأييد
عنيف و بى انصافانه سى ايدى .

آياستفانوس معاهده سى ، اول باول . قره طاغك استقلالنى
اعلان وبوكوچوك دولتك اولكه سنى درت مثلنه ابلاغ ايله
اوكا آدرياتيك دكزنده ايكي ليمان تأمين ايدىيوردى .

صربستان ايله رومانيانك بعد ازين مستقل اولسنى تصريح
وبوامارتلردن برنجيسنك اولكه سنه نيش اراضيسنى ضم ايلديوردى .
بومعاهده نك الكوخيم جهتى ، بلغارستانك امارت مختاره
حاله وضعى ايدى . بوامارتك حدودى ، شرقده بحرسياه
وجنوبده آطه لر دكزى وغربده درينا نهري و آرناوودلق
طاغلرينه قدر ۱۶۳,۰۰۰ كيلو مترو مربعى مساحه سطحيه ي
حائز اوله رق امتداد ايدىيوردى . اول وجهله كه دولت عليه يه
قالان ۱۶۸,۰۰۰ كيلو مترو مربعى اراضى ، درت پارچه يه
منقسم اوليوردى .

بونلردن ايكي سى يعنى بر طرفدن استانبول و كليبولى
اراضيسى ايله ديكر طرفدن سلانيك ، كرك كندى يينلرنده
و كرك ممالك دولت عثمانيه نك اقسام سائر سى ايله آنجق دكزدن
اختلاط ومناسبتده بولونه بيله جكلردى . ديكر ايكي قسمى يعنى
بر طرفدن بوسنه هر سك ايله ديكر طرفدن تساليا و آرناوودلق
دخى يالكز صربستان و قره طاغك حاكم اولديغى داربر كچيد
ايله اختلاط ايدىيوردى .

تقریباً درت میلیون نفوسی بولسان بلغارستانك اهالی طرفندن منتخب ودولتلى طرفندن مصدق و باب عالییه تابع بر پرئسی اوله جقدی . امارت مذکورہ، کندی میللیس افرادی ایله محافظه ایدیله جقدی . لکن قانون اساسیمی ایکی سنه مدتله و صلاحیت کامله ایله ایالتی اداره ایدہ جك اولان بر روس قومیسرینك نظارتی آلتندہ sous la surveillance ترتیب و تنظیم اولنه جق و اومدتك ختامنه قدر بلغارستان . اللى بیك روس عسکری طرفندن اشغال ایدیله جقدی .

طونہنك بتون استحكاماتی هدم ایدیله جك و بونهرده سیرسفائن سربست قاله جقدی .

بوسنه و هرسك حقندہ استانبول قونفرانسی طرفندن لزوم کوستریلن اصلاحات ، روسیه و اوستریانك قونطرولی آلتندہ تطبیق واجرا ایدیله جقدی .

کریدده ۱۸۶۸ نظامنامه اساسیمی تطبیق ایدیله جك و دولت عثمانیهنك سائر روم ولایاتی ایچون روسیه ایله بالمشاوردہ نظامات مماثله یاپیله جق ایدی .

ارمنیبرله مسکون ولایات . چارك نظر صحابتی آلتندہ ، کندی سکون و سربستیسینی تأمینہ الویریشلی تأسیسات و نظاماته نائل اوله جقدی .

پادشاه . بر غفو عمومی اعلان ایدہ جقدی . آندن باشقه

(قطور) قصبه و اراضی سنک ایران ترکی حقننده چار طرفدن
کوستریلن آرزویی نظر دفته آله جقدی .

پادشاه ، چار آلکساندره قارشی ۱,۴۰۰,۰۰۰,۰۰۰ روبله
یعنی ۵,۶۰۰,۰۰۰,۰۰۰ فرانق و بعض ضرر دیده روس تبعه سنه
۱۰,۰۰۰,۰۰۰ روبله مدیون اولغی قبول ایدیوردی .


روس حکمداری ، بومباغدن ۱,۱۰۰,۰۰۰,۰۰۰ روبله سنی
تنزیه راضی اولیوردی . فقط بالمقابل اولاً — آسیاده باطوم ،
آردهان ، قارص ، آالشکرد ایله بایزیدی ؛ ثانیاً — آوروپاده
دوبریچهنک بر قسیمی اولان طولجی سنجاغنی آلیورایدی .

روسیه حکومتی ، رومانیایه قارشی وقوع بولان تعهداتنه
رغمأ ، آکا ، مبادله ۱۸۵۶ ده کندیسنندن آلتوب مؤخرأ
انه کچن بسارایا پارچه سنی آلمغه امارت مذکورده بی اجبار
ایدیوردی .

بو آلیش ویریشدن رومانیایه ، چوق ضررلی حقیقوردی .
روسیه ، رومانیادن زنکین ، منبت ، واهالیسی اصلاً (رومهن)
اراضی آلیور ویرینه مرزغی ، فقیر و تاتارلرله مسکون بر قطعه
ویرییوردی . آندن باشقه روسیه ، طونه نك باشلیجه منصبنه
صاحب اولیور ، آوروپا دخی برشی قازانیوردی .

روس تبعه سنک منافع مخصوصه سی تحت تأمیننه آله جق
ایدی . تورکیاده روس رهباننک و ایناروز کشیشلرینک حقوقی
دخی چار طرفدن تأمینات آلتنه آدیریلیوردی . طرفین

عاقدين آره-سندەكى تجارت معاھدەلىرى ابقا ايدىلىش ايدى .
بحر سفيده وسياھ بوغازلىرى ھرزمان سفائن تجاريەيە كشاده
بولونە جقدى . بعدە ، اشغال ايدىلىش اراضينك تھليه-سەنە .
اسرانك اعادە-سەنە ، تصديقنامە لرك مبادلە-سەنە متعلق احكام
معتادە كليوردى .



بر آوروپا اختلافك تقری — روسیه نك رجعت

سیاسیه سی

آلدانیله جق برشی یوقدی . آیاستفانوس معاهده سی ، تورکیانك خاتمہ حیاتی ایدی . لکن آوروپاده هیچ اولمازسه ایکی دولت واردی که بومعاهده نك اجراسنه مساعد بولونماغه قطعیا عزم ایتمش ایدیلر : بو ایکی دولت ، انکلتزه ایله آوستریا ایدی .

معافیله اول امرده یالکیز انکلتزه ایلری آتلغه قرار ویرمش کوروندی . حکومت مذکوره خارجیه نظارتی ، برقونفره آچیلما سی تکلیفنه ۱۳مارت ۱۸۷۸ تاریخنده ویردیکی جوابده : بواساسی ، آنجق اجتماع ایده جك هیئتك آیاستفانوس معاهده سنی هیئت مجموعہ سیله سربستجه تدقیق وحکم ایله مکة صلاحیتی حالنده قبول ایده بیله جکنی بیان ایدیوردی . درحال ، لوندره وپترسبورغ آره سنده پك میخوش بر مذاکره باشلادی . ایکی هفته قدر امتداد ایدن بومذاکرات نتیجه سنده

(۲۶ مارت) چار . بالخاصه روسيه ايله توركيابه تعلق ايدن
ماده لريني يعنى معاهده نك اك مهم ووخيم احكامنى قولغريه
عرض ايتمه مك عزم قضايسنى افهام ايتدى .

روش حاله نظراً بوحركت ، بر اعلان حربى دعوت ايتك
ايسته مك ايدى . ايكنجى آلكساندر ايله باش وكيلنه بويله بر
جسارت نرهدن كليوردى ؟

آوستريا ايله اويوشمق اميدندن !
آياستفانوس معاهده نك امضالانمسندن بر آز صوكره ،
جنرال ايغناثيه ف ، فرانسواوزوف و آندراش يى بعض مواعيد ايله
قانديرمق اوزره كندينى ويانه يه اعزام ايتديرمش ايدى .

ايغناثيه ف ، اونلر نه وعده ايدىوردى ؟
شبهه سز ، بوسنه — هر سكي . لكن آوستريا باش وكيلى ايله
حكمدارى دهافضله شيلر ايتيورلردى . فى الحقيقه اونلر ك مطالبى :
اولاً — بوسنه وهرسكك اشغالى .

ثانياً — بوممالكك بلغارستان كى فقط آوستريانك حاكميتى
آلتنده برامارت مختاره حالنه وضعى .

ثالثاً — آرناوودلق وماكدونيا ايله سلانيك حقنده ده
معامله ممانله اتخاذى .

رابعاً — استقلالى تصديق اولونان صربستان وقره طاغ
ايله حقيقتده بودولترى ويانه قايينه سنه ربط ايدمك معاهدات
عسكريه و تجاريه عقدى صلاحيتى .

خمساً --- اونلرله ويكى امارتلرله آوستريا منفعتنه بر نوع
(زولفرابن) تشكىلى . . . الخ

ايغناثيف . بوكى مدعياتدن اوركدى وبوتكليفاتك ،
آرامغه كلديكى اتفاقي بك بهالى صاتون آلمق ديمك اوله جغنى
بالتقدير رد ايتدى .

والحاصل ويانه مذاكراتى ، روسيه نك منفعتنه موافق جريان
ايمه مش ايدى . كيفيت درحال انكلتره خارجيه نظارتنك
معلومى اولدى .

مارت نهايتنه طوغرى انكلتره قاينه سنك پترسبورغ
قاينه سنه قارشى اخذ ايتمش اولديغى طورتهديد ، آنجق بو حال
ايله توضح ايدر .

بيقونسفيلد ، آوستريا مجارستانك معاونتندن محروم
اولمايه جغنه امين اولمغله برابر ديكر طرفدن ده آرتق فرانسه نك
مظاهرت معنويه سنه استناد ايديه بيله جكنى ظن ايديوردى .

۱۸۷۷ سنه سى غايه سنده فرانسه ده بريوك تبدل سىاسى
revirement politique حصوله كلش ايدى . (دوق دوقاز) ،
نظارتدن سقوط ايتمش ويرينه انكلتره ميه محبتيله معروف اولان
(وادينغتون) كچمش ايدى .

(سن جيمس) قاينه سى [*] آرتق سنى يوكسليمكدن

[*] انكلتره

وحتى فعلیاتہ کیریشمکن قورقماوردی . دائما جساترسز بولنان
لورد (دہربی) استعفا سنی ویردی . بیقونسفیلد ، اونک مقامندن
انفکاکنہ مساعد بولوندی (۲۸ مارت) و بیوک آطہ اوکنده
لنکر انداز اولان فیلوی تقویہ ایلہ مالطہ وحتى هنددہ کی عسا کرک
تورکیاہ نقلی ضمننده اوامر اصدار ایتدی . و ۱ نیسان ۱۸۷۸
دہ خارجیہ ناظر جدیدی لورد (سالیسبوری) واسطہ سیلہ
پک سرت بر نوطہ ویردرک بونده آیاستفانوس معاهدہ سنک ،
قرہ دکزی روسیہ نک نفوذ مطلق آلتنہ وضع ایتکده ودولت
علیہ یه پک اہمیتسز ، چوروک بر استقلال برافقده اولدیننی و بناء
علیہ عہد مذکورک انکلتزہ منافع مشروعه سیلہ قابل تالیف
اولمادیغنی تعذیر کارانہ اخطار ایدیوردی .

روسیہ حکومتی ، بویلہ بر میدان اوقویشہ قارشنی نہ یاپہ جتقدی ؟
روسلرک حال و موقعی صورت مخصوصہ دہ مشکل ایدی .
روسیہ ، بتون موجودیت عسکریہ سنی عمیق صورتلہ صارصان
وخیلی زمان ایچون موازنہ مالیہ سنی اخلاص ایدن بر حربک
فرداسندہ کندیننی ، انکلتزہ و آوستریا کی برنجی صنفدن ایکی
دولت معظمہ یه قارشنی دیگر بر حربک احتمال قریب ظہوری
قارشیسندہ بولویوردی .

روسلرک نہ — مساعی جمیلہ سی لوندرہ قاینہ سنہ مؤمن
اولان — فرانسه دوستلغہ ونہ دہ آرن اوودلقده بعض حقوقہ
نائلیت آرزوی مہمی ایلہ ویانہ قاینہ سنہ یاقلاشمق احتیاجنی

حس ایدن ایتالیا دوستلغنه استناد ایدہ بیلیمی ممکن دکلدی .
 بر آلمانیا قالیوردی . روسیہ دولتی ، وقتینہ آلمانیا
 ترقی واعتلاسی تسہیل ایتیش اولدیغندن آنک کنديسنہ منقدار
 اولسی لازم کله جکنی تصور ایدیوردی . آلمانیا (صادووا)
 محاربہ سنی پلاموانع حسن نتیجہ ایشاک ایدہ بیلیمش اولسی .
 روسیہ نك بی طرفانہ خیرخواہلغی سایہ سنده ایدی . کذلک
 ۱۸۷۰ دە فرانسیہ قارشى احراز ایتدیکی مظفریتده بالخاصہ
 چارک اوصردہ تہدیداتیلہ آوستریایی معطل طوتمش اولسنک
 دخل کلیسی واردی .

عجبا آلمانیا حکومتی ، روسیہ یه مقابلہ بالمشدہ بولونہ جقمی
 ایدی ؟ شوراسی شہسزایدی کہ انکلترة حکومتی ، آوستریانک
 معاونت فعلیہ سنی تأمین ایتکمیزین حربہ کیریشمیہ جک
 وفرانسوا ژوزف ایسہ ، سکز سنہ اول ، ایکنجی آلکساندرک
 کنديسنہ قارشى قوللانیدیغی لسان تہدیددی . شمدی برنجی
 گیوم قوللانیلیرسہ یرندن قیملدا یه میہ جق ایدی . بناءً علیہ
 آوروپانک صالح ومسالمتی ، روسیہ نك استقبالی بودقیقہ دە
 یسمارقک آئندہ ایدی . انسان ، آنجق تجربہ ایلہ حقیقی
 دوستلرینی آکلار . چاروباش وکیلی ، بوتجربہ یه تشبث ایتدی .
 فقط بوندن کنديلیری ایچون پک آجی ودرین بر انکسار امید
 حاصل اولدی .

آلمانیا حکومتی ، پترسبورغدن کلان مراجعات ودعواتہ

قارشى قولاغنى طيقادى . بوصورتله برلين قاينىسى ، ياقاسنى قورتاردى . او ، دائىما فرانسيه قارشى طورمىق ، آنى نظارت آلتىدە بولۇندورمىق احتىياجىدە ايدى . بوايش . بتون قواسنى اشغاله كافى ايدى .

اساساً آلمانىا حكومتى . برچوق جەتدىن كىندىسە خىلى فنالغى طوقونە بىلمىسى ملحوظ اولان آوستىا ايله بوزوشمىغى ھىچ بروجھالە آرزو ايدەمزدى .

بناءً عليه ، ھىچ برتەھدە بولۇنمىق ايسىتەمدى . بو حال ايسە روسىيەنى ، انكلىزەنىڭ دعوت مبارزەسىنى قبول ايله مەكەن منع ايدىوردى .

ايشە بومەاملە ، پىرسبورغ سىياسىونىلەر روس مەلىكىنىڭ آلمانىا ھالا عفو ايتىدىكى وشبەسىزكە خىلى زمان دىھا عفو ايدەمىجەكى براھانت عظمىە ايدى . زىرا اووقىدىن برى برلين قونفرەسندە ھەرنە اولدى ايسە بومىتروكىت وھزىمىت سىياسىەنىڭ نىجەسى ايدى . نىسان اوائلندە بىسماق ، روس باش وكىلنە روسىەنىڭ سىياسىتە مظاهرت ايتىمكە آلمانىانك نىتى اولمادىغى افھام ايتدى . ھىچ اولمازسە بوندن روسىيەنى دىھا اول خېردار ايتىمك و آنك مارتدە ، بى سود اطوار طفرە فروشانە ايله اورتەيە آتلىسەمىدان وىرمەك دىھا انصافكارانە اولوردى . فقط بىسماق ، آوروپايە قارشى ، ۱۸۷۵ دە كىندىسەنە مىدان او قور كى كورىن غورچاقوفك بروتنى قىرمقدن ناخشىنود اولمازدى . اوندن باشقە

بر طرفدن روسیه ، دیگر طرفدن آوستریا وانکلتره آره سنده
بر اختلاف مسلح حصوله پکده ممنون اولمازدکادی . فی الحقیقه
بو اوچ دولتک بر برینی پاره لادیغنی ، زبونلاشدیغنی کورمک
کندیسی ایچون پک خوش اوله جقدی .

[*] (Suave mari magno !)

اوندن معدا آلمانیا بتون قواسنی ، بتون دقت واعتناسنی
کندینه حصر ایدهرک هرج و مرج عمومیدن استفاده ایده بیله جک ،
بولانیق صوده اولایه جق ومثلاً فلمنکه اطاله دست ایدهرک
مکملاً توسع ایلیه جک وفلمنکک بوصورتله ضمیمه ایدلمسنی
منعه انکلتره مک حال وقدرتی اولامایه جق ایدی .

بعده ، محاربیر ایجه بی تاب قالدقلری زمان او ، هیچ
دوقونولماش قواسیه ایشه کیریشه جک و آنلره کندی آرزوسنه
کوره بر صلح قبول ایتدیره رک هر زماندن زیاده آوروپانک حاکم
وحکمی اوله جقدی .

[*] (لوقرئس) ک بر منظومه سنک باشلانغیجی اولان بولاتین
جمله ، « لطیفدر واسع دکر اوزرنده » دیمکدرکه معنای
تامی شودر :

« واسع دکر اوزرنده ، روز کارل دالغه لری قالدیردینی وقت باشقلرینک
معروض اولدقلری مدهش تهلک لری قره دن تماشایتمک خوش اولور . »
بوکلملر ، انصافک دیکر لرینک معروض بولندینی تهلک لردن یالذات مصون
اولمقدن طولانی حس ایتیبکی حظی کوسترمک ایچون استعمال اولونورکه
بوراده دخی انک معنیدار مواضعندن برنده قوللانلمشدر .

بومقاصدی کتم واخفا ایچون مصروف مساعییه رغما انکلتزه قاینه سی، تصورات مبحوئه بی تفرس ایتش ایدی. آلمانیا نك بی طرفلغنی، فلمنك کبی مفرط، غالی بر بدل ایله تأدییه ایتك، انکلیزلرك ایشنه کیوردی. دیگر طرفدن آوستریا دخی آلمانیا نك دهاقوتلی اولسنی کورمك آرزو ایتیوردی.

روسیه یه کلمجه: بر آرهلق کنديسنك اضمحلال اقتصادی وسیاسیسی انتاج ایده بيلمك استعدادینی کوسترن وقوعات نتیجه سنده آلمانیا نك قوت بولمش اولسی کنديسنه کوچ کیوردی. اوزمان، یالحاصه لوندره وپترسبورغ ده جریان ایدن مطالعات وملاحظاتدن شونتیجه حاصل اولدی که روس وبریتانیا قاینه لری مناسباتنده کی گرگینك، برقچ کون ایچنده زائل اولدی.

غورچاقوف. اول امرده، انکلتزه خارجییه ناظرینه ۷ نیسان ۱۸۷۸ تاریخیه برنوطه تبلیغ ایتدی. بونده بر آرز اول لورد سالسبوری طرفدن ویریلن نوطه ده سرد ایدیلن دلایلی آنك علینه چویرمکله برابر انکلتزه حکومتك — کندی فکر ونقطه نظرینه کوره — آیاستفانوس معاهده سنده اجراسنه لزوم کوردیکی باشلیجه تعدیلاتی استفسار ایدیوردی. بیقونسفیلد، بدایتده بونقطه حقنده اول بأول انکلتزه، آلمانیا، آوستریا، فرانسه، ایتالیا وتورکیا آره سنده برائتلاف تأسیس ایتك ایستیور کبی کوروندی.

لکن وقت دار اولدینی کبی چارك بر حرکت جرأتکارانه

Coup de tête سندن دە قورقولىنى ويىسمار ك مظلۇم روزەلى، كىت كىدە دىھاندىشە آور بر حالە كلىدىكى جەتەلە نىھایت، وقوع بولان سؤالە منفرد آجواب وىرە بىلە جكنى افهام واعلام ايتدى. پترسبورغدە پك متنفذ و حربە خلافيكر بر ديپلومات اولان روسيەنك لوندرە سفىرى قونت (شووالوف) ، ملايتلە ، انكلترە يى ، شرايطنى درميان ايتمەكە سوق ايلدى .

بمدە بو شرايطى كىندى حكمدارينە قبول ايتدير مك اوزرە ۷ مائس ۱۸۷۸ دە لوندرە دن عزيمت ايلدى. بر ليندن ايكي دفعە كچەرك بو شرايطى، آلمان باش و كىلنەدە تصويب ايتدر دكن صوكرە ۳۰ مائس دە لوندرە يە عودتلە اورادە انكلترە طرفندىن طلب و روسيە طرفندىن موافقت اولونان فداكارلىقلار ك مقدارينى حاوى اولق اوزرە لورد ساليسيورى ايلە خفى بر مە موراندوم امضالادى . بو فداكارلىقلار ، پك عظيم ايدى و چار ايلە باش و كىلنك عزت نفسنە پك كران كلش ايدى .

انكلترە، قونغرەدە حاضر بولونمغە راضى اولويوردى . فقط اول باول — لك زيادە يوركنە درد اولان بلغارستان مسئلەسى ايچون — شوجهت قرارلاشديرلمش ايدى كە : بلغارستان امارتى ثلثان درجە سندن كوچولە جك و آطە لرد كىزندن اوزاقلاشدير يلە جق، بالقانلر حدودينە ارجاع ايدىلە جكدى . بو ايانك بر قسم مەمى، يعنى ضرب طرفى تكرر پادشاهك طوغرىدن طوغرى يە حكىمى آلتە قونە جق و متباقيسى يعنى بالقانلر ك جنوبندە كائن اولان

قسمی ، آوروپانك موافقتیه بش ویا اون سنه ایچون تعین ایدلمش برخرستیان والی ایله واسع برمختاریت ادارهیه مالک اوله جق ، عساكر عثمانیه نك اورایه قبول ایدیلوب ایدلمه مسی مسئلهسی ، قونغروده مناقشه ایدیله بیله جك ایدی .

ارمنیلرله مسكون ولایاته عائد تعهدات ، روسیهیه قارشى اولدینی کبی انكلترهیه قارشى دخى واقع اوله جقدی . روملرله مسكون ولایاتك تشکیلاتی، بتون دول معظمهیه عرض ایدیله جكدی . بونلردن باشقه عندالحساب دولت علیه نك روسیهیه اولان تضمینات حربیه بورجندن ۳۰۰,۰۰۰,۰۰۰ روبله ، ترك اراضیه تحویل ایدیله جك وروسیه نك آله جنى دها خیلی زمان اولندن بری تورکیانك داینی اولان انكلتره نك حقوقه ایراث ضرر ایدمهیه جك وروسیه مطوباتنك مقداری، موقع بحث وتذکره وضع اولنه جقدی .

آسیاده روسیه ، قطور ناحیه سنك ایرانه ترکی مقابلنده (بایزید) شهرندن و آالشکرد وادیسندن وازکچور و آرتق ممالک عثمانیه جهتمنده توسیع حدود ائمه جکنی وعد ایلیوردی . بالمقابل ، انكلتره ، بسارابیانك چاره ترکی تصویب ائمه مکله برابر بونی بر سبب حرب casus belli عد ایدیله میه جکنی بیان ایلیوردی .

بوندن ماعدا ، لورد سالیسبورى . آیری برنوطه ایله اولاً — بلغارستانك تشکیلی آوروپانك نظر تصویبیه عرض ائتمك

لزومی ، ثانیاً — روس اشغالنك امتدادی ، ثالثاً — ایالت جنوبیه ویریله جك نام ، رابعاً ، — طونه اوزرنده سیرسفان سامساً — بوغازلر مسئله سی (که بوبابده روسیه ، کندی پاینه استاتوقویه راضی اولیوردی) ، سادساً — آیناروزك روس تابعیتده اولمایان کشیشلرینك حمایه سنك آوروپیه تودیمی لزومی حقنده قیود احتیاطیه سنی بیان ایدیوردی .

بوندن آکلاشیلور که ۳۰ مایس ۱۸۷۸ ائتلافی . آیاستفانوس معاهده سی ایله بخش وتأمین اولونان فوایدی یاریدن زیاده تمزیل وتقیص ایله یوردی .

مع مافیه وهله اولاده انکلتره نك ناصل اولوبده فضله فدا کارلق ایسته مدیکنه شاشیله جق درجه ده اهمیتلی منافع وفوائد باقی قالیوردی .

مثلا بسارابیا ایله طونه منصبی حقنده انکلتره نك بو قدر مؤتلف و اوپوشغان اولمی نهدن ایلری کلبوردی ؟ انکلتره باطومی و چار طرفندن آسیای عثمانی ولایات شرقیه سنده اکتساب ایدیلن اراضی بی ، ناصل اولیورده بو قدر اوجوز ابدال ایدیوردی ؟

و سرائر ، برقاچ هفته سوکره توضیح ایتدی . بیقونسفیلد ایله س ایسبوری ، تام شو والوف ایله مذاکراتده بولونقلری ائنده روسیه ك خبر و معلوماتی ارقلمیزین ، انکلتره یه . شرقده روسلر ك

مستفيد قالدينى منافعہ معادل فوائد تامين ايتمکه چاليشيورلرايدى .
 بونلر ، خسته آدمى l'homme malade ، غالوايزمه ايتك
 وشفاياب ايله مك تماماً محال اولديغنى — كندى كنديلرينه —
 تصديق ايتمكه برابر خاص دوستى انكلتره مك تركه دن اى بر
 حصه قوپارمىنى آرزو ايدىيورلردى .

بو حصه ، هانكيسى اوله جقدى ؟ اكر صاحب و حاكم
 اولسهر ، مصرى آله جتقردى . لکن شمديكى حالده فرانسه
 بوكا مساعده ايتمزدى .

موسيو (وادينغون) — انكليزله محبتى نه درجه ده
 اولورسه اولسون — مملكتك منافعنى انكلتره حكومتنه فدا ايدى .
 بيلير بر آدم دكلدى .

او ، فرانسه مك قونغرهيه شرائط آتیه ايله كیده جكنى
 تبليغ ايتمش ايدى .

اولا — پارس ولوندره مهادله رينى امضا ايدن دولترك
 كافه سى قونغرهيه اشتراك ايدى جك .

ثانياً — اوراده يالكز صوك حربك توليد ايتديكى مسائن
 موضوع بحث اوله جق .

ثالثاً — قونغرهده نه مصر ، ونه ده سوریه دن بحث
 ايدليه جك و فرانسه مك مقامات مبارکه اوزرنده كى حقوقى
 مناقشه ايدليه جك .

بو قيود و شروط ، بتون دول سائر طرفدن قبول

ایدلمش اولدیغندن انکلتره، کندی باشنه بونلری رد ایدمه مش ایدی . بالمقابله ، آوستریا — مجارستان ایله فائده لی بر ائتلاف عقد ایتک آرزو ایدردی .

بناءً علیه آوستریایه دولت عثمانیه اوزرنده مشترکاً بر حمایه یعنی حاکمیت بالواسطه domination indirecte تأسیس ایتکی تکلیف ایتش ایدی . انکلتره ، آناتولی ولایاتنک حمایه سیله مکلف اوله جق ، اروپا جهتنک حمایه سنی ویانه قابینه سنه براقه جق ایدی .

لکن فرانسواوزوف ایله آندراشی، روسیه ایله بر اختلاف محققه معروض اولق ایسته مدکلرندن بو تدبیری قبول ایتمه جسارت ایدمه دیلر .

ایشته اوزمان بیقونسفیلد ، اسرار انکیز بر صورتده تکرار تورکیایه توجه ایدهرک اوکا مظفر ، متهور ، تهدیدکار روسیه قارشیسنده بر معاهده ایله مؤمن بر استناد کاهک ، بر قوه الظهرک لزومنی کوستردی .

انکلتره بومعاونت وقوه الظهری باب عالی یه وعد ایتمه مهیا ایدی . بونی بعض فدا کاراقلرله قبول ایتک موافقدی . بو فدا کاراقلر صوکنجی ایدی . (انکلتره بونک بویله اولمادیغنی بیلیوردی . فقط بویله ایناندر مقده منفعتدار اولدیغندن هب بیلدیکنی سویلیه مزدی .)

ایشته بو صورتله حکومت عثمانیه ۴ حزیران ۱۸۷۸

تاریخنده غریب بر معاهده عقدینه مجبور اولدی . بو معاهده موجبنه تورکیا ، آناطولی ملککنک عندالحاجه مدافه سی ، وظیفه سی انکلتره یه تحمیل ایدیور و بو ولایتلرک اداره سی آنک راینه کوره اصلاح ایتمکی وعد ایلور . و آناطولی ، سوریه ، مصر سواحله حاکم اولان قبریس موقع مهم بحریرسی انکلتره نك اشغال ایتمسه مساعده ایدیوردی .

اگر بویله بر مقاوله کمال صدق له تطبیق واجرا ایدمک لازم کلسه یدی ، بو ، بیقونسفیلد طرفدن بر اوسته لق coup de maitre ، بر مهارت استادانه اوله جقدی . انکلتره ، بو صورته بتون جهان قارشی روسیه یی نظارت آلتنده طوته جق و پادشاهی رسماً تصاحب ایله مکله هندک اهالی اسلامیه سی نظرنده کی نفوذ و حیثیتی دوبالا ایله جک ایدی . هند اهالی اسلامیه سی ، الی میلیون کشیک بر کتله تشکیل ایدر . دنیاده هیچ بر حکومت یوقدرکه حکمی آلتنده انکلتره قدر کلیتی تبعه مسلمیه مالک اولسون .

۴ حزیران معاهده سنک خفی اولدیغنی سویله مش ایدک . بو مخفیت ، بالخاصه روسیه یه قارشی ایدی . لکن معاهده نامه ایله آنی انتاج ایدن مذاکرات ، شهسز موسیو بیسمارکک نظر نافذدن قاچامش ایدی . انکلتره حکومتک روسیه ایله یکی اختلافه حاضر لانسلی ، بیسمارکک ایشنه پک الویریوردی .

لكن ممالك عثمانیهك فك اقسامنده آوستریا - مجارستان
حکومتنك پاینده برشی دوشمه مسنی قبول ایده مزدی .

آوستریانك آلمانیایی اوغراشدیرمغی خاطر وخیالنه کتیره
مه مسی ایچون اونك حرصنی شرقه طوغری چویرمك واونی
بردرجهیه قدر خشنود ایتك لازم کلیوردی .

اوندن باشقه آوستریا ، بالقان استقامتمنده نه قدر زیاده
ایلرلرسه روسیه ایله ائتلاف ایتیمی ده او قدر مشکلات پیدا
ایده جگندن آلمانیا ، بوندن مکملأ مستفید اوله رق بو ایکی
ایمپراطورلقدن برینك تأثیرینی دیکریله ازاله ایتمکده دوام
ایلیه جك ایدی .


الحاصل دمیر شانسلیه *chancelier de fer* [*] روسیهك
طونه وبلغارستانده نائل اولدینغی وانکلتره حکومتنك مستفید
اولق اوزره بولوندینغی منافعه مقابل یعنی عوض اوله رق سلانیک
وآطه لر دکزینك طریق کبیری اولان بوسنه وهرسکی ده -
هیچ اولمازسه - آوستریانك اشغال ایتیمنی ایستیوردی . حتی
انکلترهك تکلیفاتی ، آلمانیانك قبول ایتیمنی بونکله مشروط
قیلمش ایدی .

ویانه قاینه سنك بوتلافی مافاتی ، بو عوضی طلب ایده جکی
وانکلترهك بو خصوصده الدن کلدیکی قدر آوستریایه معاونت
ایلیه جکی ، آرتق غائب ایدیله جك برشی قالمادیغنی ظن ایتمکده

(*) بیسمارکك لقبی .

اولان باب عالينك خبرى اولقسزىن واسرار انكىز بر صورتله
قرارلاشديرلدى .

بتون بوسايس متقدمهك ، اتريقهلرك ايضاحندن
مستبان اولدىنى وجهله هرپازارلق اولمش يتمش كى اولديغندن
قونغروده ياپيلاهچق بيوك بر ايش قالمامش ايدى . بونكله برابر
مذاكرات ، اولدجه شدتلى وحرارتلى جريان ايتدى . اوراده
بك آجى اتهامات وقوعه ككهسى وبعض اسرارك ميدانه
چيقمسندن مختلف طرفلرده شديد بعض علائم ناخشنودى
كورولمهسى خيلى مشكل ايدى .



قونفره

(حزیران — تموز ۱۸۷۸)

دعوتنامه لر ، ۳ حزیران ۱۸۷۸ ده پرنس بیسمارق
 طرفندن رسماً علاقه دار دولتره ارسال قیلنمش ایدی. قونفره
 حزیرانک اون اوچنجی کونی برلینده اجتماع ایتدی ودها
 اول قرارلاشدیرلش اولدینی وجهله آلمانیا باش وکیلی درحال
 رئیس انتخاب ایدلدی . قونفرده هر دولنک وکیللری آتیده کی
 جدوله کوستریلن ذوات[*] ایدی :

آلمانیا ایچون :

پرنس بیسمارق
 بارون دو ودرتهر
 پرنس دو هوهنلووه

آوستریا ایچون :

قونت آندراشی
 قونت دو قارولی
 بارون دوهایمرله

انگلتره ایچون :

قونت دوینقونسفیلد
مارکی دوساليسبورى
لورد اودوروسهل

ایتالیا ایچون :

قونت قورتی
قونت لونهی

فرانسه ایچون :

موسیو وادینغتون
قونت دوسن والپه
موسیو دهپره

تورکیا ایچون :

آلساندر قره طودورى پاشا
سمدالله بك
محمد على پاشا

روسیه ایچون :

پرنس غورچاقوف
قونت شووالوف
بارون دوبریل

قسم اعظمی ، پك يوكسك بر لياقت اصحابندن اولان ديپلوماتلر بولارلاق اجتماعاتی ، هنوز آچيلمش ایدی که انکلتزه غریب بر خشونت ایله روسیهیه قارشى مخصوصه یاشلادی. مناقشه اولونه جق: شرائط ومواددن اك مهم و آغیری بلغارستان مسئلهسی ایدی . بيسمارك تملکینی اوزرینه اك اول بومسئله نك حلی تقرر ایلدی .

۱۷ حزیران ۱۸۷۸ ده انکلیز مرخصلری ، مذاکراته قبول ایدلک آرزوسنده بولونان یونان مرخصلرینك قونغرهیه ادخالنی طلب ایتدیلر. روسیه نك بویوتمك ایسته مدیکي بوجوچوك دولت دخی ممالك عثمانیه دن حصه سنی ایستیوردی .

یونان حکومتی ، آپیر وتسالیا قطعه لرینی طلب ایتدکدن ماعدا آياستفانوس معاهده سنك بلغارستانه علاوه ایلدیکی ما کدونیا یی ميايه امید ایدیوردی .

بیقونسفیلد ، او ائاده یونانیلر ایچون بیوک بر غیرت اظهار ایلوردی. بوغیرتی ، یونانیلرک مقدراتنه شدتله علاقه دار اولدیغندن دکل ایدی . نته کیم نتیجه ده بونی کوسترمشدر . بلکه اونلری روسیه نك التزام وتصاحب ایتدیکی اسلاولره قارشى قویق ، بیقونسفیلده او زمان ایچون بر طرز جدل de bonne guerre ایدی .

ایکنجی آلکساندرک مرخصلری عظیم بر غائله ایچنده قالدیلر. بیقونسفیلد ، مستهزی بر طور جمعیت ایله ذات شاهانه نك بتون

خرستیان تبعه‌سی حقنده چارك مسلم عالم ، وهردرلو غرض
وعوضده عاری اولان حسیات مروتکارانه‌سنه (؟) مراجعت
واستناد ایدیوردی . بوالزام منطقیه دیه‌جك یوقدی .

مادام‌که چار تبعه عیسویه عثمانیه‌نك محافظه حقوقی مقصد
یکانه‌سیله بومحاربه مشئومه‌یی آچمش اولدیغنی ادعا ایدیوردی .
روملرده خرستیان دكلی ایدی ؟ اونر لهنده واقع اولان تکلیفی
قبوله روسیه‌نك تمایل کوسترمه‌سنه بر سبب ظاهری قنایور
ایدی . حالبوکه ایشك ایچ یوزی بویه دکلدی . روسیه‌نك
تبعه خرستیانیه عثمانیه‌یی تصاحبه قالششمسی بر وسیله ایدی .

قونغروده غورچاقوف ، یونان مرخصلرینك قبولی ایچون
انکلتزه طرفندن واقع اولان تکلیفه ، بلاقید و شرط مخالفت
ایتمك ایستردی . فقط بوکا جسارت ایده‌مزدی .

یونانیلره قارشى پك زیاده فکر خیرخواهی بسله‌مکله برابر
روسیه‌یی صوك درجه‌یه قدر اغضاب ایتمك ایسته‌مین فرانسیز
مرخصلرینك دخل نفوذی سایه‌سنده یونان مرخصلرینك
مطالعات و تمنیاتی ، روملره مسکون بتون عثمانی ولایتلرینك
دکل ، آنجق دولت یونانیه متصل و متجاور adjacent
ولایتلرک یعنی ایبر و تسالیانك مقدراتنه عائد اولمق شرطینه
قونغرديه عرض ایتملرینه مساعده اولونمسی تقرر ایتدی (۱۹
حزیران ۱۸۷۸) .

بعده بلغار مسئله‌سی حقنده‌کی مذاکرات و مناقشات .

درت اوزون جلسه اشغال ایتدی (۲۲ — ۲۶ حزیران) .
 بو ، بر طرفدن روسیه مرخصلری ایله دیگر طرفدن انکلتزه
 و آوستریا مرخصلری آردسند حقیقی بر میدان محاربه سی
 bataille rangée ایدی .

نهایت الامر ، انکلیز و آوستریا مرخصلری ، هان بتون نقاط
 اوزرنده احرازظفر ایلدیلر . امارت جدیده نك بالقانلرله محدود
 اوله جنفی ویا لکیز غرب طرفده طاغلرک جنوبنده بر مقدار
 اراضی ایله صوفیه نك کندیسنه بر اقیاه جنفی قطعاً تقرر ایتدی .
 بو صورتله بلغارستانک ، مساحت سطحیه سی ۱۶۳،۰۰۰
 کیلومتره مربعدن اینه اینه ۶۴۰۰۰ کیلومتره مربعی اراضی به
 ونفوسی درت میلیوندن بر بچق میلیونه تزل ایدیوردی .
 کذا بو وجهله آطه لر دکزی ساحلی روسیه نك حاکمیت
 بالواسطه سندز قور تولیور ، ودولت عثمانیه ، آیاستفانوس معاهده سیاه
 محکوم اولدینی انقسام مشئومدن قسماً مبرا قلیوردی .

موسقوف اشغالی ، ایکی سنه یرینه آنجق طقوز آی
 امتداد ایده بیله جکدی . قونغره ، بلغارستانک تشکیلاتنک
 منحصرأ بر روس قومیسرک نظارتی آلتنده دکل ، بر آوروپا
 قومیسوننک نظارتی تحتنده اجرا ایدلمسینه قرار ویردی .
 بالقانلرک جنوبنده و ما کدونیا ایله ادرنه سنجاغی آره سند
 مرکزی فلبه اولمق و کنیش بر مختاریت اداره دن مستفید بولونمق

اوزره برابالت تشکیل ایدلدی . بواراضی ، روم ایلی شرقی Roumélie orientale عنوانی آلیوردی . اورایه جنوبی بلغارستان Bulgarie méridionale تسمیه سی موافق کوروله دی . فقط بوتدیر ، بالقانک شمالی ایله جنوبنک بربرینه آل اوزاتوب اتحاد ایتملرینی منع ایده مدی .

عساگر منتظه عثمانیه ، مملکت داخلنده اقامته حقلری اولقمیزین مملکتک حدودلرینی اشغال ومدافعه ایده بیله جکلردی . ۲۸ حزیرانده بوسنه هر سک مسئله سنک مناقشه سنه صره کلدیکی زمان ، آندراشی ، اوزون بر لایحه اوقودی . آندراشینک فکر نجه ، تورکیانک بو ایالتلرده صلح ومسالمتی تأمین ایده میه جکی وحرکات واغتشاشاتیه آوستریا — مجارستان ایمراطورلغنک آسایش ومنافعنی اخلال ایتمی حسیله بو ولایتلرک اصلاح مقدراتنه چالیشمق لزومی مبرم بولدیغی بو لایحه دن استنباط ایدیلیوردی . درحال لوردسالیسبوری ، فرط نشئه وممنونیت ایله بو ایالتلرده تأمین سکون وبالقان شبه جزیره سنده تأسیس موازنت ایچون بوسنه هر سکک ، فرانسوا ژوزف عساگری طرفدن اشغال ایدلمی ایجاب ایده جکنی ایضاح ایتدی .

بویله بر تکلیف وقوعنی ملحوظ عد ایتمکده اولان غور-چاقوف ، صومورتقان بر بطور ایله قبول ایتدی . فی الواقع ، ظالم بر بهت وحیرت ایچنده قلمش اولان ترکلر ، رفع آواز اعراض ایتدیلر . بیسمارق ، اولره قونفره نك موضوع

وغایه سی تورکیانک منفعت خصوصیه سی دکل، اورویانک منفعت
عمومیه سی اولدیغنی ونهایت الامر ما کدونیا وروم ایلی کندیسنه
اعاده ایدلایکندن پادشاهک شکایته حتی اولمادیغنی درستانه اخطار
ایتدی. عثمانلی مرخصلری، کندیلرینک بو باده صلاحیتلری
اوندیغنی بیان ایتدیلر.

لکن کندیلرینه مخالفتلرینه اهمیت ویرلمیوب اوتیه کچیه جکی
افهام ایدلای. بر قاج کون صوکره مذکور مرخصلر، بیهوده
یره مقاومتدن واز کچدیلر. الحاصل بر مدت غیر معینه ایچون
آوستریانک، بعدازین آنجق بر صورت اعتباریه ده ممالک عثمانیه
اقسامندن بولنه حق اولان بوسنه وهرسکی اشغال واداره ایده -
بیله جکی تقرر ایتدی. آوستریا استقامتنه طوغری ایلروده بولنان
یکی بازار سنجاغنده دخی مناسب کوردیکی تقدیرده آوستریانک
عسکر اقامه ایتمک صلاحیتی بخش اولوندی.

قونغرهنک بوندن صوکره کی جلسه لری، صربستان وقره
طاغه تخصیص ایدلای. بو دولترک استقلاللی تصدیق اولوندی.
یالکز قره طاغه وعدا وئان و آوستریایی تلاش واندیشه یه دوشورن
اراضی ترکیاتی نلکان راده سنده تنزیل ایدلای. قره طاغ حدودی
(لیم) ه منتهی اوله حق قدر (طارا) ایله تحدید ایدیلور،
و حکومت مذکوره (بویانه) دن اوزاقلاشدیریلور.
قره طاغدن (اسیچا) آلته رق آوستریایه ویریلور، و کندیسنه
لیمان اوله رق یالکز (آنتی واری) قالیوردی. الحاصل حکومت

مذکورہ نك مساحت سطحیہ سی ۱۵۰۰۰ دن ۸۰۰۰۰ کیلومترہ مربعہ تنزل ایدیوردی .

صربستانہ کلنجہ ، آیاستفانوس معاہدہ سی ایلہ کنڈیسنہ تآمین ایدیلن اراضی جدیدہ نك مهم برقسی ، شرق طرفندن ویریلیور یعنی صربستانك ، بوسنہ ہرسك ضررینہ دكل بلغارستان ضررینہ توسع ایتسی قبول ایدیلیور ، صربستان یکی بازارك برقسمنہ بدل (پروت) و (درانیا) بی آلفہ مجبور ایدیلیوردی کہ بودہ آوستریا ایچون یکی بر منفعت ، روسیہ ایچون یکی بر ضرر ایدی .

عینی زماندہ ، قونفرہ ، یونان حکومتك تمنیاتی کنڈیسنہ بیایدیرمك اوزرہ یونان مرخصلرینی قبول ایدیوردی . بودیلو- ماتلر ، یعنی موسیو (دلیانی) ، ایلہ (رانغابہ) ، مدعیاتلرینك مفرطلکی ایلہ دوستلرینك غیرتی بر آرز صوغوتدیلر ، اونلر آرناووودلق ، اپیر ، تسالیا وکریدی ایستیور ، دھا آزینہ راضی اولامایورلردی . (۲۹ حزیران) .

الکزیادہ ایستدیکنی استحصال ایتش اولان و آرتق یونانیلرہ احتیاجی قالمایان انکلترہ ، آنلری آنجق بیوک بر رخاوتلہ التزام ایتدی . روسیہ ایسہ یونانیلرہ معاونتدن چوق اوزاق ایدی . آنلری قوتلہ التزام و تصاحب ایدن دولت ، دائما یونان مناسبتنہ بیوک بر قیمت عطا ایدن فرانسه ایدی .

(۵ تموز) ده موسیو (وادینگتون) ك تكلیفی اوزرینه دركه تمیات مبسوطه ، بر درجهیه قدر نظر دقته آلدی .

قونفره یونانیلره برشی ویرمه دی . لکن طلب ایتدکلی تصحیح حدود ایچون (قالاماس) و (سالامیریا) نهرلی جریانك تشکیل ایتدیکی خطی اساس اتخاذایده رك باب عالی ایله طوغریدن طوغرییه مذاکره ایتلمی لازم کله جکنی واکر آنکله ائتلاف ایده مزلسه دول معظمهك متوسط صفتیه طرفینك آرهسنی بوله جقلمی بیان ایلدی .

کریده کلنجه اوراده ۱۸۶۸ نظامنامه سی تطبیق ایدیه جکدی . تورکیایه عائد روم ولایاتی ایسه ، روم ایلی شرقی ایچون متشکل ازروپا قومیسوینك رأینه کوره تنسیق واصلح ایدیه جکلردی . رومانیاموری ، اولدجه حرارتلی مذاکراته سبیت ویردی . بومارت ، بلا مناقشه صربستان وقره طاغ کبی مستقل اعلان ایدلدی .

رومانیا حکومتی و دیگر ایکی دولت ، خیلی زماندن بری چیکنه ن بعض اساسات عدالت وحقانیی التزام ومدافعه ایتك صورتیه شرفلرینی اعلا ایدن فرانسز مرخصلرینك طلبی اوزرینه ، بلاتفریق جنس ومذهب بتون تبعه سنی بر مساوات تامه حقوقیه دن مستفید ایتکمه مجبور ایدلدی .

بو قید بالخاصه ، طونه دولترلنده پك کثیر واو زمانه قدر دوچار سوء معاملات اولان موسویلر لهنده ایدی . فرانسه

مرخصلری، عین اساسی بلغارستانده وولایات عثمانیهده دخی تصدیق و قبول ایتدیردیلر.

رومانیا، بو تکلیفه بلامشکلات موافقت ایتدی. فقط قاتلانهمایهجنی برشی وارسه اوده ابرازایتدیکی صداقت و معاوضه قارشى رومانیایی متصرفاتندن محروم ایتکله مکافات ایدن متفق قدیمک (روسیه نك) مطالب غنیفه سی ایدی.

رومانیا مرخصلری موسیو (براتیانو) و (فوغولنیه آنو)، قونفره طرفدن استماع اولونمق طلبنده بولونمشلردی. روسیه نك انکلتزه و آوستریا طرفدن تنقید و مؤاخذه اولونان مخالفتیه رغماً، مذکور مرخصلر ۱ تموز تاریخنده قونفرهیه قبول ایدلدیلر. اونلر، استقلاللرینک تصدیقندن باشقه مملکتلرینک هیچ بر ترک اراضیه دوجار اولماسنی، وروس عسکرلرینک تکرار مرورینه قاتلانمغه مجبورایدلمه سنی و توسیع اراضی ایچون طونه منصبی ايله ییلان آطه سنک رومانیایه علاوه وروسیه طرفندن ده بر تضمینات حربیه اعطاسنی طلب ایدیورلردی. قونفره بونلرک رجارینی اسعاف ممکن اولمادیغی رأینده بولوندی. بیقونسقیلد و آندراشی نك تعذیرانه رغماً (بسارایا) نك روسیه یه اعاده سی قراری ابقایدلدى. لکن تسلی اولمق اوزره رومانیایه موسیو (وادینقتون) ك طلبی اوزرینه دو بروویچده ایکی بیک کیلومتره مربعی اراضی ضم آلدی. بوکا روسیه پك تاخشنود اولدی. چونکه بو ازدیاد اراضی، بلغارستانک ضررینه وقوع بولیوردی.

بعده قونغره ، طونه مسئلهسی ایله چار طرفدن پادشاهه
تیین اولمان تضمینات حربیه مسئلهسی مذاکره بکریله بلشالادی .
طونه مسئلهسند آوستریا مجارستانه بخش اولان بعض فواید
خارج طوتلینی حلاله معاهدات متقدمه ایله متأسس استاتوقو
ابقا ایدلی .

روسیه نك مطلوبنه كنجه بونك ا كتساب اراغی یه تحویل
اولونه میه جنی و چارك آنجق باب عالینك دیگر آله جقلیلرندن
صوكره اخذ موقع ایده جکی (كه بو هیچ تأدییه اولونمایه جق
دیكمه معادل ایدی) قرارلاشديرلدى (۲ تموز) .

بر چوق دفعه و اخيراً توركياده دين عيسوينك حايه سنی
آلق ایستیور کبی کورینن روسیه ، بو انحصاردن واز کچمکه
مجبور اولدی .

حکومت عثمانیه ، کندی ملکنده حریت مذهبییه ، آکا
اك زياده وسعت ويردرك en y donnant l'extension la plus
adonne ادامه ایتک آرزوسنی بالذات بیان ایتدی . قونغره بوبیاناتی
قید وسند اتخاذايله دی . (۲ تموز) .

اوندن باشقه قونغره ، تورکیاده مختلف مذاهب سالکری
آردسند بلاقید و شرط بر مساوات حقوقیه و سیاسیه موجود
اولق لازم کلدیکی و مختلف تابعیتده رهبان ، حجاج ، و کشیشلرک
جمله ممالك عثمانیه ده عین حقوقدن مستفید و باذات کندیلریله

مؤسسه لرینک اوروپا دول معظمه سنک حمایه سی آلتنه موضوع بولندیغنی اوروپا نامنه اعلان ایلدی .

آیناروز رهباننک امتیازاتی ابقا ایدلمش ومقامات مبارکده استاتوقو مرعی وفرانسه نك حقوقی محفوظ بولندیرلمش ایدی .

۶ تموزده حل اولونه جق خصوصی واهمیتی جزئی بر مسئله قالمش ایدی . اوده روسار طرفدن صوكمحاربهده آسیا جهتنده قتح اولنان اراضی ایدی . بو مسئلهده چوق مشکلاتی موجب اولمقسزین فصل وحسم ایدلدی .

انکلتزیه قارشی سبق ایدن تعهداتنه صادق قالان روسیه حکومتی ، خطورك ایرانه ترکی مقابلنده آالشکرد وادیمی ايله بازید شهرندن واز کچدیکنی اعلان ایتدی . وحقی انکلتزه حکومتده زیاده خشنودی بخش اولماچون چارک مرخصلری حکمدارلرینک مقصدی . باطومی تحکیم ایتیوب سربست لیمان Port franc حالته قویماق اولدیغنی بیان ایتدیلر .

اوندن بشقه ارمنی مسکون ولایات ایچون موعود اصلاحات پروژده سنک ، یانکز روسیه ده دکل ، بلکه دولتله عرض ایدیله جکی قبول اولوندی .

الحاصل بحر سیاده وسفید بوغازلرینک ۱۸۵۶ و ۱۸۷۱ معاهده لريله تأسیس اولوندیغنی وجهله سربستیمی ساده جه تأکید اولوندی . انکلتزه ، آرتق ، دولت علیه ايله ۴ حزیران تاریخی ائتلاف خفیسینی — بر تدبیر سزلک یامش اولمقسزین — افشا ایده .

میراوردی . فی الحقیقه . ۸ تموزده حکومت مذکورہ ، بونی
قبریسک اشغال وادارہ سنی در حال اجرا ایدہ جکئی بیان ایتک
صورتیلہ اعلان ایتدی . بو کیفیت . دولتلرک قسم اعظمی ایچون
بلکہ تخصیص روسیہ ایچون صحنه وقوعاتده حقیقی بر تبدل
ناکھظهور Coup de theatre اولدی .

بقونسفیلد، پرنس بیسمارک و آندراشینک معاوتیلہ کندی
(پیس) فی پک مکمل صورتده اجرا ایتمش اولدی .

خیلی زماندن بری اغفال ایدلمش اولان غورچاقوف، بوصوک
خدعه استهزا آمیزدن پک آجی برنأرطویدی . بپوروس دیپلوماتی،
دها بر قاج کون اول برلینہ کتیردیکی دفعه (۱) دالترینی laurier
اوراده زیتون (۲) دالترینہ branches d'olivier تحویل ایتمش
اولدیغندن حرارتلہ بحث ایدیوردی .

استحصال ایتدیکی صلح . تخیل ایتدیکنہ هیچ بکزه میوردی .
بوسبیلہ مشارالیه ، اغبرارینی کتم ایدہ میوردی . عجبا اوروپا ،
صوک محاربه دن ایتدیکی غایت جزئی استنادہ ایچون تکفیللہ ، تأمینات
تعمایہ ایلہ روس حکومتی تطمین ایدہ جکمی ایدی ؟ ایشته غورچاقوف ،
۸ تموزده قونغرهدن نومیدانه بونی صوریور واوراده اتخاذاولانان
مقررات عالیہ نک تطبیق و اجراسنی نہ اساس و صورتلرلہ تأمین
ایتمک نیتده بواندیغنی بیایدیرمسنی قونغرہ دیہ رجا ایدیوردی .

[۱] مظفریت حربیہ رمزدرد .

[۲] سکون و مسالته رمزدرد .

بۇ تەكلىف اۆزىنى، حرارتلى بىر مەنەقىشە، آچىلى واپۇج كۆت
امتداد ايدەرك نەپائەت الامر، ھىچە مەنجر اولدى. روس باش
وكتىنى بىر كۈرە دەھايىرە اورۇش ايدى. زواللى آدم، انكسار
اميد باده سنى دىنە، طورطوسنە قەدرايچىك مەجبۇرىيەتتە بولۇنىۋوردى.
لوندردىيە مۇظفراً عۆدەت ايدەرك اولان بىقونسفېد، اوروپايە
قارشى غورچاقوقك بروننى يرد سورتىۋوردى. بىسمارق ايسە
روس دىپلوماتىك ۱۸۷۵ دە كوس ترمەكن منع نفس ايدەمدىكى
طورطفرە فروشانەنى اوكا پك بەھالىيە مال ايدىۋوردى.
قونغرە، كەندى رەدە قسىون قومىسيوننىك، اجتماعات
خىطنامە لىزىنە مستنداً تحرير ايتدىكى ۶۴ مادەلى بىر مەھدەنك
امضا ايدىلمىسە ۱۳ تەمۈزدە اكەل مەساعى ايدى.

برلین معاهدہ سنیدن سوکرہ اوروپا

برلین معاهدہ سنیدن ہر شیدن اول کوزہ چاربان نقطہ، مسالت
عمومیہ بی تأمین ایتکدن زیادہ دول معظمہ نک وحتی بر چوق
کوچرک دولتلرک آرہ لرینی بوزمق ایچون یاپیش کی کورنسی در .
ایلک قرائتہ ، اوروایہ ویرلش بر سکون واستراحت
تأمیناتنک تماماً معکوسی کی کورینور. محقق اولان برشی وارسہ
اودہ ، علاقہ دار اولانلردن هیچ برینک ممنون و بی اندیشہ ،
ویکی بر تخم غرض واختلافدن عاری اولہرق عودت ایتہ مش
اولسی ایدی .

اک از خشنود اولان شہہ سزکہ دولت علیہ ایدی . معافیہ
قونغرہ ، دوات عثمانیہ نک موقعی تقویہ وتحکیم ایش اولدینی
زعمنده ایدی . آز بر مدت سوکرہ بیقونسغیلد ، انکلین
بارلامتوسندہ گولہ دن بو ادعاده بولونیوردی . بوبارد لطیفہ ،
اولدجہ طائسز ایدی .

لہستان مقامہ سنیدن ۱۸۱۵ مہادتندن بری هیچ

بر دولت، بوقدر حیا سزجه سنه *effrontément*، طولاندیرمش
spolié دکل ایدی [*]. دوست، دشمن جمله سی عین حرص ایله
 (خسته آدم) *l'homme malade* ك باشنه اوشوشمشلر، لوم
 عالمه قارشی عین پرواسزلقله آنی ارچه لامشردی .

بوکا الكاول روسیه باشلادی . بونده تعجب اولنه جق برشی
 بوقدر. دولت علیه، ایکی یوز سنه دن بری آندن نفرت و آنکه
 محاربه ایده گلشدر. حادثات اخیره، دولت علیه ك، غیظ وعدواتی
 محسوس بر طرزده تشدید ایته مکه برابرموسقوف قرتالی
aigle moscovite سودیره جك بر ماهیتده ده دکلدی .

لكن زواللی ترکلر اوتهدنبری ودها صوك زمانلرده کندیلرینی
 حکومت عثمانیه ك معین واستنادکاه طبعیلری اوله رق اعلان
 ایتش و آنی دولت معظمه شمالیه قارشی مقاومتده شدتله تشویق
 وتشجیع ایله مش اولان انکلتره و آوستریا حقده ای بر حس
 صاقلایه بیله جکمی ایدی ؟

انکلتره، دولت عثمانیه دن قبریسی آلمش، آناتولیده نفوذینی
 تهدید ایدیور ومصری آلمغه چالیشیوردی . بو تیمورمش
 کبی بوسنه هر سكك آوستریا طرفدن آلمسنه انماض ایتك
 صورتیله ده حکومت عثمانیه یی اغفال ایتش ایدی .

ویانه قاینه سی ایسه حکومت سنیه یی (ایلیریا) دن محروم
 ایدیور، سلانیک اوزرینه انظار حرص و طمع آتیوردی .

بر خسته بی قورتارمق ایچون غریب بر اصول! بویله برایی
 تاوی دها اولورسه خسته نك اوله جكنه شبه یوقدی.
 هیچ بر دولت یوق ایدی که، عثمانلیق ضررینه زنکین اولمغی
 قورماسون.

فرانسه وایتالیا بیله استفاده یه قالدشیدیلر. بعض دولتلر ای
 وبالخاصه آلمانیا نك تصویب کتومانده سی ایله فرانسه، مصره
 آلمانیا، آرنالوودلته وهر ایکسی تونسه توجیه انظار ایلدیلر.
 هیچ بر شی ایسته مه یه ین وشرق حقنده مطلق بر آزادی
 قید منفعت اظهار ایدن یالکزر آلمانیا واردی. بناءً علیه
 ناموسلی سمسار (آلمانیا) استانبولده بو طور متخذ نجیانه
 ایله تفاخر ایلدوردی. او، شمدی تورکیایی فریفته ایدیور
 و آنك یکانه دوستی کندییی اولدیغی. اخطار ایتک صورتیله
 تورکیا اوزرنده اولکندن زیاده بر حکم و نفوذ اجراسنه باشلایوری.
 مع مافیہ، بو وعد و عیدلر، تأمینلر نه درجده اولورسه
 اولسون باب عالی، برلین قونفره سنده اخیراً متوج موفقیت
 اولان سلسله مدیده دسایس و تزویراتک قسم اعظمی بیسمارک
 اثری اولدیغی بیلمه مزك ایده مزدی. کذلک آلمانیا نك، کندیسنه
 آوستریانک حسن نظر و محبتی و روسیه نك توجهی تکرار جلب
 و احراز ایچون قسماً ویا کلیاً دولت علیه یی فدا ایتکده تردد
 ایتیه جکنی ده بیلردی.
 بو قونفره نتایجندن ترکیانک ممنون اولمسنه محل یوقدی.

فقط عجباً صوڪ جريك باعث اصلينى اولان بالقائرددهكى خرستان
ماتلرى بو نتیجه دن خشنودمى ايدىلر ؟ .
بالعكس رومانىاليلر ، كندى متفقلى طرفدن پك چيركبن
برطرزده صويولمش اولدقنرندن طولايى شكايات ايدىورلدى .
بوسه ، وهرسكك كندىلرى آره سنده تقسيمنى اميد ايتش
اولان صربلنر ايله قره طاغليلر ، پك درين صورتده آلدانمش
ايدىلر .

يونانىلر ، تشويقاتدن ، كوزل لقرديلدن باشقه برشى
قازانه مشردى . كندىلرينه مطمع نظرلى اولان ممالكك آنجق
ربعى ايچون يالكلر براميد ويرلمش ايدى . بردولت تشكىل ايتك
ايسته مش اولان بلغارستان — وقتيله افلاق وبغدانك ياپدينى كى
بالضرور برلشمكه ميل ايدىه كى معلوم اولدينى حالده بيله كندى
آرزوسنه رغماً — ايكي پارچه يه آيرلمش ايدى .

توركياده قالان ولايات خرستيانيه ، شمديلك كندى آرزولرينه
نظر آنا كافى اولان و برلين قونغره سندن صوكره خيلى زماندها موقع
فعليه چقما مش اولان مبهم تعهدات ايله اكتفايه مجبور قاليورلردى .
شونى ده علاوه ايدىلم كه معاهده يى ياپانلر ، اونده موضوع
بحث اولان مختلف مليتلىر كويا عن قصد بربرينه قارشى
قويق و آره لرينى بوزمق ايسته مش كى كورنيورلردى . برطرفدن
بلغارلر ، رومانيا و صربستانه ترك ايدىلن محللرى ادعا ايدىورلردى .
ديكر طرفدن صربلر ، بلغارلر ، قره طاغليلر و يونانىلر واسع

بر اراضی بی (ماکدونیا) سبب وساحت جدال ایده جکدیلر .
 ناصل که تأسیس مشروطیتله امیدلری منقطع اولنجیه قدرده
 ایتدیلر . بو واسع اراضینک اهالیسی اوقدر غریب صورتده
 بربرینه قاریشمش ، مخلوط اولمشدرکه دیگر اوچنک مطالبات
 ومدعیاتنه معروض اولمقسنین بو اراضی بی بونلردن برینه
 ویرمک قابل اوله ماز .

۱۳ تموز ۱۸۷۸ مقاوله سی ، باری اوروپا دول سته معظمه
 سنک هر زمان متزلزل طوزان ائتلافنی تقویه ایده جک بر ماهیتده
 کورینیورمی ایدی ؟ بوده دکل .

بونلر ایچنده صوگ حزبه بیوک بر هوسله بادی اولان
 و آنی عظیم مصارف ایله دوام ایتدیرن دولت ، فداکارلغنک
 fort mal payé ثمره سی اقتطاف ایده مه مشیدی . او ، سسسنز
 فقط شدید و پر شورش ورعود بر حیرت حس ایدیوردی .
 او ، بوندن طولایی بالخاصه انکلتزمیه قارشی پک آجی بر غرض
 وعداوت بسایور ، قوای عسکریه سی بر آن اول تنظیم وتنسیق
 ایله هان آسیای وسطی اورتہ سنده کی مشی ستیز جویانه
 سنه یکیدن باشلایه رق وحتی بعض زمان انکلیزلرک حرصنه قارشی
 ترکلری مدافعه ایدر کورینه رک انکلتزمه نک جزای سزاسنی
 ویرمک نیتنده بولونیوردی .

روسیه حکومتی ، طونه اوزرنده وبالقاندده کندی اوکنده
 دائمی بر حائل اولان آوستریا ومجارستانه قارشی دخی دها آز

بر خصومت حس ایتیموردی. بوسیله (روتن) لر، (چه) لر، (اسلواق) لر، خرواتلر نزدنده وهریرده بانسلاویست افکارینک نشرینه اولکندن زیاده براهتم ایله یکدن باشلایه رق آوستریاده بر انشقاق، انقسام کلی حصوله کتیرمک ایله تهدید ایدیوردی. روسیه، کندیسنی خیلی تشویش و تشجیع ایتدکن صوکره نهایت ترک ایدن فرانسیه قارشیده اغبراردن خالی دکلدی.

آلمانیا به کلنجه کندی تعیرمحق وجهه آنک نانکورلکنی عفوایتمسی پک مشکل ایدی. وفعلا ده حالا بونی عفوا یتمه مشدر. اکر روسیه دن انکلتره یه دونه جک اولورسه ق کورورزکه انکلتره نك، حادثات اخیره دن، بیقونسفیلدک ایدمیرمق ایستدیکی قدر ممنونیت کوسترمسنه محل یوقدی.

دولت مشارالها، آناطولی بی حایه واداره ملیکهنی اصلاح وظیفه سنی اوزرینه آلمغه کندی قوت و اقتداری فوقده وپک پروزی و خطری ایکی وظیفه نك مسئولیتنی درعهده ایتمش و تورکیانك اعتمادینی غائب ایله مش و روسیه نك انتقامنه قارش حاضرمق طورمق مجبوریتنده قالمش اولدقدن باشقه آوستریا مجارستان حکومتك نه طونه اوزرنده تفوق ایتمسی ونه ده سلاویکه قدر نفوذینی توسیع ایله مسنی کورمک ایسته مدیکندن حکومت مذکوره نك حرص سیاسی سندن شبهه لیمکه قوشقولا نغمه باشلامش ایدی.

علاوه ایده لم که انکلتره حکومتی، مصرده انکلز سیاستك ایلر یلسنه مانع اولان وتونسك اکتسابیه شوکت بحریه سنی تزییده

مرئی صورتده متمایل بولنان فرانسه دن دخی شبهه ایتکدن خالی قلامازدی .

آوستریا - مجارستان ، ۱۸۷۸ تموز نهایتندن اعتباراً بوسنه هرکی اشغال عسکریسی آلتنه آلیوردی . فقط بو عملیه ، اهلینک ایکی آیدن زیاده امتداد ایدن مقاومت شدید سیله پک مشکل وزحمتلی اولدی . الحاصل حکومت مذکورده ، فائدهلی اولمقدن زیاده صیقینتلی ، مزعج برهیدیه آلمش ایدی . نفوذ و حاکمیتنه سرکش اقوامی قوتله و مصارف عظیمه ایله ضبط و اداره ایتک مجبوریتنده قالمغه برابر اسلاو مملکتلرینه طوغری آلمق اوزره اولدینی اتساع سببیه غوائل داخله سنک تزید و خامت ایتدیکنی کوریوردی .

فرانسوا ژوزفک سیاست شخصییه سی ، قونت آندراشینک آنجق یاریم برتصوینه نائل اولیوردی . ایمپراطورلق داخلنده اسلاو عنصرینک بیوه سنی ایسته مین مجار ملتی ایسه ایمپراطورک سیاستنی اصلاً موافق کورمیوردی .

دیگر طرفدن آوستریا مجارستان دولتنک ، بعدازین روسیه ایله حاد و دائمی بر منافرت و بر ضدیته محکوم بولندیغی ده ملاحظه ایتک لازمدر .

شرقد روسیه طرفدن تهدید ایدیلن آوستریانک ، غربده ایتالیا طرفدن تهدید ایدلمکده اولدینی ده نظر دقتدن دور طوتلاملیدر . چونکه برلین ده قطعاً بر شیئه نائل اولیان ایتالیا ، اغبرار

نتیجه سی اوله رق (ایره دانتیزم) بایراغنی آچغه یعنی آوستریادن
(تیروول) ک نصفیله (غوریچ) (ایستریه) وحتی (تریسته)
(دالماسیه) اوزرنده ادعای حقوقه قیما لیکه مهیا کورینوردی،
فرانسه وایتالیاه کلانجه — بونیک دیگر دولته قارشی حال
و موثعلری ویکدیگریله مناسبی نه اوله جنی تفصیلات سابقه دن
آ کلاشیلور . فی الحقیقه اوزمنکی حانه نظراً تونس مسئله سنک
کونک برنده بو ایکی دولت آرهنی بوزه جنی شهسز ایدی .
نهایت داخلده بر طرفدن (فله ریقالیزم) ، دیگر طرفدن
سوسیالیزم ایله ازعاج ایدیلن آلمانیک، خارجه هیچ بر حکومت
نه دوستلغی ونده اعتمادی واردی .

عموم طرفندن محسوس . مضمون ویا منفور اولان آلمان
دولتی دائماً فرانسه انتقامندن قورقیور وبالخاصه کندینی
روسیه نیک غیظ مدهشنه معروض کوریبوردی .

بوصورتله برلین قونفره سیله تأسس ایدن موازنت سیاسیه دن
دها آز صاغلام ، دهایی قوام هیچ بر شی اوله مایه جنی
کوریلوبوردی . مع مانیه اوتوزسنه کجیدی . معاهده نیک برچوق احکامی
اخلال ایدلیدی . دیگر برچوقلری هیچ اجرا اولونمادی . بونکله
برابر صلح عمومی ، مختل اولمادی . دول معظمه ، — تعیر مخصوصی
ایله — دیشلرینه قدر سلاسلاندیر؛ بربرینی نظارت آلتنده
طوتمق و تهدید ایتمکدن خللی قالمادیلر . لکن هنوز هیچ بری
قیلجی چکه که جسارت ایدمدی .

آلمانىڭ قىدۇر و ئىفۇزى اوردۇجىيە كىلىدى واۋىيە بىر خىزىدە
دوام ايتىدى كىم ھەر كۈن بىر بىر يە چارچىمە، قىرلىق، خەلىق اۋلان
بتون بو قوتلىرى شىمىيە قىدۇر يىرىن قىمىداق، بىراقلىق .
پك چوق المارك آتلىق كىم چالىشلىق بويىلە واسىر بىر بارىت
يىغىنى *amas de poudre* نى ھىزۇر پاتلامىسى . معاصرىنى
حىرتلە القايىدەك بىر خالدر .

الحاصل ۱۸۷۷ تارىختىن زىمانىزە قىدۇر اى، كۈتى اورۇننىڭ
مخافىزە آسايىشنى مەلۇم اولان تەدبىر و دىسايىس دىپلوماتىيەنىڭ
تارىخى ، اخلاقى پك خالىق بىر زىمىن تەبىئىي تەشكىل ايتىپ چىقىرى .

برلین معاهده‌سی حقنده مطالعات

۱۸۷۸ ده برلین معاهده‌سی شرحی یازان موسیو «به نوو ابرونسویق» ،
کتابنک مدخلده شوصورتله مطالعات عمومیه‌سی سرد ایدیور :

هر مملکتک غزته‌جیلری ، هر فرقیه منسوب پارلامنتو
اعضالری، برلین معاهده‌سی. — نقاط مختلفه نظرلرینه کوره —
صور متنبوءده تقدیر ایشلردر . معمانیه بالسوله آ کلاشیلان
برجهت وارسه اوده تنفیدات ناخشنودانه‌نک مطالعات نیکبینه‌یه
غلبه‌سی در . دیپلوماسی وقوعاتی مجموعه‌لرنده بلکه‌ده یکانه‌دینه‌جک
اعراض غریبه‌دن برحاضه اولمق اوزره برلین معاهده‌سی خلال
فکیرانک ضربه‌رندن زیاده طرفدارلرینک غیرت مدافعه‌سندن
زخمدار اولمشدر .

معترضلر دیورلرکه :

برلین معاهده‌سی ، هیچ برمنفعته خدمت . هیچ برتمایل
روحیه توافق ایلیه‌مدیکی کبی هیچ بر حرص سیاسی‌یه‌ده سد
چکه‌یور . هر مسئله‌یه تماس ایدیور ، هیچ برینی حل ایتیور .
بربرینه‌مباین سبیلره مستند اولان مقرراتی، سالم برمنطقه منافی،
عدالته لاقید ، شرف و ناموسه بی‌حس در .

کیمیسی ، — تشبیده کی دغدغه ایله نتیجه ده کی انکسار
امید قارشیسنده — « طاغ. دوغوره دوغوره برفاره طوغوردی
La montagne a enfanté une souris « مثلنی خاطر لایور ،
کیمیسی ده قونغرەنک زاده عجیب مساعیسنی « بیک ایکنه لی بر کیر پی
le bérison aux mille pointes « یه تشبیه ایدیور .

بر یرده اسلاولرک پوسکور تولدیکنی کورمکدن حظ طویلیور ،
اوتده یونان مجملکی سائقه سیله عهد واقعه قارشی اغرار حس
ایدیلیور ، بریده تورک اعتسافنک ادامه سندن شکایت اولونیور .
بومعا هده یی بر طاقلری ، دولت عثمانیه نک تحکیم موقعه مدار
اولدیغدن دولای آلقیشلارکن دیگر بر طاقلری ده تورکیا ایچون
اک خیر خواغانه محبت ظواهری آلتنده آنک سقوطنی دها
آزته لکلی وتقسیمنی دها قولای قیله جق تداییر متخذه کیزله یین
بر ظلمتگه ریا عد ایدیور لر .

دیگر بمضلری ده هر شیئی ماهیت حقیقه سیله کورمک
وکوسترمک ادعاسنده بولونه رق استکنا هات دورادور ایله قونت
(دو قونیچ) ک « فتوحات مسالمتکارانه Conquête pacifique »
سیاستی ؛ صوکره ، بیوک فرده دریقک آغزنده تاریخی بر ماهیت
آلان « بر تاکیه ایچنده اوچ باش trois têtes dans un bonnet »
تعبیر معروفنی یاده کتیریور و بومسئله ده اوچنجی باشک انکلتزه
اولدیغنی ایما ایدیور لر .

همان هپ بو وادیده اداره لسان ایدن مؤاخذلر ، بو

معاهده نك نشأت و اسباب اوليه سندن ذهرل ايتش اوليورلر
و آكا قارشى وقوعبولان تقييحت — وهه اولاده نه درجه
اساسلى و محق كورنيورسه — بر منفعت ذاتيه اولميسز ين اوگا
وضع امضا ايله مك صورتيله اسملرني بوايشه ربط ايدن نامو -
سكار رجال سياستك شكران عالمه استحقاقلرى اودرجه صحيح
وقطعى اولديغنى تقدير ايدميورلر .

في الحقيقه بومعاهده هر كسك ، — كندى روش افكارينه ،
ميلان حس ذاتيسنه كوره — آنده بولديغى بومتعدد شيلرى
جامعدر وحقى خلافكيرانك نظر دقتندن قچش عين درجه ده
مهم ديكر برچوق جهاني ده خاويدور .

لكن اعراضده اعتدال و احتياط اولونماليدر . چونكه
بومواخذلر دخى موضوعلرينك تام برر معكسى اوليور ، اولنردم
شرق بحرانك فكرلرده حاصل ايتديكى صور تسويه يي ياخه د
صور تسويه و حليه ظن وزعم اولمان شيلرى افاده دن عبارت
قاليور .

معاهده نك بوقيل مطالعات اعراضيه شو جهتن بر رجحاني ده
واردر . تنقيدات ، يالكز بر صورت حليه نك بتون ديكر تريسه
غلبه سنى ايسته يور . بوغلبه ايسه ، برضمان مسامت اولاماز .

حال بوكه برلين معاهده سى ، مختلف وحقى متباين مطالب
و آمالى — آنلك جلب منافرتندن بالنوقى — جمه سنى حسن
قبل ايتك صورتيله حال حاضرى صيانت ايله مشدر : بونلردن

هر برینه، هیچ برینک ردایده میه جکی بر اساس، یعنی بر سر بستی محلی زمین اوزرنده امنیه لرینک غلبه قطعیه سنه صلح و سکون دائر دسند بذل مساعی چاره سنی عرض ایتشد.

معاهده، اسلاولرک ترقیسی اوکنده انکلیزلرک تلاش و اندیشه سی ایله بر حرب قریب احتمالی قارشیسند بتون دیگر دولتلرک هراس و خشیتی آر دسند وجود بولمش بر اوزلاشمنک محصولی، مخاصم رقابتله تطبیق ایدلش بر اداره مصلحت تدبیر و واسطه سی، بر (اوپورتونیزم) آلتی در.

ایشته بو مقاوله دولک متحمل اولدینی یکنه اعتراض بودر. حقتده وارد اوله جق ستایشلرک اکیسیده بوندن باشقه برشی دکدر. بو حدی تجاوز ایدن هر تقبیح و اعتراض، بر حقشکنک عد اولونق ایجاب ایده جکی کبی بو عهدی، بر املک دیگرینه هر هنکی بر نقطه دن قطعی بر مظفریتی طرزنده کوسترمکه میال اولان هر مدح و ثنا دخی، آنک یکنه مزیتنی، یعنی، کندیسنی تولید ایدن احوال و وقوعاته او یغون و بالا خزه ظروف و احوال جدید و تخفف احتراصات سیاسیته بونی وجوده کتیرنله تلقین ایده جکی تعدیلات اصلاحیه الیریشی اولسی محسناتی نزع ایدر.

برلین معاهده سی، اروپا مسالمتی الجاآت علویه سنک قبول ایتدیردیکی بر قانون ضرورت loi de nécessité تلقی و عموم طرفدن اجرا ایدلمیدر.

بو معاهده‌ی پک آجی بر طرزده تنقید ایدرهك برلین
قونفره‌سی - دروننده ، حاضر ونك اقوام آلوب صاندق‌لری
ومراسم تعاظمی ایتدك‌لری - حقیقی بر چارشی علمنه تشبیه ایدنره
صورارم‌كه : — ۱ نسان تاریخی انكلیز تبلیغاتی تعقیب ایدن
كونلره دونك ومملكتك‌یزی دیگر بتون مملكت‌لره برلكده اوخلجان
آور دقت‌لره عودت ایتدیرمك ایسترمیسكز؟ . . .

خیر ! نه آرای مؤاخذه کارانه ونده مطالعات مدیحه‌گویانه
بو خصوصده بجا دكلدر؛ بونلردن هیچ بریسی، برلین معاهده‌سی
ایچون وارد اولاماز. بو معاهده، آنی وجوده کتیرنلرك کندیسنه
ویرمك ایستدك‌لری قیمت خارچنده بر قیمته ملك اولاماز .
او قیمت‌ده تألیف بین، اوزلاشدرمه فراغت متقابله قیمت‌در ...
بو جهندن دوشونیلورسه ، آکا عطف اولونان نقایص
défaux ، اوصاف مرغوبه *qualité* ماهیتنی اکتساب ایدر
و پارس معاهده‌سك پارلاق اوصافی خاطر لایه‌رق برلین معاهده
سك نقایصی ایله متسلی اولمق لزومی حس اولونور .

پارس معاهده‌سی . هیئت عمومی سیله غایت منطقی ، بتون
اقسامی بر تسلسل منظم ایله مربوط، دیپلوماسی صنعتك جداً
اناقس آئارندن صایلمغه شایان ایدی .

تورکیانك تمامیت ملکیه‌سی ، حرب مظفرانهك نتیجه‌سی
. . . استقلالی، اوروپا آهك دولینه قبولك تطبیق منطقیسی،

. . . اداره داخليه سنه عدم مداخله، استقلالك نتیجه ضروريه سی
ایدی . . . فقط مع التأسف، بو کوزل استدلالات، مخیل
بر تورکیایه تطبیق اولونیوردی

اوندن صوکره حکومت عثمانیه سوء اداره ده دوام خصوصنده
اسکی بیایدی کندن شاشمادی. روسلر؛ سیواستپول انتقامنه حاضر لاندی.
اوروپا دیپلوماسی عالمی ایسه درین ونوشین بر نوم غفلته
دالدی. نه شام، نه کرید مسئله لری، نه ده باب عالینک رسماً
آیلری قرق کونه چیقارمسی و بونک دلالت ایتدیکی سوء اداره،
اوروپایی ایقاظ ایدمه دی.

نهایت. بلونه طوپلرینک بیله او یاندره مدینی اوروپا، آنجق
آیاستفانوس معاهده سی اوزرینه کوزینی آچدی. و کوزینی
آچار آچماز، کندی لاقیدیسنک باعث اولدینی خرابه لری،
انقراض اضمحالی کوردی. برلین معاهده سی ایشته بو انقراضی
یکی بر بنا یا بمقده قولاندی. بو معاهده، بر جوق متفرق
پارچه لک بر ترکیب غیر متجانسی و پاس معاهده سیله آیاستفانوس
معاهده سنک محصول مزج و تالیفی درکه آره لرنده علائق مفقود
اولان عناصردن متشکل بر صورت مقررده، بر تدبیر عاجل
عد اولونسه سزادر. مع مانیه بوده ای در! ماکنه غییردار
وما کنیستک او یومسنه مانع اولور.

برلین معاهده سی حقنده سویلنلن هر درلو ایلیک، آنک
سوء تشکل ولادیسنی تشفیهدن عاجزدر. علیهنده سرد اولنان

هر در لو مؤ اخذات دخی - فکر اثتلاف و فراغت، یکانه چار د سلامت
اوله رق قالدینی جهته - آنی واجب الرعایه بر قانون اولمقدن
منع ایددمز. او حالده آنی بزده محافظه ایتدیکی مسالت طولایسیله
سوه لم وبر قانون اولمی اعتبار یله ده مرعی طوته لم! . . .

پارس قونفر دسی، دنیایه مه تودیک وصنعتک بتون قواعدینه
رعایتله ترتیب ایدلمش - تعیر جائزه - قلاسیک بر معاهده عرض
ایتدی. هیچ بر شی آنی تعجیل و تسریع ایتموردی. صلح،
مؤمن اولدیفندن قونفره، عمومی مسألدن خصوصی مسائله
طوغری انتظامله تدقیق ایتدی.

ایستفانوس معاهده دسی دخی کندی نوعی ایچنده مه تودیک در :
حربه ختام ویرمه مخصوص اولدیفندن آنجق بو غایه
موصل اولمق لازم کلن مسائله تماس ایدیور و بو مقصده مهم
بر تعلقی اولمایان مسائی احاطه ایتموردی.

برلین قونفر دسی ایسه بر طرفدن دولت علیه - روسیه
مصالحه سنی تأییده مسارعنکار، دیگر طرفدن حرب عمومینک
اوکنی آلق آرزوسیه صبر سز اولدیفندن نه - اثرینه رعایت
ایتمکی قرار لاشدیر دینی - پارس قونفر دسینک ترتیب نظریسی ونه ده
ایستفانوس معاهده سنینک ترتیب عمایسینی تعقیب ایتدی، چونکه
مقصد، غایه اونلرک عینی دکلدی. او، مسائی بر تسویه مصالحانه
قارشی عرض ایدر کور و ندکری مشکلات صره سیله تدقیق ایتدی.

فَاتَوَضَّعَ لِلدُّرِّ

قونت آندراشینک نومله سی

(بوداېشته — ۳۰ کانون اول ۱۸۷۵)

هرسك اغتشاشاتنك مبادی ظهورندن اعتباراً مسالمت
عمومیه ده علاقه دار بولنان اوروپا قاینه لری صلحك بقاسنی تهدید
ایله مکده اولان وقوعاته حصر انظار دقت ایتمکه مجبور اولدیلر .
اوستریا ، آلمانیا و روسیه دولتلری بو باده تعاظمی آرادن
صوکره مساعی تسکینیه لرینی مشترکاً استعمال ایچون برلشدیلر .
بو مقصد ، تمیء عمومی یه پک موافق کوروندیکی جهتله سائر
قاینه لر ، کندولرینه در سعادت سفیرلری معرفتیه — حصول مقصده
اشتراک لری ضمنده — وقوع بولان دعوت اوزرینه همان بزمله
توحید مساعی یه مسارعت ایتدیلر .

دولت لر ، صرب و قرده طاعی عصیانیه اشتراکدن منع ایله دائره
اختلالی محلنه قصر و تحدید و مهالک و مضراتنی تقلیل ایچون
حائز اولدقلری نفوذك کافه سنی صرف و استعمال خصوصنده اتحاد
ایتمشلر در . بونلرک قوللاندقلری لسان ، یکمأل اولدینی درجه ده .

مؤثر اولمش و بناء عليه ملاحظه سز حرکات ايله مسامت عموميه نك
تهلكه يه قونمسنه ميدان و یرمه مکه اوروپانك عزم قویسنی
کوسترمشدر .

آندن بشقه، قابینه لر، تسکین عصیانه معاونت ایچون قونسو-
لوسلرینك دلالت تألیفیه سنی حکومت عثمانیه یه عرض ایتدیلر
و بو مقصدی تعقیب ایدرکن هر درلو مداخله دن مجانبته و حیثیت
و حقوق و نفوذ حکمداری یه رعایتہ اعتنا ایدیلر .

دلگهر، نه بر تحقیقات قومیسونی شکلی آله بیله جکله، نه ده
اهالی عاصیه نك مطالباتك آووقاتلری کبی طاورانه بیله جکلردی.
آنلرك وظیفه سی، اشقیایی، خارجدن بر معاونه نائل اوله جکلری
خیالندن و از کیرمک و آنلری مطلب و شکایتلری عرض ایتدکدن
صوکره طاغلمغه تشویق ايله مکدی . دولتر، آنجق عصاتك
مطالبی میاندنه مشروع عد ایدیله بیله جک اولانلری حکومت
عثمانیه نزدنده ترویج ایتدیرمک صلاحیتی کندیلری ایچون
محفوظ طوتیورلردی .

قابینه لرك بو حرکت تألیفکارانه سی، مساعی جمیله لرینه سائق
اولان نیات دوستانه یی کافی درجه ده اثبات ایدیور و آنلرك
نظرنده سفک دمایی و تخریب بلادی موجب برشورش وجداله
نهایت و یرمک و مملکتك احتیاجات حقیقیه سنی، حکومتك مقتضیات
مشروعیه سیله تألیف ایده جک تنظیمات جدیه و اصلاحات موثره
ایله بو حالك تکررینی منع ایلمکده اوروپانك، و باب عالینك،

واعالی عاصیه نک آره سنده بر مربوطیت متقابله کامله موجود اولدیغنی کوستریوردی .

ایشته اختلالک ظهورندن بری دولترلرک اجرا ایتدکلری معاملاتک تاریخچه سی خلاصه بوندن عبارتدر .

قاینه لر ، بوکونه قدر وقتسنز بر مداخله کبی تفسیر اولنه .
بیله جک شیلرک جمله سندن اجتناب آرزو سنده بولندقلرندن سلطنت سنیه یه فالغی بالکز قوه عسکر به ایله دکل ، ایلروده بر طاقم اغتشافاتک ظهورینه مانع اوله جق وسائط معنویه ایله دخی دفعه همت ایلسنی معرض نصیحتده توصیه ایتمکله اکتفا ایتدیلر .
بویولده حرکت ایتمکدن مقصدلری ، باب عالی یه محتاج اولدیغی مظاهرت معنویه یی اجرا ایتک وایالات عاصیه ده اذهان خلقی تسکین ایده بیلیمسنه وقت براقق ایدی . بو صورتله بر فرت آتیه تهلککسی بر طرف ایدلمش اوله جغی امیدنده ایدیلر .

فقط مع التأسف امیدلری بوشه چیقدی . بر طرفدن ، باب عالینک اعلان ایتدیکی اصلاحات نه حوالی عاصیه اهالیسنی یاتشدیر مقصدینه مبتنی ونه ده بو مقصد اصلینک حصوله کفی کورونمه مش ، دیگر طرفدن عسا کر شاهانه عصیان ه ختام ویرمکه موفق اوله مامش در . شو احواله نظراً اوروپا دولترلرینک — عصیانک امتدادیله نهایت اوروپا آسایشنی تهلککیه القا ایتسنه میدان ویرمامک ایچون — برلکده تعقیب ایدیله جک خط حرکتی قرارلاشدیر ملری زمانی کمشدر ظننده یز .

واقعا کچنده وقوع بولان اعلاناتک مبتنی اولدیغی نیات حسنه حضرت پادشاهی بی سائر دولتلر مثللو بز دخی پک زیاده تقدیر ایتدک . تشرین اولک ایکیسنده صادر اولان اراده سنیه ایله کانون اولک اوز ایکیمی تاریخی فرمان، دولت علیه نک تشکیلات اداره سنده اصلاحاتی مؤدی اوله جق بر چوق اساسلری احتوا ایتکده در . بو اساسلر اکر احکام قانونیه شکلنه قونیلور وعلی الخصوص آنلرک موقع تطبیقه وضعی مبتنی بولونقلری افکار منوره یه تمامیه توانق ایده جک اولور ایسه اداره مملکتده اصلاحات جدیدیه یی موجب اوله جفی مأمولدر . مع هذا اعلان اولنان اصلاحاتک یالکز باشه هرسک وبوسنده سفک دمانک ولو موقتاً اولسون منعی مملک عثمانیه نک بوقسملرنده آتیا سکون وحضورک رصین اساسلر اوزرینه استادیغی متج اولامایه جفی کتم ایده میز .

اراده سنیه وفرمان عالینک مندرجاتی تدقیق اولندیغی حالده باب عالینک، ایوم عصیان اوزره بولنان ایلاننک تسکینی ماده سندن زیاده — صراحت و قطعیت اکتساب ایتدکاری تقدیرده — بتون دولنک اداره ملکیه سنه اساس اوله بیله جک قواعد اساسیه عمومیه یی وضع ایله اشتغال اینش اولدیغی قبول ایتمه مک ممکن اولمز . حالبوکه هر شیدن اول تسکین اختلالک تأمین ، حکومت عثمانیه نک منفعتی اقتضاسنددر . چونکه بو نیجه استحصال ایدلدک، باب عالینک اعلان ایتدیکی اساساتکده موقع فعله وضعی

مستحيل اولور؛ ديكر جهندن توركيانك شمال غربى ولاياتنه
مستولى اولان قارغاشهلق، يالكز بابعالى ايچون مشكلاتى دكل،
مسلمت عموميه ايچون دخى مخاطرات وخيمه يى موجب اوله -
جغندن اوروپادوللرى بويله ده شمدیدن صنعت و تجارتى يك
آغير صورتده تضيق ایدن وكوندن كونه صالحك بقاسنه عامهك
اعتمادى تزلزله اوغراته رق كافه منافعى اخلاله ميل ایدن برحلك
دوام واشتدادينه نظر بيقيدى ايله باقه مزله .

بناءً عليه بوكونكى كونده بليء حرب داخلى ايله خراب
اولان ايلتلرده آسایش وانتظامك اعاده يى ضمانده نه كى تدابير
احتياج كورينور ايسه تتمه اصلاحات اوله رق بو تدابيرك اتخاذه
خصوصنك بابعالى به توصيه اولنمى لزومى حقنده دول
كافلهك دقت جديه لرى جلب ايله مكاه بروظيفه مبرمه ايفاليله مش
اولديغمزى ظن ايدىيورز.

بزم ايله پترسبورغ وبرلين قاينه لرى بيننده محرمانه تعاطى
افكار اولوندقدن صكره تدابير مذكوره يى برى معنوى وديكرى
مادى اوله رق ايكي جهته آرامق لازم كله جكي تصديق قلنمشدر .
فى الحقيقه ايجه تحايل اولنور ايسه بوسنه وهرسك اهالى
خرستيانينه سنك احوال مديه لرى ، حال وموقع اجتماعى
ومعنويلرينك نتيجه سى اولدينى آكلاشيلور . هرسك وبوسنده
بونجه سندر كوريلان حال اسف اشتمالك اسباب اصليه سى تدقيق
ايدلدكده اول باول ، اسلام وخرستيان اهاليك يكديكرينه

قارشی بسلدکری خصوصت و نفسانیت کوزه بخاربار. حتی بو حالت
فکریه درکه، دلکه لریمزك — حکومت عثمانیه نك موجب شکایت احوالی
بولنه قویق عزم صمیمیسنده بولندیغنه — خرسیتانلری اقتاع
ایده بیلمارینی محال قیلمشدر.

اوروپای عثمانیده بلکه هیچ برقطعه یوقدرکه اوراده صلیب
وهلال آره سنده کی ضدیت بو درجه شدید اشکال آلسون .
شو خصوصت تعصبکارانه وعدم امنیت ، بوسنه وهرسك
خرسیتانلرینك کندی لرینی محروم کوردکری حریت مذهبی دن
تماماً مستفید و عین عرقه منسوب (یعنی کندی جنسلرندن) بولنان
اقوامه مجاور بولونملرینه عطف ایذملیدر . حالارینی دائماً آنلره
قیاس ایلدکجه حقیقه بر ربه اسارت آتنده بولندقلرینی ورعایا
عنوانی بیله کندی لرینی معناً همجو ارلرندن دون بر موقعه
قویدیغنی ، حاصلی اسیر اوله رق یشامقده اولدقلرینی حس
ایدیورلر .

اوروپا بالدفعات بونلرک شکایتلری ایله بو شکایاته بر نهایت
ویرلمسی اسبانی پیش نظر تأمله آلق مجبوریتنده بولونمشدر .
بیك سکز یوز الی آلتی تاریخنده شرفصادر اولان خط هایون
دخی اوروپا دولتلری طرفندن وقوع بولان سعی وهمتک جمله
آنارندندر . فقط خط هایون مذکورک احکامی بیله سربستی
آیین و مذهبی بر طاقم شرائط ایله تحدید ایشدرکه بو شرائط ،
تخصیص بوسنه وهرسکه هر سینه یکی اختلافات تولید ایدن

بر شدتله ابقا وادامه ایدلمشدر. آیین وعبادته، تحصیل و تدرسه مخصوص بنالرك انشایی وچاك استعمالی، هیأت روحانیة نك تشكلی، حالا بویالتلرده انواع موافقه دوچار اولمقده دركه، بوموانع، خرسیتیانلره، فتح واستیلا محاربه لرینك مؤبد یاشایان خاطر دلی کبی کورونمكده واسلاملری کندیبرینه دینلرینك دشمنی کبی کوستره رك آنلرده ازاله سی حق ووظیفه اقتضاسندن صاییلان— براسارت ربقه سی آلتند یاشامقده اولدقلری حسنی ادامله ایلکمکده در. فرمان عالیء اخیرده دخی بیک سکز یوز اوتوز طقوز و بیک سکز یوز الی آلتی خطهایونلری و باب عالیدن صادر اولان سائر فرمان عالیلر مثللو سیربستی آیین ومذهبدن بحث اولنه رق بطریقلرك وسائر رؤسای روحانیة نك کندی جماعتلرینه مخصوص ایشلرده وآیین وعبادتلرینك سیربستی اجرا سنده عهدله لرینه مغوض اولان صلاحیات تأکید اولونیور.

فقط بوبابده برحد تعیین اولونیور که اووده اولجه بخش ایدلمش بولنان حقوق ومساعداتدر. برده کلیسا ومکتبلرك انشاسنده تسهیلات ابراز اولیه جفی وعد اولتمقده ایسه ده بووعد. اوراق رسمیه ده دفعاتله اجرا اولدیفی حالده حیز فعله ایصالی طشره مأمورلرینك النده اولدیغنه وبواساس، آچیقندن آچیغنه رسماً اعلان ایدلمکجه تضییقات محایه دن ناشی حکومات محلیه نك بو وعدی موقع اجرایه وضع ایدمیه جکلری درکار بولدیغنه مبنی وعد مذکور موجب سکون واطمینان اوله مز. بودفعه صادر اولان

فرمان عالیده بیک سکنز یوز اللی آلتی خط هایونیه اعطا اولنان مساعداتدن فضله برشی یوقدر. بالاده دخی بیان ایلدیکم وجهله مذکور خط هایونده حریت مذهیه، شو صوک سنه لرده برچوق اختلافاته مصدر اولان برطاقم قیود وشروط تحتنده قالمش وضیق ومحدود اولوق حسیده او مساعدات، خرستیانلری خشنود ایتکه کافی اولاماشدر. هله الیوم مملکتی قانه بویایان وایکی دین آراسنده کی ضدی تشدید ایدن وقوعاتدن صکره بسبتون کفایتسز قالمش در. برکره اختلال باصدیر ایدی، عنصر اسلامک وقوعاتدن صکره کندیلمی غلبه غالب عد ایدرک بویله برحرب وجدالک کدولرینه ایراث ایلدی ضررو خساردن طولایی خرستیانلردن اخذانتقامه تصدی ایلجه جکلرنده شبهه یوقدر. بویله بر غیظ وعدوان ایلجه چاریشان اهلینک حسن امتزاج وهمهستیلرینی ممکن قیله جق برحال ووضعیتهک تأمین ایلجه بیلمسی، آنجق خرستیانلغی حقوقاً وفعلاً اسلامیتله مساوات کامله ده طوتمق و دین مذکور شمدیکی کی مساعدده و مساعجه صورتنده دکل، علناً تصدیق و آکا رعایت ایلهمک ایلجه حاصل اولور.

ایشته بونک ایچون — فکریمزجه — دول کافله، الک برنجی واساسلی مساعدده اولوق اوزره برحریت مذهیه تامه وکامله اعطاسنی باب عالیدن — یالکمز طلب دکل، استحصال ایلهملیدرلر. جمله نک قانون حضورنده مساواتی، قدیم خط هایون ایلجه صراحة اعلان اولمش وقوانین دولت علیه ایلجه تصدیق ایدلمی

بر اساس در . شهسز بوسببه مبنی اولمالی که ارادات اخیرۀ
پادشاهیده آندن بحث ایدلمه مشدر .

فقط بوقاعده ، حقوقاً مجبوری الاجرا ايسهده هنوز بالمله
ممالك شاهانهده عمومیت اوزره تطبیق اولنمش دکلدر . فعلیتده
خرستیانلرك اسلاملر علیهنده شهادتی ، درسعادت وا کثر بیوک
شهرلرك محکمه لرنده مسموع ايسهده هر سک وبوسنه کبی بعض
ایالات بعیددهده حاکملر بونک مشروعیتنی تصدیقندن امتناع
ایتمکدهدر . بو صورتله احقاق حقدن استنکافات وقوعندن
خرستیانلرك بعدما بر قورقورلی قالماق ایچون قابل وعملی اجرا
تدابیر اتخاذهی اهم والزمدر .

چاره عاجله محتاج دیگر بر نقطه دخی التزام تکالیف
اصولیدر . ۱۸۳۹ تاریخی خط هایونده بو اصولدن بحث
اولوندینی صروده « هیج بروقده ثمره نافعہ سی کوروله میان
اتزامات اصول مضره سی الیوم جاری اوله رق بوايسه بر مملکتک
مصالح سیاسیه وامور مالیه سی بر آدمک ید اختیارینه وباسکه
ینجه جبر وقهرینه تسلیم دیمکدر » دینلمش ، ۱۸۵۶ تاریخی خط
هایونده دخی « تکالیفک وعلى الخصوص اعشارک اخذ
واستیفاسنده وقوع بولمقده اولان سوء استعمالتک اصلاحی تدابیر
سریعه سی مطالعه ومذاکره اولنوب طوغریدن طوغری به ویرکو
اخذ ایتک اصولنک پیدرپی اجرایی قابل اولدقچه وارادات دولت
علیهنک الزام اولنمی اصولنک یرینه بوضورت اتخاذه قانمی »

توصیه قلنمش ایکن ینه التزام اصولی مملک شاهانهک هر طرفنده
حالا جاریدر .

باب عالی ، الیوم او یولده اصلاحات اجرا ایدہ جکنی ایما
ایلیور فقط ہیج برشی تصریح ایتمیور . فرمان عالیده ویرکولرک
تحصیلی امرنده الحاله هذه جاری اولان اصولک یولسز
اولدیغی تصدیق اولنہرق ویرکولرک برلشدیرلمسی ایچون بریول
آرائلش واعشارک ملتزملر معرفتبله تحصیلنده وقوعه کلان
معاملات عرفیهک منعی اسبابنک استحصال قلنمسی امر واطظار
ایدلش و فقط التزام اصولی لغو اولنماشددر .

اکر اختلاف اک اساسلی بر سببی رفع اولنق استیلورسه
باب عالیدن استنبه جک شیلرک بری کندوسندن بوسنه وهرسک
ایچون التزام اصولنک یالکزر حقوقاً دکل ، فعلاً لغو اولندیغی
قطعیاً وصریحاً اعلان ایلمسی ماده سیدر . و بوتدیرک دخی درحال
موقع اجرایه وضعی لازمه دندر .

بوسنه وهرسکده ذاتاً ماده بودرجه آغیراولان بار تکالیفک
برقات دها آغیر کورنمسنه سبب ، اهالینک ، پای تحت منفعتنه
کندیلرندن جر استفاده ایدلمکده اولندیغی ظننده بولنلریدر .
ویرکودن حاصل اولان آقچه ، ایالنک احتیاجاتی تسویه صرف
اولنمبوب جمله سی حکومت مرکزیهک استعمالنه بر اقلق اوزره درحال
استنبوله کوندرلیدیکی اهالی عننده امور مجزومه دندر .

ایندی ایالنک چکدیکی بار تکلیفی معناً تخفیف ایچون

حاصلاتدن علی العموم ممالك شاهانهك . مصارفه مقتضى شينه خلل
كمامك اوزره بر مقدارينى بو ايلتلك منافع مخصوصه سنه مفيد
جهتله صرف اولنق اوزره حفظ ايلهك ايجاب ايدر . بو
مقصدى تأمين ايجون تكليف بالواسطه (رسومات) حاصلاتك
كافى السابق بتون ممالك عثمانيهك احتياجاته تخصيص ايديلهجكى
و فقط بلا واسطه تكاليفدن طويلانان آچهك مملكتده قالب
مجرد ايلتك منابع ثروتى توسيعه وسعادت حالى تزئيد صرف
اولنهجنى اعلان اولنق لازم كاير .

بونظامك اجراسى، ذكرى آتيدك كهجك و اعضاسى اهالى
طرفدن انتخاب ايديلهجك بر قوميسيونك قونظرولى آلتنه وضع
اولونهجقدر . بوسنه وهرسك خريستيانلرينك احوال مؤسسهسى
قسم اعظمى اعتباريله، اهالى قرايله اصحاب املاك بيننده موجود
مناسباتك ماهيته تعلق ايدر . صنف اصحاب املاك
مذهب و مليتجه طائفة زراعتدن آيرى و متخالف بولنديغى ممالكده
مشكلات زراعيهك دائما بك خصوصى بر ماهيت خشينهسى
وارددر . بويله بر حالك تيجهسى اولان منازعات و اختلافات شديدك
امثالى بك چوقدر .

موضوع بحثمز اولان ايلتلكده دخى ميرىيه وجوامعه عائد
اولمايان بالجملة اراضى و املاك، اسلامليدنده اولوب صنف زراع
ايسه لاتين و اورتودوقس مذهبده بولنان خريستيانلردن مركبدر .
بوسيله امر زراعت، منافرت مذهبيه ايلهده دوچار اغلاق اولمشدر .

بوسنه بکلرینک ۱۸۵۱ ده چیقاردقلری اختلالک تسکینی
 متعافب سرواز اصولی لغو ایدلمشیدی . فقط احوال
 مماثلده اکثریا واقع اولدینی اوزره ، بو تدبیر کویلولرک حالنی
 تهوین ایدهجک یرده ، دها زیاده فنالشدیرمشدر . اولرک
 حقیرنده اولکی کبی صیانتکارانه معامله اولنمور . الیوم قارشی
 قارشیه بربرینه ضد ایکی مذهب ، ایکی منفعت واردر . زعامت
 اصولک لغویله اصحاب زعامت چفتجیلرله اورتاقیلره تحول ایلدیکی
 زماندنبرو املاک صاحبیرینک معاملات منرطه لری چوق دفعه
 زراعتک قسم قسم ویا عمومیتله بالدفعات قیاملرینی انتاج ایله مشدر .
 ۱۸۵۸ ده بوسنه نك جهت شمالیه سنده بویولده برحرکت
 ظهور ایلدیکندن باب عالی اختلافات واقعه یی تدقیقه تشبث
 ایتیش وهرایکی طرفک دلگه لری درسعاده جلب اولنه رق آوستریا
 سفیرینک وساطت غیررسمیه سی منضم اولدینی حالده اوزون
 اوزادییه جریان ایدن مذاکراتدن صکره اودورده زراع ایله
 اصحاب املاکک منافعی اولدقجه مسعود برطرزده تألیفه صالح
 کورینور برفرمان عالی استحصال اولمش ایهده احکامی موقع
 اجرایه وضع اولونما مشدر . بوفرمانک احکامندن بعضری
 بوکونکی کونده دخی طائفه زراعتک اصلاح مقدراتنه الیریشلی
 برتسویه منصفانه یه اساس اتخاذا اولنه مازمی؟ یوقسه اتخاذا اولنه حق
 تداییرک تسهیل اجرایی ضمننده بوندن یکریمی سنه اول بلغارستانده
 اسکیم skims دینلن تحویلات عمومیه چیقاریلوب بونلرله اراضی

بدلاتی تسویه ایدلمش اولمسنه امتثالاً ایشه خزینۀ دولتی قاریش دیر مقمی
دها مناسب اولور؟ بورالرینی تدقیق ایکنکه لزوم واردر.

ایشک مشکل اولدیغنی وبرکون ایچنده یاییلوب بیتور یله میه جکنی
بیلیورز. فقط اعتقادیمزجه بوسنه وهرسک زراعنک حالی
اصلاح ایله ولایاتک حالت اجتماعیه سنک آچیق یاردرلندن برینی
بووجهله قاپامغه چالیشمق اهم والزمدر.

دولتک پارچه پارچه صاتیغه چیقاره جغنی اراضی بی کویلولرک
ناهون شرائط ایله ویواش یواش استملاک ایلمسنه مساعد برتدیر
بولمق محال دکلدرکی کوریرز. کویلولر استرلر ایسه ینه اسلام
همشهریلرینک املاکنی چیفتجی صفیله زرع وحرثه دوام ایلدکلری
حالده دیگر طرفدن کندیلری دخی برکوچک اراضی صاحبی
اولمغه وبوصورتله بعض مرتبه کسب استقلالیتله آنلرک مظالم
وتعدیاتندن مصون بولمغه موفق اولورلر.

باب عالی طرفندن وقوع بولان مواعیده خرسیتیانلرک پکده
اعتماد ایتدکلری ملاحظه اولونور ایسه اعلان اولنان اصلاحاتله
برابر بونلرک جداً موقع اجرایه قونیله جغنی بعض مرتبه تأمین
ایده جک برهیئت احداث وتشکیل اولندجقه مطلوب اولان اعتماد
وامنیتک استحصال ایدیله میه جکی درکاردر.

اجراآت ماده سی، ایالات والیرینک اختیارینه حواله ایله
اکتفا اولندجقه بحث ایلدیکم عدم اعتمادک دفعی قابل اولاماز.
بناء علیه وجوه واعیان مملکتدن ویاری اسلام، یاری خرسیتیانندن

و باب عالینک بعدما تعیین ایلیه جکی اصولده اهالیء مملکت جانبندن
 انتخاب اولنش اعضادن مرکب بر قومیسئون تشکیلی لازم کلور .
 ایشته ایالات عاصیه ده حصول آسایش امید قویسنده بولایله
 بیلیمک ایچون اجرایی لازم کله جک ماده لری بروجه مشروح
 بسط و بیان ایلدم که خلاصه لری بونلردر :

— آیین ومذهبه حرییت تامه وکامله اعطاسی ،

— التزام اصولنک لغوی ،

— هر سک وبوسنه ویرکولرندن حاصل اوله جق مبالغتک قانون
 اولک اون ایکسی تاریخی فرمان عالی احکامنجه تشکیل اولنه جق
 مجالسک نظارتی تحتنده اولمق اوزره ایالتک منافعه متعلق شیلر ایچون
 صرف اولنه جقنی تأمین ایدر بر نظامنامه نک نشری ،

— کرک اوروپا طرفندن تکلیف اولنان و کرک اراده سنیه
 وفرمان عالیده اعلان ایدیلاں اصلاحاته نظارت ایتمک اوزره
 اسلام وخرستیاندن عددجه مساوی اعضادن مرکب بر قومیسئون
 تشکیلی ،

— اهالیء قرانک زراعتجه اصلاح احوالی ،

ماده لریدر . مواد خمسہ مشروحده ن دردی جانب باب عالیدن
 در حال اجرا اولمق ممکن و همده لازمدر .

بشنجیسی دخی درجه قابل اجرا اولور .

اگر ، بزجه اک اساسلی کورینان شوا امتیازاتدن ماعدا
 بوسنه وهرسک قطعه سی ، صوک فرمانده مندرج شو : « برایالت

مجلسی و اهالی طرفدن سر بسته اتخاب اولنه حق اعضادن
مرکب محاکم تشکیلی . — حکامک لایعزل اولمی . —
عدلیه غیر مذهبییه — حریت فردیه — سوء معاملات قارشی
تأمینات . — بونجه شکایاته سببیت و یرن ضابطه نك تنسیفی . —
بدل عسکرینك حقاقت دائره سنده تزیلی . — حق تصرفه
عائد تأمینات . « کبی اصلاحاته نائل اولور و رسماً سند اتخاذ
اولونمق اوزره باب عالی طرفدن تبلیغ اولونمسنی طلب ایلدیکمز
بتون بو اصلاحات ، متن فرمانه نظراً شمدییه قدر آنلردن
استفاده ایتمه مش اولان ایالات عاصیه ده تطبیق ایدیلور ایسه بو خراب
مملکتلرده تأمین صلح و سکون ایدلدیکنی کورمک امیدنده
بولنله بیلیر .

الحاصل ۲ تشرین اول و ۱۲ کانون اول تاریخی اراده لرك
مواعید غیر معینه سی تمایلات اهالی نی خشتود ایتیموب بلکه تهییج
ایله مکدن باشقه بر شیئه یارامایه جقدر .

دیگر طرفدن عسا کر شاهانه ، عصیانه ختام و یرمکه موفق
اولامامشدر . قیش ، حرکاتی تعطیل ایتمش ایدی ، ایلک بهار
قیامک علونمسنه مدار اوله جقدر .

موسم بهارک حلولنده اختلالک یکیدن ظهور ایده جک
عصات ایله قوت بوله جغنی واقوام عاصیه یه بلغارلر و کریدلیلرک
دخی داخل اوله جغنی جزم و اعتقادی خرستیانلر بیننده عمومیدر .
هر نه اولورسه اولسون بو کونه قدر کندیلرینی دائره اختلالدن

آیری طوتمقده پک کوجلک چکمش اولان قره طاغ و صرب امارت لرینک غلیان اذهانه مقاومتدن عاجز قالملری ماحوظدر . حتی شمیدین بیلہ وقوعاتک و مملکتلرنده کی افکار عمومیه نک تأثیری تحتندہ آنلر — قارلر آریر آریمز، — داخل دائرہ جدال اولمق فکریلہ الفت ایتملر کی کورینیور .

بو حالہ قارشو محافظہ صالح عمومی ضمنندہ ایلروده ظهور ایدہ جک قاریشقلقلرک منعی آرزوسندہ بولنان دولتلرک ایشی پک کوجاشمشدر . آوستریا دولتی ایلہ سائراییکی دولت ایمراطوریہ محرمانہ وقوع بولان تعالیٰ افکاردن صوکرہ فرمان عالی اخیرده اعلان اولثوب ذاتاً ممالک عاصیه حقندہ همان وطوغریدن طوغری یه تطبیق اولونمایه جق کی کورونن اصلاحاتک نتیجه سنہ انتظار ایلہ اکتفا اولثہ جق اولورایسہ دائرہ اختلالک موسم شتایی متعاقب توسع ایتسنی کورمکدن بشقہ بر نتیجه حاصل ایدیلہ میه جکی جزم و اعتقادندہ جمله سی اتفاق ایتملردر . بو حالده دول ثلثہ نک افکار نجه مشکلات جدیدہ نک منع ظهوری، اولسہ اولسہ آنجق دولتلرک بتون ممالک شرقیه یه سرایتندن قورقیلان شو حرکت عصبانیہ نک اوکنی آلمقلنی قویاً تصمیم ایلدکلرینی بیان ایتلمبلہ حاصل اولور . ایمدی دولت علیہ نک تحت تابعیتندہ بولنان اهالی خرسیانیہ ایلہ امارتلرہ یالکز بر تنبیہ ایلہ حصول مقصد میسر اوله میه جفندن فی نفس الامر مشکل اولان اشبو تشبی بر حسن نتیجه یه ایصال ایچون دولتلرک قابل اجرا و صریح و ممتنع الاعتراض و علی الخصوص

بوسنه وهرسكك حالي اصلاحه صالح افعاله مراجعت ايتلري
والحاصل تشبهات واقعه لريني پروغراملره دكل، فقط اجراءات
وفعلياته بنا ايتلري لازم كلور . دولتر، نصايح مصلحانه لريني
آنحجق بو صورتله تاثير ايتديره بيلورلر .

بوندن بشقه بر مشكل دها واردركه دفع وازاله اولندچقه
ذره جه بر حسن نتيجه استحصالی قابل اوله مز. بومشكل دخي
خرستيانلرك جانب باب عاليدين ايديلان هر درلو مواعيده اوته دنبرو
كوستردكلري عدم امنيتدر . فرمان عاليء اخيرده اعلان اولنان
تدايردن بر چوغی مقدما صادر اولان خط هايونلرده دخي
مندرج ايكن ينه خريستيانلرك اصلاح حالجه تاثيري كوريله مامسي
شو امنيتسزلكه سبيت ويرمش اولديغندن باب عالينك دولترلره
رسماً بر تقرير كوندروب ۲ تشرين اول و ۱۲ كانون اول
تاريخلريله شرفصادر اولان خط هايونلرك عموم ايالات شاهانه
حقنده حاوی اولديغی افكار ونياتی تأييدو ايالات عاصيه ده اعاده
آسايشه متعلق اولان مواد مشروحه بي دخي قبول ايلسي دول
معظمه قاينه لرنبجه لزوم مبرم حكمنده كورينور .

بونكله خريستيانلرك اليوم ايستدكلري شكل وصورته نائل
تأمينات اوله ميه جقلري دركار ايسه ده ينه اعلان بيوريلان
اصلاحاتك لزومي دول معظمه جانبندن تصديق اولنيسندن وديكر
طرفدن دخي باب عالينك بو اصلاحاتي موقع اجرايه وضع
ايتمكلكي اوروبايه قارشي تعهد ايلنيسندن اولدچقه كسب امنيت ايدرلر .

ایشته آوستریا و مجارستان ، روسیه و آلمانیا قاینه لری بیننده
 وقوع بولان مبادله افکاردن شو قناعت حاصل اولمش-در.
 ذات سفیرانه لری اشبو صورت مطالعه یی نزدنده بولندیغکز
 دولته عرض و تبلیغ ایله حصوله چالشمقده اولدیغمز صلح
 و مسالمت ماده سنده دوات مشارالیه انک معاوتتی طلب واستحصال
 بیوریکز. اکر امیدایتدیکمز وجهله حکومتک مطالعاتی بزم
 مطالعاتمز موافق ایسه باب عالینک حیثیت واستقلالیتنه رعایه
 نصایحمز کندوسنه مشترک بر نوطه ایله تبلیغ ایتیوب فقط
 در سعادتمه مقیم سفرامزی باب عالی نزدنده بالاده شرح و بیان
 ایتدیکمز یولده برلکده وعین صورتله حرکتله دعوتله اکتفا
 ایتدیکمز حکومت مذکوره یه تکلیف ایدرز.

شو مکتوبی نزدنده بولندیغکز دولتک امور خارجه سی
 ناظرینه قرائت و بر صورتی دخی اعطا بیوریکز بو تحریراتک
 ناظر مشارالیه نه تأثیر حاصل ایتدیکنی بر آن اول اشعاره همت
 بیورلدیغی حالده تشکر لر ایلرم .

برلین مه موراندومی ترجمه سی

[برلین ۱۳ مایس ۱۸۷۶]

ممالك عثمانیه دن آلمان مدهش خبرلر ، قابینه لرك اتفاقي تقويه ایده جك برماهیته در. اوج دولت ایمراطوریه ، سائر دول معظمه خرسیانیه نك معاوتیه احوال حاضره مخاطراتنك اوكنی آلمق ایچون بینلرنده ائتلافه کندیلرینی مجبور کورمشلردر . آنلرك فکر لر نجه ممالك عثمانیه نك احوال حاضره سی ، اطرافلی تدابیره محتاجدر .

هرشیدن اول، سلانیکده وقوع بولوب از میرله درسعادتده دخی ظهوری ملحوظ اولان وقوعاته میدان ویرلمه مک اوزره ایجاب ایدن تدابیر عمومیه نك اوروپاچه قرار لاشدیرلمسی الزم ومبرمدر . بوبابده دول معظمه نك، کندی تبعه لر یله ممالك عثمانیه اهالی خرسیانیه سنك امنیتی منسلب اوله بیله جك بالمله محللرده تبعه واهالی مذکور ه نك محافظه امنیتلری ایچون اتخاذاولنه حق تدابیر مقتضیه بختنده اتحاد ایتماری لازم کایور .

حال تهلمکده بولنان محللره سفائن حربیه سوق واعزامی

وعند الاقتضا اشیو محارک انتظام و آسایشی محافظه ایتک اوزره مسلحاً و متفقاً حرکت ایتلریچون سفائن مذکوره قبودانلرینه متحد المآل اوامر اعطاسی حقنده اتفاق حاصل اولور ایسه استحصال مقصد مأمول ایسه ده بوسنه وهرسک قطعه لرنده هیجانک عاجلاً تسکینی ایله بونی استلزام ایدن اسباب رفع وازاله اولونماقجه مقصد مذکورک تمامیء حصولی ممکن اولامایه جقدر .

حال حاضر سیاسییه خلل کتیر مکسزین قطعات مذکوره اهالیء خرستیانیه سنک تعدیل و اصلاح احوالی ضمنتده دول معظمه وکیللری اجتماع ایله بویکی مقصدک حصولی تأمین ایده جک صورتده باب عالیدن براصلاحات پروغرامی طلب ایلدیلر . باب عالی دخی بونی بالقبول اصلاحاتی موقع اجرایه وضع ایده جکنی قطعاً اعلان ایله دول معظمه قاینه لرینه بیان کیفیت ایلدی .

بناءً علیه بو وعدک انجامز و اجرایی خصوصنه نظارت ایتک اوزره دول مشارالیهم ایچون بروظیفه ترتب ایتدیکی کبی ترک مخاصمت ایله خانه و مأوالرینه عودت ایللری ایچون عصات و ملتجیلره ابراماند بولنلمغه ده مجبورییت حاصل اولمشدر .

مع هذا مذکور پروغرام ، اساساً دول معظمه طرفندن قبول اولوندینی حالده ایکی مانعیه تصادف ایله مشدر . شویله که: اوروپا جانبندن برکفالت قطعیه مادیه اولمادقجه باب عالینک مواعیدینه امنیت اولونه مایه جنی تجارب سابقه ایله ثابت اولدینی

عصا طرفندن ادعا ایدلیدی کی باب عالی دخی، اشقیا، مملکتی مسلحاً دولاشدقچه ومهاجرین عودت ایلهمدکجه اصلاحات جدیدیه تشبث ایتک ماده ممکن اولمادیغنی بیان ایلهمسیله مخصوصه ومجادله دوام ایلدی.

سکیز آیدن بری دوام ایدن بو اختلالک مستلزم اولدیغنی هیجان، ممالک عثمانیه نك باشقه جهتلرینه ده سرایت ایتدی. بو حالدن، اهالی اسلامیه، باب عالینک آنحق ظاهرراً اوروپانک مطالبنه موافقت ایتکده ايسه ده اصلاحات موعوده یه جدأ تشبث ایتک افکارنده اولمادیغنی استخراج ایشلردر.

بوده برطاقم حسیات دینیه وسیاسیه نك تولدیه سالانیک وقوعات مؤسفه سنه وممالک عثمانیه نك جهات سائرده سنده سرنمای دهشت اولان غلیان وهیجانیه سببیت ویرمشد.

خرستیانلرک مقاومت شدیدہ سندن حدتلمش اولان مسلمانلره امنیت ایتلری حقنده خرستیانلر تشویق اولوندیغنی صرہ ده حال آسایشده بولنان برشهرده علناً وعاجز برحکومتک کوزی اوکنده اجنبی قونسولوسلرینک قتل ایدلمسی ماده سی، بوسنه وهرسک ایلہ امارات متجاوره اهالی خرستیانیہ سنه سوء تأثیر ایتش اولدیغنی جهتله تعصبک ایالات مذکورده دخی غلیانہ کله جکی شبه سزدر.

شو حالک دوامی تقدیرنده دول معظمه نك اطفاسنه جالیشدقلری نائرہ اختلالک علولنمی ملحوظدر. بناءً علیه دول

مشار اليهم ايله باب على بيننده قرار كير اولان تدابيرك خالصانه وتماماً موقع اجرايه وضع اولونه جقلىرينه شك وشبهه براقايه جق بعض تأميناتك اعطاسى الزمدر .

حکومت سنيه جانبدن اوروپايه قارشى ايديلن تعهداتك اجراسى ضمانده جداً ايشه باشلامغه باب على نى تضيق ايتك هر زماندن زياده شمدى الزم واقدمدر . بو طريقده ايلك خطوه اولنق اوزره اوچ حكومت امپراطوريه ، ايكي آي مدتله ترك مخاصمات ايتك ايچون دول معظمه راي متحدينك حائز اولدينى قوتله باب على نزدنده اصرار اولونمى ، تكليف ايدرلر . مهلت مذكوره اوروپانك افكار خير خواهانه مى حقنده عصات ومهاجرينك كسب امنيت ايتلىرينه واشبو تشبثات اصلاحيه ايله ايقتاع موانع ايتمه ملرى ايچون امارات متجاورنك تشويق ايدلمسنة وباب عالينك دخى مواعيدنى بلاتأخير اجرا ايله مسنة مساعده ايده جكدرد . بو صورتله بوسنه وهرسك و كيللرى طرفدن درميان اولونه رق مذاكراته مبدأ اتخاذ اولونمغه شاين كورينن مطالباتك اساسى اوزرينه دوغرىدن دوغرى به باب على ايله مومى اليهم بيننده طريق مذاكره آچيله بيله جكدرد .

مواد مذكوره شونلردر :

برنجيسى . — وطنلىرينه عودت ايدن ملتجىلره خانه وكليه الرك تكرار انشاسى ايچون لوازم اعطا اولونه جق و كندى

کار و کسب لایله تعیش ایتک اقتدارینی استحصال ایدنجیه قدر
کندی لرینه اعانه ایدیه جکدر .

ایکنجیسی . — اعانه مذکوره عثمانلی قومیسری
طرفندن توزیع اولندیغی مدتجه اصلاحاتک جدأ اجراسنی
تأمین وبوکا نظارت ایتک اوزره تشکیلی ۳۰ کانون اول
تاریخی نوظده محرر مختلط قومسیون ایله اجرای مذاکره
اولونه جقدر .

اوپنجیسی . — هرکونه مصادمهک منع وقوعی ضمنده
هیچ اولمازسه هیجانک تسکینه دکن عسا کر عثمانیهک ایلروده
تسبیب اولونه حق نقطه جمعی ایچون باب عالی نزدنده اجرای
وصایا ایدیه جکدر .

دردنجیسی . — مسلمانلر مثللو خرستیانلر دخی سلاح
طاشیه جقلردر .

بشنجیسی . — دول اجنبیه قونسولوس ویادلیکلری عموماً
اصلاحاتک اجراسنه وخصوصیه ملتجیلرک وطلرینه عودت لرینه
نظارت ایده جکلردر .

دول معظمهک معاونت خیر خواهانه سی ایله متارک سایه سنده
اساس مذکور اوزرینه اتفاق حاصل اولور و مهاجرلرک
مملکت لرینه اعاده سی و مختلط قومسیونک تشکیلی ماده لرندن
ابتدار اولونه رق همان اجرا آتیه تثبیت ایدیلور ایسه طریق صلح
ومسالمته خیلی مسافه قطع ایدلمش اولور .

دولتارك مساعيسى ، استحصال مقصده مدار
اولمقشرين مدت متاركه قرين ختام اولور ايسه حكومات
ئله ، فنالى توقيف و اتشاريني منع ايچون صلح عمومى
منفعتنه مقتضى كورونه جك تدابير مؤثره خصوصنده برائتلافك
قوة تأييديه سنى تاثيرات ديپلوماتيقيه لرينه علاوه ايتمكه ازوم حاصل
اوله جغى فكرنده درلر

روسیه سفیری (ایغاتیف) كُ صربستانله متاركه

ایدلمسی تكلیفی حاوی اولتیاتومنك ترجمهسی

۳۱ تشرین اول ۱۸۷۶

محور امضا روسیه سفیری خارجه ناظری صفوت پاشا
حضرتلرینه زیرده محور تبلیغاتی اجرایه مأموردرد .

بعض ایالات شاهانده بر سنه دن بری ظهوره كلوب
صربستان وقره طاغ ایله محاربه یی انتاج ایدن وقوعاته روسیه
دولتی نظر بی قیدی ایله باقاماز . روسیه ملتی ، روابط عدیده
واحواک ماضیه ایله بالقان خرسیان اهلینسه مربوط اولدینی
جهتله وقوعات مذکورده روسیه ملتینجه پك بیوك تأثیر حاصل
ایتمشدر . ایمپراطور حضرتلری ، تبعه سنك شو میل و محبتنه
اشتراك ایدر ك دول معظمه ایله متفق اولدینی حالدده صلح
و آسایشك اعاده سنه چالیشمشلردرد .

چونكه دول كافله ، صربستان وقره طاغده محاربه دن
اولکی حالك ابقاسی ماده سنك مصالحیه اساس اتخاژنده اتفاق
ایله مش اولدولرندن الیوم عساكر عثمانیه نك اجرا ایلدكیری

حرکات عسکریه یهوده یرہ قان دوکمکدن عبارت قالبور . هاه
یوکونلرده دوکیلن قانلر ، انسانیتہ دوقونور مرتبهلره کلش
اولدینی حالده ینه بر نتیجه یی منتج اولامادیغندن متبوع مفخمم
ایمپراطور حضرتلری مدت جزئیہ ایچون بر متارکه عقدی
ضمننده جریان ایدن مکالماتک آغیر کیتمسینه بو حالک بر مدت
دها دوامنه رضا کوستردمز .

ایمدی محرر امضا ، بو نوطه نك وقت تبلیغندن اعتباراً
ایکی دفعه ده یکرمی دردر ساعت ظرفنده بلا قید و شرط آلتی
هفته دن ایکی آیه قدر — حکمی بتون محاربنه شامل اولمق اوزره —
بر متارکه حقیقیه عقد اولونما یوب ذه اردوی همایون قوماندانقلرینه
دخی حرکات عسکریه نك در حال تعطیلی ضمننده امر قطعی
ویرلمز ایسه بتون هیئت سفارت ایله برلکده در سعادت تریک ایده جکفی
ایمپراطور نامنه اوله رق باب عالی یه بیان ایدر .

فہرست

صحیفہ

- | | |
|----|--|
| ۳ | کلیات حقوق و سیاسیات |
| ۷ | برنجی کتابہ مقدمہ |
| ۹ | ۱ - قریم محاربہ سندن صوکرہ |
| ۱۷ | ۲ - دولت عثمانیہ و پانسلاویزم تحریکاتی |
| ۲۳ | ۳ - ہرسک عصیانک صورت و اسباب ظہوری |
| ۳۳ | ۴ - آندرائی نوٹہ سی |
| ۳۸ | ۵ - اختلاک توسع و دوامی |
| ۴۶ | ۶ - انکلتہ قاینہ سی و استانبول انقلابی |
| ۵۰ | ۷ - صربستان و قرہ طاغ طرفندن اعلان حرب |
| ۵۶ | ۸ - انکلیز و روس مبارزہ سیاسیہ سی، بیقونسفیلد و غورچاقوف |
| ۶۷ | ۹ - استانبول قونفرانسی |
| ۷۳ | ۱۰ - ویانہ ائتلاف خفیسی - ایغنائیفک مأموریت مخصوصہ سی - لوندرہ قونفرانسی |
| ۸۰ | ۱۱ - اعلان حرب |
| ۹۱ | ۱۲ - قونفرہ مسئلہ سی و آیاستفانوس معاہدہ سی |

۱۳ - بر اروپا اختلافنك تقریبی - روسیهنك رجعت

سیاسیہ سی ۱۰۳

۱۴ - قونفرہ (حزیران، تموز ۱۸۷۸) ۱۱۹

۱۵ - برلین معاہدہ سندن صوکرہ اوروپہ ۱۳۳

برلین معاہدہ سی حقنہ مطالعات ۱۴۲

وثائق رسمیۂ بین الدول - آندراشی لایحہ سی { ۱۴۹
۱۵۱

برلین مہموران دومی ترجمہ سی ۱۶۹

(ایغنائیف) ك اولتیماتومی ۱۷۵

خطا صواب جدولی

صواب	خطا	صحیفہ	سطر
جهان علمك	جهان عالمك	۴	۱۰
ميسالت	مساعت	۳۶	۱۹
قونطرولى	قونطروول	۳۷	۸
اوغرايه رق	اوغرايه رق	۵۳	۱۱
تشبت	يشبت	۵۹	۱۲
طمطراقلى	طمططاقلى	۷۱	۱۸
قوللانيرسه	قوللانيليرسه	۱۰۷	۱۵
ايله ميه جكنى	ايديله ميه جكنى	۱۱۲	۱۸
ايچون اى بر	ايچون بر	۱۲۱	۱۸
۱۵	۱۴	۱۳۳	ايلك
اورويابه	اورويه	۱۳۳	۶
ايتاليا	آلمانيا	۱۳۵	۷
قازانه مامشلىردى	قازانه مشلىردى	۱۳۶	۹
حائل	حائل	۱۳۷	صوك
مفوض	مفوض	۱۵۷	۱۳



3 1761 07962054 8

D

375

.3

S24